


15787

Utez mayqaray

Ümrueylimeetoy



4. Dnitsa
1827



891.99

Դ-34 Տ. Յ. ՊԱՐՈՒԵԱՆ

Մ

39

ՍԵՎԱԳԱՏԻԿ

ՄՈՒՐԱՑԿԱՆՆԵՐԸ

ՀՐԱՄԱՆԻՔ

Ա. Ղ. ՊԱՐՏԻԶՊԱՆԵԱՆ

2003



Կ. ՊՈԼԻԱ

ՏՊԱԳ. Ա. Ղ. ՊԱՐՏԻԶՊԱՆԵԱՆ

891.99
Դ-34

1887

ՅԱՌԱՋԱԲԱՆ ՀՐԱՏԱՐԱԿՉԻՆ

Օտար լեզուներէ թարգմանուած վէպերը
ընդհանրապէս օտար աղդաց բարուց և սո-
վորութեանց համեմատ շինուած ըլլալով, բը-
նականաբար մի և նոյն օդուտը չեն ընծայեր
մեզ երբ զանոնք ի հայ լեզու կը թարգմա-
նեմք, հարկ է որ աղդային ֆսասակար սովո-
րութիւնները և մոլութիւնները հարուածող
աղդային վէպեր ի լրյս ընծայուին, որպէս զի
հասարակութիւնը կարդալով կատարելապէս
օդտի և իւր յուի սովորութիւնները ուղղէ:
Այսպիսի վէպեր դուն ուրեք տեսնուած են
մեր մէջ և ցաւալի է ըսել որ այս պատճա-
ռաւ ժողովուրդը իւր ֆսասակար ունակու-
թեանց մէջ մնացած է: Այս տեսութեամբ
ներկայ վէպը որ Յ. Յ. Պարոնեան էֆէնտիի եր-
դիծաբան գրչին ծնունդն է, ի լրյս կը նծա-
յեմք յուսալով որ բանասէրք անոր կարե-
ւորութիւնը կը ճանչեն և զմեզ քաջալերել կը
յօժարին:

Ս. Դ. ՊԱՐՏԻԶՊԱՆԵԱՆ



21325-60

ՄԵԾԱՊԱՏԻՒ

ՄՈՒՐԱՑԿԱՆ ՆԵՐԸ

Ա.

Հազար ութը հարիւր եօթանսասուն . . . չեմյիշեր քանիին , սեպաեմբերի երեսունը մէկին – ներեցէք , երեսունին պիտի ըսէի , վասն զի սեպտեմբերն , երեսուն օր միայն ունի – երկար եւ ընդարձակ թիկնոցի մը մէջ փաթտոված միջահասակ եւ գիրուկ մարդ մը՝ որ Տրապիզոնի շոգենաւէն նոր ելած էր , Ղալաթիոյ նաւամատոցին վրայ կայնած նաւակէ մը իւր մնտուկները հանել կաշխատէր :

— Կը տեսնէք , որչափ պարզութեամբ սկսայ : Պատմութիւնս հետաքրքրական ընելու ջանքով եւ անկից քանի մը հարիւր օրինակ աւելի ծախելու համար չըսի թէ նոյն օրն սաստիկ հով մը կար . թէ տեղատարափ անձրեւ կուգար , թէ խուռն բաղմութիւն մը հետաքրքրութեամբ գէպ ՚ի Ղալաթիոյ հրապարակը կը վաղէր , թէ ոստիկանութիւնն աղ-

ջիկ մը ձերբակալած էր եւն . խօսքեր , որովք վի-
պասաններն կակալն միշտ իրենց վէպերը : Ես ալ
կրնայի ըսել այս ամենը , բայց չըսի , որովհետեւ
նոյն օրն ոչ հով կար , ոչ անձրեւ , ոչ խուռն բազ-
մութիւն եւ ոչ ալ ձերբակալված աղջիկ մը :

ԱՌԴ , առանց կասկածելու հաւատացէք պատ-
մութեանս որ ժամանակակից դէպք մ՞է :

Այս ճանբորդն օժտված էր զոյգ մը խոշոր եւ
սեւ աչերով , զոյգ մը հաստ , սեւ եւ երկար յօն-
քերով , զոյգ մը մեծ ականչներով եւ զոյգ մը
քիթեր . . . չէ , չէ , մէկ քիթով թէպէտ եւ բայց
զոյգ մը քիթերու տեղ կինար ծառայել . անոր
մեծութիւնը սխալեցուց զիս : Ունէր այնպիսի նայ-
ուածք մը՝ որուն եթէ Պ. Յ. Վարդովինան հան-
դիպէր իւր աշերով կը հարցունէր այդ մարդուն .
«Ի՞նչ ամսական կուղես թատրոնիս մէջ ապուշի
գեր կատարելու համար » :

Մնառուկներն եւ անկողինն որ քուրչի մը մէջ
ներփակված էր , նաւակէն հանելուն պէս ճանբորդն
քաշեց քսակն եւ նաւազարին իրաւունքը վճարե-
լով բեռնակիր մը կանչեց : Հինգ բեռնակիրներ
ներկայացան իրեն : Տարակոյս չկայ որ եթէ հինգ
կանչէր քսանեւհինգ պիտի ունենար իւր առջեւ
մայրաքաղաքիս սովորութեանը համեմատ :

— Ո՞ր կողմ պիտի երթաք , աղա , հարցուց
բեռնակիրներէն մին՝ մէկ ոտնը մնառուկներէն միոյն
վրայ կոխելով :

— Բէրա , Ծաղկի փողոց թիւ 2, պիտի երթամ
պատասխանեց խոշոր մարդը :

— Շատ աղէկ , հասկցայ , Բէրա , Ծաղկի փողոց
. . . պատուական փողոց մ'է ըսաւ հարցումն ընող
բեռնակիրն եւ մնառուկ մը շալկելով սկսաւ երթալ :

— Ծաղկի փողոցն ես ալ գիտեմ , ըսաւ երկ-
րորդ բեռնակիրն եւ մնառուկն մէկն ալ ինք առնե-
լուն պէս Բէրայի ճանրան բռնեց :

— Ես ամեն օր կերթամ Ծաղկի փողոցն ըսաւ
երրորդն եւ մարդուն անկողինը գետնէն վերցնեն
կոնակին վրայ առնելն ու վազելն մէկ ըրաւ :

Այս գործողութիւններն այնքան արագութեամբ
կատարվեցան որ մարդը շուարելով սկսաւ չորս
կողմը նայիլ տեսնելու համար բեռնակիրներն որ
բազմութեան մէջ անյայտ եղած էին :

— Ի՞նչ խայտառակութիւն է աս , պօռաց վեր-
ջապէս ոտները գետինը զարնելով , ուր տարին ան-
կողինս եւ մնառուկներս , ատոնք ի՞նչ իրաւունք
ունին իմ անկողնոյս եւ մնառուկներուս խառնվելու ,
ի՞նչ աներես մարդ են եղեր այս տեղաց մարդերը ,
ի՞նչ որ կը տեսնեն կառնեն կը տանին :

— Ծաղկի փողոցը մենք ալ գիտենք , աղա ,
մնդի ալ բան մը տուր որ տանինք , ըսին միւս եր-
կու բեռնակիրները :

— Ծաղկի փողոցն ալ գետնին տակն անցնի
դուք ալ , պատասխանեց մարդն որուն այտերն նե-
զութենէ կարմրիլ սկսած էին :

Երկու բեռնակիրները խնդալով հեռացան։ Եւ ճանքորդն ալ իւր սնտուկներուն նտեւէն երթալ կը պատրաստվէր երբ բարձրահասակ, թխաղէմ, փոքր աչերով մարդ մը՝ ուսերը անկած, ձեռները շփելով եւ բռնազրօսեալ ժայիտով մը մօտեցաւ անոր եւ քաղաքավարական ձեւով մը ձեռները բռնելով հարցուց։

— Դո՞ւք էք Աբիսողոմ աղա, ե՞րբ եկաք, ո՞ր շողենաւով եկաք, ի՞նչպէս էք, ձեր եղբայրն ի՞նչպէս է, ազգային գործերն ինչպէս են Տրապոնն, հացին գինը քանի՞ է հոն, անձրեւ եկա՞ւ այս օրերը ձեր քաղաքը . . . վայ, Աբիսողոմ աղա, վայ . . .

— Ես եմ Աբիսողոմ աղա, հիմայ եկայ, տաձկի շոգենաւով եկայ, շատ աղէկ եմ, եղբայրս ալ աղէկ է, ազգային գործերն ալ աղէկ են Տրապոնն, հացին գինը մէկ դահեկան է։ Անձրեւ չեկաւ այս օրերս մեր քաղաքը, պատասխանեց փութով թիկուցաբնակն առանց ճանաչելու այս անձն։

— Ներեցէք, թողութիւն ըրէք որ չկցի մինչեւ շողենաւ դալ զձեղ դիմաւորելու համար։ Ինձի գրված էր Տրապոնէն որ այս շարթու անպատճառ հոս պիտի դաք . . .

— Ես ատանկ բաներու չեմ նայիր։

— Արդարեւ մայրաքաղաքս ինքինքը բախտաւոր համարելու է ձեզի պէս պատուական ազգացին մը, չնորհալի երիտասարդ մը, ողջամիտ մէկը . . .

— Մնտուկներա . . .

— Ազնիւ սիրտ մը, վեհանձն հոգի մը . . .
— Բեռնա . . .
— Հայրենասէր անձ մը . . .
— Կիրները . . .
— Աղդասէր, ուսեալ, կրթեալ . . .
— Մնտուկ . . .
— Դատախարակեալ . . .

— Ներս առին տարին . . .
— Ազնուասիրտ, աղնուախոն, աղնուաղէմ մէկը իւր մէջ ունենալուն համար։
— Մնտուկներուս մէջ ատանկ բաներ չկան, պատասխանեց Աբիսողոմ աղան քալել սկսելով բեռնակիրները գտնելու համար։

— Թէպէտեւ դուք զիս չէք ճանչնար՝ բայց ես ձեր գերդաստանը խիստ լաւ կը ճանչնամ։ Ճեր լուսահոգի հայրն իմ լրագրոյս բաժանորդ էր։ Շատ բարի մարդ մ'էր, աղքատներուն ողորմութիւն կուտար, աղքատ աղջիկներ կը կարգէր եւ իրեն դիմողներուն բարութիւն կընէր։ Ասանկ ողորմած մարդերը շատ ապրելու են . բայց ի՞նչ օգուտ, անո գութ մահը միշտ բարիները կառնէ եւ թող կուտայ չարերն որ ազգին չարութիւն ընեն։ Թողունք սակայն կիները եւ ուրիշ բանի վրայ խօսինք։ Շոգենաւուն մէջ հանգի՞ստ էիր։

— Շատ հանգիստ էի, պատուականապէս կերայ, խմեցի եւ պառկեցայ, պատասխանեց Աբիսողոմ աղան քայլերն շուտ եւ մեծ առնել սկսելով։

— Եթէ հանգիստ չըլլայիք՝ վաղուան լրագրոյս
մէջ պիտի գրէի եւ ընկերութեան ուշագրութիւնը
պիտի հրաւիրէի, ըստ խմբագիրն ետեւէն վազելով։

— Շնորհակալ եմ։

— Կաղաչեմ, ըսէ՞ք ինձի, քանի՞ տարեկան էք։

— Քառասուն։

— Վաճառական էք, կարծեմ։

— Այո՞ . . . եթէ անցագիր պիտի շինել տաք՝
հարկ չկայ, վասն զի հատ մը ունիմ։

— Զէ, վաղուան թերթիս մէջ պիտի գրեմոր
առջի օրը Տրապիզոնէն մայրաքաղաքն եկաւ Մեծ-
ծագատիւ Աբխազոմ աղա երեւելի վաճառականն
որ իւր լեզուագիտութեամբն եւ վաճառականական
հմտութեամբն ծանօթ է մեր ազգայիններուն։ Տաճ-
կերէն դիտէք կարծեմ։

— Ո՛չ։

— Գրանսէրէ՞ն։

— Ո՛չ։

— Անգղիերէ՞ն։

— Ո՛չ։

— Գերմանէրէ՞ն։

— Ո՛չ։

— Վնաս չունի, ես լեզուագէտ պիտի ըսեմ
ձեզի համար եւ ձեր վրայօք գովեստով պիտի խօ-
սիմ։

— Ամեն Պոլիս եկողներուն անունները ձեր
թերթին մէջ կը գրէ՞ք։

— Գրեթէ ամենն ալ եթէ ձեզի պէս պատ-
ւաւոր ազգայիններ ըլլան։

— Պոլիսէն գացողներն ալ կը գրէք։

— Գրեթէ կը գրենք, եթէ պատուաւոր ազ-
գայիններ ըլլան։

— Շատ լաւ, իմ անունս ալ գրեցէ՞ք, ես ալ
պատուաւոր ազգային մ'եմ։ Մեր քաղաքին մէջ
արերու, եղերու, կովերու եւ ագարակներու տէր
եմ . . . Ասոնք ալ գրէ՛ ըստ այնպիսի դէմքով
մըր կը յայնէր թէ մեծ շահ մ'ունէր այս խօս-
քեւն հրատարակութեանը մէջ։

— Հոգ մի՛ ընէք. խղճի եւ արդարութեան
պարտք մը կատարելու համար անոնք ալ կը գրեմ։

— Երկու երեք հատ սպասաւոր ալ ունիմ . . .
անոնք ալ լրագրոյդ մէկ կողմը կինա՞ս անցունել։

— Ինչու չէ՞։

— Ոսկէ ժամացոյց եւ չլիւայ ալ ունիմ, բայց
շոգենաւուն մէջ չգողցնելու համար վրաս չառի։
անոնք ալ գրել պէտք է հարցուց Աբխազոմ աղան
որ ըոլորովին մոռցած էր մասուկիները։

— Ասոնք գրելու հարկ չկայ։

— Շատ լաւ, բայց միւս ըսաձներս լրագրոյդ
ամենէն առաջ դիր որ ամենքը կարդան։

— Այսպէս ընելու միտք ունիմ։

— Խոշոր գրերով գրէ։

— Հանգիստ եղի՞ք, ամենէն խոշոր գրերով։

— Սիայն հարուստ մարդերուն գալն եւ եր-

թաւը կը գրէք . . . այնպէս չէ:

— Ա, յո՛ :

— Եթէ աղքատ մարդերն ալ կը գրէք՝ չմ ու զեր որ իմ անունս . . .

— Բնաւ երբէք, ստակ չունեցողներոն անունները բնաւ չենք զրեր՝ նոյն իսկ եթէ սղար ոսկի ալ տուած ըլլան դարբոցի մը շինութեան համար:

— Ըսել է որ դուք ամեն իրիկուն հոս կպատմէք Պօլիս եկող կամ անկից մեկնող հարուսերը տեմնելու եւ անոնց անունները հրատարակելոհամար, որպէս զի ժողովուրդն դիտնայ թէ ով եկծ է եւ ով գացած է. . . տարակոյս չկայ որ վաղը ոիկուն իմ անունս պիտի կարդամ ձեր լրագրին մէջ:

— Ա, յո՛, ձեր հասցէն տուէք որ տեղական թղթատարով դրկեմ լրագիրը:

— Բէրա, Ծաղկի փողոց թիւ 2:

— Շատ աղէկ, ըստ խմբագիրն եւ զրպանէն թուղթ մը հանելով բաժանորդներուն ցուցակին մէջ անցուց Աբիսողոմ աղան:

— Վաղը առոտու, լուսը չճղքված դրկէ որ կարդամ իմ անունս լրագրին մէջ:

— Իրիկուան դէմ կը դրկեմ, վասն զի լրագիրս իրիկունները կը տպվի:

— Որչա՛փ ուրախ կըլլայի եթէ ձեր վաղուան լրագիրն առոտուն տպէիք . . . բայց վեաս չունի իրիկուան թօ՛ղ ըլլայ, բաւական է որ անունս խոչը դիրերով գրվի:

— Այդ մասին հանդիսատ եղէք . վաղը իրիկուն անպատճառ կը դրկեմ լրագիրն ընկալագրով:

— Ընկալագրո՞վ . . . տեղական թղթատարով պիտի դրկէիք հապա . . . Ընկալագիրն ո՞վ է, տունս գիտէ . . .

— Ընկալագիրն թուղթ մ'է որուն մէջ կը գըրեմ, և Ընկալայ մեծապատիւ Աբիսողոմ աղայէն . . . լրագրոյ տարեկան բաժանորդագին մէկ ու կէս սակի » եւ այդ թուղթը ձեզի կը յանձնեմ որով տարի մը իրաւոնք կունենաք իմ լրագիրս ընդունելու:

— Տարի մը շարունակ պիտի գրէք իմ անունը:

— Զէ, բայց դուք բաժանորդ պիտի ըլլաք իմ լրագրոյս, մէկ ու կէս ոսկի վճարելով ինձի:

— Մէկ ու կէս ոսկի՝ . . . շատ է . . . եւ բեք քառորդ ոսկի չը բաւեր:

— Խմբագիրները բաժանորդագնոյն վրայ ապարկութիւն չեն ըներ . . .

— Շատ լաւ. զրկեցէք ձեր լրագիրն եւ այն թուղթը, բան մը կընենք:

— Սակայն չկարծէք թէ ես բաժանորդ գրելուն պատակաւ զձեղ տեսնելու եկայ. քաւ լիցի, այդ պատիկութիւնը չեմ ընդունիր, բարեկամական պարտք մը կատարելու համար եկայ զձեղ տեսնելու:

— Յայտնի բան է:

— Բնաւ ձեր մտքէն չանցունէք թէ այս մար-

ու մէկու կէս ոսկի փրժնելու համար զիս տեսնելու եկաւ :

— Զեմ անցուներ :

— Վասն զի կան խել մը խմբագիան խմբագիրներ որք Պօլիս եկողները կողոպտելու համար անոնց քովը կերթան եւ բաժանորդ կը գրեն զանոնք . ես այդ բանը չեմ կարող ընել , վասն զի բնութեանս մէջ չկայ . . . ես իրեն պատուաւոր մարդ կուղեմ ապրիլ :

— Հասկցայ , իրեն պատուաւոր մարդ կուշ զէք ապրիլ . . .

— Ինձի հետ ձեր այս ունեցած տեսակցութիւնն ալ ուրիշի մի՛ զրուցէք , վասն զի տեսակ մը բաղդախնդիր , չուառական անձեր կան որք բանդագուշական կենսագրութիւններ կը գրեն եւ իմ անձնականութիւնս կը խծբքեն :

— Կը հասկնամ , անձնականութիւնդ կը խըճաբքեն :

— Օրինակի համար սա պարագային մէջ յանցանք մ'ունի՞մ ես . զձեղ դիմաւորելու եկայ եւ խոստացայ ձեր անունը լրագրոյս մէջ հրատարակել . դուք ալ իրեն ողջամիտ աղքային մը բաժանորդ գրվեցաք . կաղաչեմ , ըսէք , ձեր կոկո՞րդը սըխսմեցի որ ինձի բաժանորդ գրվիք :

— Ամենեւին :

— Ատրճանակի ցցուցի :

— Բնաւ երբէք :

— Դանա՞կ քաշեցի :

— Ոչ . բայց ուրիշ տեղեր ատրճանակ կամ դանա՞կ ցցունելով բաժանորդ կը գրեն :

— Ատ ըսել չեմ ուզեր , սա ըսել կուզեմ որ դուք ձեր յօժար կամքովը բաժանորդ գրվեցաք :

— Այս' :

— Եւ ես վեհանձնաբար վարվեցալ այս պատգային մէջ :

— Տարակրյա չկայ :

— Չվարվեցայ այն խմբագիրներուն պէս որք օտարականի մը Պօլիս դալն իմանալուն պէս՝ վագելով անոր տունը կերթան բաժանորդ գրելու համար :

— Այդ չուառականներն իրաւունք չունին քուանձնականութիւնդ խծբելու . . . դուն վստահ եղի՛ր ինձի . . . :

— Շնորհակալ եմ ձեղմէ . մնաք բարով Արիսողոմ աղան , օր մը մեր խմբագրատունը հրամմեցէք խահվէ մը խմելու :

— Շատ աղէկ օր մը կուզամ : Վաղուանին մէջ անցունելու չմոռնաք :

— Անհոդ եղէք :

Արիսողոմ աղան եւ խմբագիրն բաժնուեցան մրմէ թէրայի քառուզեցն առջեւ ուր հասած էլն օսելով :

Արիսողոմ աղան առանձին մնալով սկսաւ ճանաբան շարունակել ինքնիրեն հետեւեալ խորհրդածութիւններն ընելով .

« Ես ինքզինքս չեմ կարծեր այնչափ մեծ մարդ որչափ որ կը կարծէ այս խմբագիրն . բայց հարկաւ ան ինձմէ աղէկ գիտէ իմ որչափ մեծ ըլլալս , վասն դի խմբագիր մ'է եւ ուսումնական է . . . : Վաղը լրագրի մէջ իմ անունս տեսնողները անշուշտ իրար պիտի անցնին եւ հետաքրքրութիւն պիտի ունենան ինձի հետ տեսնըլու . . . վաղը պէտք է որ կիրակի օրուան հագուստներս հագնիմ եւ ու կիէ ժամացոյցս ու շղթաս ալ գնեմ . սպասաւորներս ալ հետս բերելու էի , ով գիտէր . . . : Ամեն մարդ պիտի իմանայ վաղը որ մեծ մարդ մը եկած է Կ. Պոլիս . աղնուախոն , աղնուասիրտ , լեզուազէտ , ուսումնական , դաստիարակեալ , կրթեալ եւն . մէկը , եւ իրաքանչիւր կնիկ պիտի ըսէ իւր էրկանը . « Մեր աղջիկը սա Արքաողոմ աղային տանք »: Երիկն ալ պիտի պատասխանէ կնկանը . « Նայինք Արքաողոմ աղան մեր աղջիկը կառնէ , անիկայ հարուստ տեղէ մը աղջիկ առնել կուզէ հարկաւ . » այս պատասխանին վրայ էրկան եւ կնկան մէջ վէճ մը պիտի ծագի եւ իրարու գլուխ պիտի պատառեն . որո՞ւ հոգ . . . : Անունիս լրագրին մէջ անցնին սա օգուտն պիտի ունենայ որ երկու օրուան մէջ հարուստ աղջիկ մը առնելով պիտի լը մնցունեմ ամուսնութեան գործն՝ որու համար անցայն եկած եմ հոս . . . այս ամուս . . . » :

Աղիւս բեռոցված էշերու կարաւանէն էշ մը բաղնիքը լուկը Արքաողոմ աղային դէմ ընդմիջնեց զայն իւր

Խորհրդածութիւններու մէջ , ուր ընկղմված ըլլալով ուշադրութիւն չէր ըներ առջեւէն եկող էշերուն որովք լի է միշտ Բէրայի մեծ փողոցը :

— Մէկդի կեցիր , ըսաւ իշավար պարսիկն Արքաողոմ աղային , արդարացնել ուզելով իւր էշը :

— Ատ խօսքը առաջ ըսելու էիր որ զգուշանակի , պատասխանեց Արքաողոմ աղան եւ ճանրանշարունակեց :

Բ.

Քեռնակիրներն ոչ լսած եւ ոչ ալ տեսած էին ծաղկի փողոցն , բայց քաջալիրվելով կարգ մը մարդերէն որք գիտնալ կը ձեւացունեն ինչ որ չն զիտեր եւ որք խիստ բազմաթիւ են մեր ազգին մէջ , համարձակած էին ըսել Արքաողոմ աղային թէ շատ աղէկ գիտէին ծաղկի փողոցը :

Քեռնակիրներուն այս յանդգնութիւնն այնքան պարսաւելի չէ որչափ այն մարդերունն որ խոհարարութիւն ուսած են եւ բանադատութիւն կը նեն կամ քիչ մը երկրաչափութեան պարապած ըլլալով ասալերուն շարժումներուն վրայօք կը ճառեն կամ երկու սադ եւ չորս կով մեծցուցած ըլլալով դաստիարակութեան ինդիքն կամ զաւակ



մ'ունեցած ըլլալով՝ առաջին մարդուն ո՛ր աշխարհի մէջ ճնած ըլլալուն վրայ կատենաբանեն կամ վերա ջապէս անանկ նիւթի մը վրայ կը խօսին որ բոլորովին օտար է իրենց . այո՛, այս մարդերուն յանդըգնութիւնն աւելի սրաբաւելի է, վասն զի բանադատութիւնն կամ աստղագիտութիւնն կամ մանակատածութիւնն եւլն Ծաղկի փողոց չէ որ ուրիշնորուն հարցնելով անմիջապէս սորպի մարդ : Եւ արդարեւ բեռնակիրներն՝ ամեն քայլափոխին՝ իրենց դէմն ենողներուն հարցունելով անմիջապէս գտան Ծաղկի փողոցն եւ թիւ Զ տան դուռը զարկին, մինչեռ ես շատ ատենաբաններ մտիկ ըրած եմ որ եօթը ութը ժամ շարունակ խօսելով չեն կարողացած իրենց վնատած փողոցը գտնել եւ ստիպված են ուրիշ փողոցներու մէջ թափառիլ եւ թափառեցնել իրենց ունկնդիրներն անոնց քթէն բռնելով :

Բեռնակիրները դուռը զարնենուն պէս դուռը բացվեցաւ եւ ներկայացաւ իրենց թուխ եւ երկար դէմքով կին մը՝ որուն դէմքին վրայ ժամանակն այնքան գծեր գծած էր զայն սրբազրելու համար որքան որ կը գծէ Մատիսի խմբագիրն իւր չորս տող մէկ ձեռագրին վրայ որ կամ մէկուն վախճանիլը կիմացունէ եւ կամ ուրիշ մը կարգվիր :

Բեռնակիրները դոնէն ներս մտնելով բեռները գետինը ձգեցին եւ սկսան իրենց քրտինքը սրբել :

— Արիսողոմ աղային ըլլալու են ասոնք, այն-

պէս չէ, հարցուց բեռնակիրներուն թխաղէմ տիւկինը :

— Անունը չըսաւ մեղի, պատասխանեց բեռնակիրներէն մին սեւ թաշկինակովն զլխուն քրտինքը սրբելը շարունակելով :

— Ի՞նչ տեսակ մարդ էր :

— Խոչոր թիկնոց մը հազած էր :

— Ի՞նչ գոյնով էր, ձերմա՞կ թէ թուկ :

— Ոչ, սեւ էր :

— Ա՞յս էր :

— Այսու, սեւ բայց աղուոր, անոր փաթաղվողը ձմեռը չմնիր :

— Ատ ի՞նչ խօսք է, փաթաղվին ի՞նչ պիտի ըլլայ . . . ես քուկին գիտցած կնիկներէն չեմ, հասկցա՞ր, ըստ տիկինը իւր խօսքերը չեշտելով :

— Վնասակար բան մը չըսի, փաթաղվելով ի՞նչ կըլլայ եղեր պատասխանեց բեռնակիրն աթոռի մը վրայ փոելով իւր թաշկինակն :

— Ատկէ աւելի վնասակար ի՞նչ կընայ ըլլալ :

— Շատ բարակ բաներու մեր խելքը չպառկիր :

— Ես կը պառկեցունեմ . . . դուն զիս կը ճանչնա՞ս . . . :

— Փաթաղվելէն ի՞նչ վնաս կուգայ :

— Ես էրիկ ունիմ, ինչո՞ւ պիտի փաթաղվիմ եղեր անոր :

— Երիկ ունեցողներն ալ կը փաթաղին, էրի-

կըն ուրիշ՝ աս ուրիշ . . աս կը տաքցունէ : Ըսենք որ
ձմեռը զիշեր մը դուրս ելար , փողոցին մէջ էրկա-
նըդ չես կրնար փաթավիլ , բայց աս կռնակդ կառ-
նես . . .

— Արխողոմ աղան :
— Թիկնոցը , տիկին . . . Արխողոմ աղան
կռնակի վրայ կառնվի՞ :

— Մինչեւ հիմայ թիկնոցի՞ վրայ կը խօսէիր :
— Խօսքերնիս թիկնոցի վրայ չէր մի . . . հա-
պա դուն ի՞նչ հասկցար :

— Ես հասկցայ որ Արխողոմ աղային փաթ-
արվելու է կըսես :

— Տէր ողորմեա , Տէր ողորմեա , Տէր Աստ-
ուած , ըսաւ բեռնակիրն թաշկինակը քաշելով ա-
թոռէն :

Տիկինն բեռնակրին տուած բացատրութենէն
գո՞ն ըլալով՝ հրամայական եղանակաւ մ'ըսաւ .

— Սա անկողինն եւ մատուկները վեր հանե-
ցէ՞ք :

— Բեռնակիրներն հնազանդելով բեռներն նո-
րէն վերցուցին , եւ հազիւ թէ սանդուղին առաջին
աստիճանին վրայ կոխած էին՝ տիկինն պոռաց .

— Լեռնէն եկաք դուք :
— Ոչ , մեծ փողոցէն եկանք :

— Գիտեմ որ մեծ փողոցէն եկաք , այդ ոտքէ
ամաններով վեր կելնըլի՞ , տեսէ՞ք ի՞նչ ըրբիք տալս-
տակներս , ես այսօր սրբեցի զանոնք եւ հոգիս բե-
րանս եկաւ :

— Ի՞նչ ընենք , ուրիշ ոտքի աման չունինք :
— Ինչո՞ւ կայներ երեսս կը նայիք , չանէ՞ք
տըւոնք :

— Այ' պոռար , տիկին , մի՛ պոռար , կը հա-
նենք :

Եւ հանեցին իրենց ոտքի ամաններն որք աւե-
լի մաքուր էին քան իրենց ոտներն :

— Այդ ոտքերով վեր պիտի ելնէք , կրկնեց
տիկինն :

— Ուրիշ ոտք ունի՞նք , այս ոտքերով պիտի
ելնենք պատասխանեցին պանդուխտներն այնպիսի
խեղճուկ կերպով մը որ կարծես թէ իրենց աղքա-
տութեան պատճառաւ երկու ոտքէն աւելի չէին
կրցած ունենալ , եւ որպէս թէ հարուստներն չորս ,
հինգ կամ վեց ոտք ունեցած ըլլային :

— Վա՛ր իշէք , չեմ ուզեր , գետինը ձգեցէ՞ք ,
ես կը տանիմ :

— Ատանկ աւելի աղէկ կըլլայ :

— Ահ . ես ի՞նչ ըսեմ իմինիս որ գործի չեր-
թար , եւ առառուցնէ մինչեւ իրիկուն սրճարանները
կերթայ կը նստի , ազգային գործերու վրայ կը խօ-
սի , զիս ասանկ խեղճ կը թողու եւ ես ալ կստիպ-
վիմ տունս մարդ դնելու մումուաց ինքնիրեն տիկինն
եւ սանդուղին առջեւ դրված թաց լաթով մը սան-
դուղին առաջին աստիճան որբել սկսաւ :

— Տիկին , մնաք սպասե՞նք պիտի . . .
— Եթէ խելքը գլուխը մէկն ըլլար՝ շարունա-

կեց արիկնն ինքնիրեն, ես հիմա թագուհիի մը պէս կեանք կանցունէի, զաւակ չունիմ, բան չունիմ. բայց ինչ ընեմ որ խելքը միաքը թաղական ընտրելու եւ թաղական վար առնելու վրայ է : Աստուծմէ գտնան այն թաղականներն ալ որ ամենուս խեղճութեանը պատճառ կըլլանկոր : Ինչո՞ւդ պէտք քուկին, անաշէն, ուզողը նստի, չուզողը նստի, դուն մնացիր այս ազգին գործերը շակող . . .

— Տիկին, մեր իրաւունքը տուր որ երթանք, պարապ տեղը չսպասենք հոս, ըսին բեռնակիրները :

— Վաղը եկէք, պատասխանեց տիկինն . եւ բեռնակիրներն, որք Հոգ բառն ամեն օր լսելու փարժված էին, տիկնոջ պատասխանին վրայ զոնէն դուրս ելան :

— Թաղականի մը ետեւէն է ինկեր, շարունակեց տիկինն դարձեալ, եւ բնաւ չմտմտար որ ուտելու համար հաց պէտք է, միս պէտք է, եղ պէտք է, բրինձ պէտք է . զանոնք եփելու համար փայտ պէտք է, ածուխ պէտք է . ասոնք բնաւ չըհարցուներ, առտուն լուսը չզղքված կերթայ եւ իրիկուան մութուն կուգայ : Ահա հիւրենիս այսօր եկած է, եւ ժամէ մը հոս պիտի գայ . հարկաւ անօթի է մարդն, առջեւը բան մը հանելու է որ ուտէ եւ մենք բան մը չունինք, վասն զի իրիկուները տուն եկած ժամանակը կտոր մը միս կամ ձուկ չքերեր որ տունին մէջ կերակուր գտնվի . . . թա-

զականէն ուրիշ բան չունինք տուներնուս մէջ, առ մեն իրիկուն թաղական . . .

Տիկինն դեռ զառողութիւններն լմնցուցած չէր՝ եւ ահա եօթանասունի մօտ մարդ մը որ բանալիով բայցած էր զուռն՝ ժպիտով ներս մտաւ եւ բարեւեց տիկինը : Այս մարդը տիկինը ամուսինն էր : Իւր խորշումած կունտ ճակատն չափէն աւելի դուրս ցըսուած էր եւ այնպիսի դէմք մը ունէր որ կարծես թէ մէկն զայն կը խտղտէր :

Այս մարդն հազիւ թէ դրան սեմէն ներս ոտք կոխած էր՝ կինն առջեւն ելնելով հարցուց անոր .

— Ուր էիր մինչեւ հիմայ, մարդ Աստուծոյ :

— Զես ըսեր, կնիկ, թաղականին գործն ալ այսօր լմնցուցինք . կիրակի օրը քուէարկութիւնը պիտի կատարվի, եւ բոլոր անդամները պատուաւոր մարդիկ պիտի ըլլան : Խորսոս աղան ինձի քանի մը օզի խմցունելով ետեւէս ինկաւ որ իւր ուղած մարդոցը քուէ տամ, բայց ես իմ մարդոցս տուի, վասն զի իմ մարդիկս ինձի ամեն գիշեր օզի կը խմցունեն եւ շատ բարի եւ պատուաւոր մարդիկ են, ուրիշներուն պէս թաղին սնտուկէն ստակ չեն գողնար եւ դպրոցն ալ . . .

— Այդ խօսքերուն ատենը չէ հիմա, շուտ մը գնա՛, կտոր մը միս ա՛ն :

— Թորոս աղան քիչ մը որդողեցաւ եւ ասկից վերջը հետա սուսանէիւ չուկատի խաղայ, թո՛ղ չխաղայ . . .

— Ես քեզի ի՞նչ կըսեմկոր . . . շուտ ըրէ՛ գնա՞ :

— Ես ալ տիրացու Մարտիրոսին հետ քայս կը խաղամ ասկից ետքը . . .

— Այդ խօսքերը վերջն ալ կընենք, Մանուկ աղա, գնա մսավաճառէն քիչ մը միս առ ու բեր :

— Ծիրացու Մարտիրոսին զիլսուն եկածը չետքսեր, կնիկ և եղածին կինն այս զիշեր մաղ մնացեր է որ մնանի եղեր . . .

— Ի՞նչո՞ւ :

— Մանչ մը բերեր է, բայց շատ դժուարութեամբ. չորս դայեակ եւ տասնեւվեց բժիշկ հազիւ կրցած են տղան առնել :

— Խեղճ կնիկ . . .

— Վաղը քիչ մը գնա՞ զինքը տե՞ս :

— Կերթամ, հիմա դուն գնա սա միսին դորձը լմցո՞ւր :

— Այս զիշեր անպատճառ միս պէ՞տք է :

— Հապա, Աբիսողոմ աղային անկողինն ու մատուկները բերին՝ ինքն ալ հիմայ կուղայ :

— Իրա՞ւ կըսես, կնիկ :

— Սուտ ինչո՞ւ պիտի խօսիմ :

— Շատ աղէկ ուրեմն. երթամ պատուական միս մ'առնեմ ու գամ :

Մանուկ աղան անմիջապէս տունէն դուրս եւ լաւ եւ հաղիւ թէ քանի մը քայլ առած էր՝ կինը ետեւէն պօռալ սկսաւ .

— Մանուկ աղա, Մանուկ աղա . . . Մանուկ աղան ետ դարձաւ .

— Միսն ինչո՞վ պիտի եփենք, հարցուց կինը :

— Կուղես գետնախնձորով եփէ՛, կուղես լուսիայով :

— Ատ չէ իմ ըսածս. ածուխ չունինք, քիչ մ'ալ ածուխ առնէիր :

— Շատ աղէկ, պատասխանեց Մանուկ աղա եւ սկսաւ երթալ :

— Մանուկ աղա, Մանուկ աղա, կանչեց տիւկնը նորէն :

Ետ դարձաւ Մանուկ աղա :

— Աղէկ ա, մինակ միտով չըլար, քիչ մ'ալ բրինձ ա'ռ որ ապուր մ'ալ շինենք :

— Աղէկ ըսիր, կնիկ, քիչ մ'ալ բրինձ առնենք :

Մանուկ աղան այս անդամ վազելով սկսաւ երթալ. փողոցը դառնալու վրայ էր՝ երբ կինն բոլոր ձայնովն ետեւէն զայն կանչեց :

— Մանուկ աղա, Մանուկ աղա . . . Ման . . .

կանգ առաւ էրիկն եւ վերատին ետ դարձաւ այս անդամ դէմքին զուարթութեան վրայ քիչ մը զեղչ ընելով :

— Ի՞նչ կուղես . . .

— Մարդ աստուծոյ, շոգեկառքի պէս կը վազես, ձայնս մարեցաւ : Սոխ չունինք, աղ ալ չունինք, քիչ մ'ալ կազ կամ ճրագ առնելու է որ վա-

ունք, մարդը մութուն պիտի նստեցունենք :

— Աղէկ ա, ամենը մէկէն լսէ որ նպարավա-
ճառին երթամ եւ պէտք եղածներն առնեմ. հար-
բիւր անդամ ետեւէս կանչեցիր :

— Զուրի շիշ ալ չունինք . . . գլուխս կա-
պելու բան մը չունիմ, ոտքս հագնելու կոչիկ չը-
կայ, այս վիճակին մէջ ի՞նչպէս Արխողոմ աղային
դէմը ենքմ :

— Հիմա ուտելիքը առնենք, վաղն ալ հագնե-
թքը կը մոմտանք ըստ Մանուկ աղան եւ դուռն
ուժով մը քաշելով դուրս ելաւ :

— Մանուկ աղա, Մանուկ աղա . . .

— Ուզածիդ չափ պօռա՛, ա՛լ ետ չեմ դառնար
մուռաց Մանուկ աղան եւ ճանրան շարունակեց :

Մանուկ աղան քանի մը փողոց դարձած էր.
Երբ կնկան ձայն մը առաւ որ զինք կը կանչէր.

— Գործ չունիս նէ՝ պօռավով ետեւէս վաղե ը-
ստ ինքնիրեն Մանուկ աղան, առանց գլուխն ետ
դարձնելու տեսնելու համար թէ ով էր զինք կան-
չողը :

— Մանուկ աղա, Մանուկ աղա, կրկնեց ձայ-
նը որ Տիրացու Մարտիրոսին տասնամետայ աղջկանն
էր :

Մանուկ աղան շարունակեց իւր ճանրան, եւ
Տիրացու Մարտիրոսին աղջիկն՝ քայլերն փութա-
ցընելով տասը քայլ հեռաւորութեամբ մօտեցաւ
անոր : Խեղճին շունչը կտրած ըլլալով անդամ մ'ալ
կրցաւ պօռալ .

— Մանուկ աղա :

Դարձեալ պատասխան չառաւ եւ սախպվեցաւ
քիչ մ'ալ քալելով Մանուկ աղային հագուստին ծայ-
րէն քաշելու :

— Թող տուր, կնիկ, ըստ Մանուկ աղան ա-
ռանց ետեւը նայելու :

— Բան մը պիտի ըսեմ :

— Մտիկ ընելու ժամանակ չունիմ . ըստների
արդէն չեմ կրնար միաքս բոնել, հիմա եղեր ուրիշ
բաներ ալ պիտի ըսես . . .

— Դայեակին տունը պիտի հարցունէի . . .

Դայեակին բառը լսելուն պէս արթնցաւ Մանուկ
աղան եւ ետեւը Տիրացու Մարտիրոսին աղջիկն
տեսնելով .

— Աղաւնի, դուն էիր ետեւէս վաղողը, հար-
ցուց անոր .

— Ա. յու ես • պա-
տասխանեց Աղաւնին որ հեւալէն ա՛լ չէր կարող
խօսիլ :

— Մայրդ ի՞նչպէս է :

Աղաւնին կը հեւար :

— Չըսե՞ս, մայրդ ի՞նչպէս է . . . դժբախտու-
թի՞ւն մը պատահեցաւ :

Աղաւնին բոլոր պատասխանն հեւալ էր . . .

— Հետաքրքրութենէս պիտի ճաթիմ . . .
չըսե՞ս աղջիկ, հեւալու ժամանակ է հիմայ, մայ-
րդդ ի՞նչպէս եղաւ :

— Մայ րի կս ա
 զէկ է բայց տը զան ծիծ
 չը բո ներ կոր դա
 յեակը պի տի

— Շատ լաւ , շատ լաւ , աղջիկս , գուն տուն
 դնա , դայեակն ես կը դրկեմ :

Աղաւնին բաժնըլիցաւ . Մանուկ աղայէն որ
 ճանբան փոխեց դայեակին տունը վնտաելու հա-
 մար :

Չուդելով մեր ընթերցողին ձանձրոյթ պատ-
 ճառել կը թողունք Մանուկ աղան՝ որ ամեն քայ-
 լափոխին բարեկամի մը կը հանդիպէր եւ անոր կը
 ծանուցանէր կամ թաղականին ընտրութիւնը կամ
 Տիրացու Մարտիրոսին կնկան մանչ զաւակ մը բե-
 րելն կամ Արիսողոմ աղային գալը : Դառնանք հի-
 մա Արիսողոմ աղային :

Գ.

Բաւական երկար տարիներէ ի վեր սովորութիւն
 եղած է որ շատերը ուսում առնելու համար Ֆօ-
 րանսա կամ Գերմանիա երթալէն ետքը մայրաքա-
 ղաքս կուգան կին առնելու համար , եւ ընթերցողն
 ալ զիսէ արդէն որ Արիսողոմ աղան ալ ուրիշ նը-

պատակաւ եկած չէր Կ. Պոլիս : Ընթերցողն չմոռ-
 ցաւ նաեւ թէ այս ամուսնութեան խնդիրն ո'րչափ
 միտքը զրաւած էր Արիսողոմ աղային՝ որ առջեւէն
 եկող էշէրը չտեսնելով անոնց միոյն դէմ բաղխը-
 վեցաւ : Թերեւս հարցվի թէ Արիսողոմ աղային դէմ
 բաղխվող աւանակն ալ ամուսնութեան վերաբեր-
 եալ գործ մ'ունէր որ իւր առջեւը չտեսաւ Արիսո-
 ղոմ աղային պէս խոշոր մարդ մը : Անոնք որ պատ-
 ճառթեան քիչ կամ շատ ծանօթութիւն ունին՝ գի-
 տեն որ էշէրը՝ որոնց նախահայրերէն մին ժամա-
 նակաւ հրեշտակ տեսած է , բնաւ կարեւորութիւն
 չեն տար մանկանցուներուս , եւ կուզեն որ միշտ
 մենք ճանրայ բանանք իրենց : Արիսողոմ աղան ե-
 թէ պատճենթեան տեղեակ ըլլար՝ կամ կին առնե-
 լու խնդիրով միտքն չըբազեցունէր՝ անշուշտ ճան-
 բայ պիտի բանար այդ արարածներուն որք իրենց
 ականջներով Միդաս թաղաւորին ներկայացուցիչ-
 ներն ըլլալու պատիւն ալ կը վայելեն :

Արդ , Արիսողոմ աղան էշէրէն բաժնըլիչն ետ-
 քը Ծաղկի փողոցը զտնելու համար անոր սասր
 հարցումներ կուզեկը . վասն զի ինքն առաջին ան-
 գամ էր որ Պոլիս կուզար եւ Տրապզն ընակող բա-
 րեկամներէն մին խորհուրդ տուած էր իրեն թէ
 հանգիստ ուսելու եւ պառկելու համար յիշեալ փո-
 ղոցը յիշեալ թիւը կրող տունն իջնալու էր : Այդ
 բարեկամն շարաթ մը առաջ Մանուկ աղային ալ
 նամակով իմացուցած էր որ Արիսողոմ աղան իրեն

տունը պիտի բնակէր : Աքիսողոմ աղան իրեն տըր-
ված տեղեկութիւններուն համեմատ մէկ փողոցէն
կը մանէր միւսէն կենէր , երբեմն ալ սիսալմամբ
անել փողոցներու մէջ կը մտնէր , կը բարկանար ,
ետ կը դառնար եւ մէկ կողմէն ալ կը կամկածէր որ
բեռնակիրներն իր անկողինն եւ մնտուկներն առ-
նելով չփախչէն , թէպէտ եւ անոնց հաւատար-
մութիւնն շատերէն լսած էր :

Ժամու մը չափ թէրայի փողոցները չափելէն
ետքը Աքիսողոմ աղան յաջողեցաւ վերջապէս զըտ-
նել Ծաղկի փողոցն զոր շփոթելու չէ նոյն անունը
կրող փողոցին հետ որ թէրայի հրդեհէն մօխիր զար-
ձած էր հաղար ութը հարիւր եօթանասունը չեմ
յիշեր քանիին : Այս փողոցն Ծաղկի փողոց կան-
ուանվէր սա պատճառաւ որ հոն բոլոր տուններուն
պատճաններուն առջեւ միշտ ծաղիկներ կը զըտ-
նըվէին :

— Երկու թիւն ո՞րն է հարցուց առանց գիտ-
նալու Մանուկ աղային կնոջը որ գրան առջեւ իւր
էրկանը գալստեանը կսպասէր :

— Աս է , հրամմեցէք Աքիսողոմ աղա , պա-
տասխանեց տիկինը :

— Անկողինն եւ մնտուկներս բերի՞ն :

— Բերին , Աքիսողոմ աղա . վեր հրամմեցէք
Աքիսողոմ աղա , եթէ կուզէք քիչ մը հոգութիւն
առնելու համար սա պիտիկ սենեակը նստեցէք ը-

սաւ կինը գետնայարկի վրայ պղտիկ խուց մը ցոյց
տալով :

— Շատ հոգնած եմ , քիչ մը հոս կը նստիմ :

— Զեր կամքն ինչպէս որ կուզէ այնպէս ը-
րէք , Աքիսողոմ աղա . տունը ձերն է Աքիսողոմ
աղա . ձեր տունին պէս հանգիստ ըրէք :

— Շնորհակալ եմ :

Աքիսողոմ աղան պղտիկ սենեակը մտաւ ա-
ռաջնորդութեամբ տիկնոջ որ զամբար մը բոնած էր
որուն կազը համնելու վրայ էր :

— Ի՞նչպէս էք , Աքիսողոմ աղա , տունէն ի՞նչ-
պէս են աղիկ են :

— Աղեկ են :

— Թող աղիկ ըլլան . ձեր զաւակներն ի՞նչպէս
են Աքիսողոմ աղա , դպրոց կերթան :

— Զաւակ չունիմ :

— Ձեր տիկինն ի՞նչ կընէ աղիկ է , Աքիսողոմ
աղա :

— Տիկին չունիմ գեռ :

— Կարդված չէք , Աքիսողոմ աղա :

— Զէ :

— Շատ լաւ , հոս աղուորիկ աղիկ մը զըտ-
նենք ու պօլեցի ընենք քեզի Աքիսողոմ աղա :

— Անանկ միտք մը ունինք , պատասխանեց Ա-
քիսողոմ աղան . բայց աղիկին առաջ ես կերակուր
կուզեմ , վասն զի առառւընէ ի վեր բերանս բան
դրած չեմ :

— Յատ աղէկ , Արխողոմ աղա , յատ աղէկ .
հիմայ կը բերեմ ձեր կերակուրն :

Տիկինը դուրս ելաւ եւ դուռը բանալով սեմին
վրայ կայնեցաւ սպասելու համար Մանուկ աղային
որ ինչպէս կը յիշեն ընթերցողները դայեակ վնասու-
լու գացած էր :

Արխողոմ աղան սենեակին մէջ միակ մնալով
բարձի վրայ զրված Զէն Հոգեւորն առաւ եւ թըղ-
թատել սկսաւ զայն . բայց որովհետեւ մարդս անօ.
թի եղած ժամանակը զիրք չկրնար կարդալ ինչպէ
նաեւ չկրնար զիրք զրել՝ նորէն բարձին վրայ դրա
Զէն Հոգեւորն՝ վասն զի փորն կիմացունէր իրեն թ
Զէն Մարմնաւորին պէտք ունէր , եւ սկսաւ սենե-
կին մէջ ատրատելու :

— Կաղաչնմ , Արխողոմ աղա , որ ձեր առունի
պէս հանգիստ ընէք , ըսաւ տիկին սենեակը մտնե-
լով :

— Անհանգստութեան պատճառ մը չունիմ , մի
այն թէ անօթի եմ եւ կերակուր ուտել կուղեմ :

— Կերակուրդ պատրաստվելու վրայ է , հիմ
պիտի բերեմ , ըսաւ տիկինը եւ դուրս ելաւ նորէն
զրան առջեւ էրկանը սպասելու համար :

— Ի՞նչ տեսակ կնիկ է այս , ըսաւ Արխողոս
աղան երբ առանձին մնաց , զիս անօթի կը պահէ
եւ կը պատուիրէ որ հանգիստ ըլլամ , անօթի մար-
դը հանգիստ կրնայ ըլլալ . . .

— Սեպէ՛ թէ հս ալ քու քոյրդ եմ կամ աղջիկ :

եմ , ըսաւ վաթմանամեայ տիկինը դարձեալ ներս
մտնելով , եթէ բան մը ուզես՝ մի՛ քաշվիր , ըսէ ին-
ծի որ բերեմ :

— Ծնորհակալ եմ :

— Ես կուղեմ որ իմ տունս եկող հիւրերը ը-
նեղվին :

— Կը հասկնամ . հիմակուհիմայ կերակուրէն
ուրիշ բան չեմ ուզեր :

— Կերակուրը պատրաստվելու վրայ է , հոգ
մի՛ ընէք . . .

Տիկինը գեռ պիտի շարունակէր իւր բանակ-
ցութիւնն , բայց դուռը զարնվելով դուրս վազեց
շուտով որպէս զի դուռը բանայ , էրիկը զիմաւորէ
եւ բերած պաշարներն առնէ ու կերակուր եփէ :

— Ողջո՞յն , Տիկին , ըսաւ մէկը դուռը բաց-
վելուն պէս :

Հարկ չկայ ըսելու թէ եկողը կրօնաւոր մ'էր ,
ինչու որ անսնք միայն կը գործածեն ողջո՞յնը :

— Օրհնեա՛ տէր , պատասխանեց տիկինը :

— Ի՞նչպէս էք , աղէկ էք , տիկին :

— Փառք Աստուծոյ , Տէր հայր :

— Մանուկ աղան հիմայ դէմու ելնելով իմացուց
որ հիւր մը եկած է ձեզի այսօր , ես ալ եկայ որ
հետը տեսնըվիմ :

— Յատ աղէկ ըրեր էք , ներս հրամմեցէք Տէր
հայր , ըսաւ Տիկինն ցոյց տալով խուցն որուն մէջ
Արխողոմ աղա իւր անօթութեամբը կզբաղէր :

Քահանայն ներս մտաւ :

Արիսողոմ աղան ոտք ելաւ :

— Ողջո՞յն, Արիսողոմ աղա :

— Օրհնեա՛, Տէր հայր :

— Մեղաւորս ձեր բարեպաշտութեան գալն ի-
մանալով աճապարանոք եկայ ձեր ջերմեռանդուա-
թեան պատուական որպիսութիւնը հարցնելու .
ի՞նչպէս էք, Արիսողոմ աղա :

— Աղէկ ենք :

— Միշտ աղէկ ըլլա՛ք, Տէր Աստուած ձեր մե-
ռելոց արքայութիւն եւ կենդանեաց աւուրս երկարս
պարզեւեսցէ :

— Ծնորհակալ եմ. դուք ի՞նչպէս էք, Տէր
Հայր :

— Մեր աղէկութիւնը մի՛ հարցունէք . . . ժա-
մանակիս աղէկութիւնը . . . Տէր Աստուած զձեզ
յամենայն փորձանաց եւ ի չարէ ազատ պահեսցէ .
Ժողովուրդն երբ աղէկ ըլլայ՝ քահանայներուն ալ
երեսը կը խնդայ :

— Այնպէս է Տէր հայր, պատասխանեց Արի-
սողոմ աղան իւր աչերն չզատելով բնաւ խուցին
դռնէն, ուսկից կերակուր կը յուսար :

— Օրհնա՛ծ, ժամանակը շատ գէշ է, ժողո-
վուրդը շատ նեղութիւն կը քաշէ, այս պատճառաւ
ջերմեռանդութիւնն ալ օր ըստ օրէ պակսելու վը-
րայ է :

— Իրաւ է :

— Բայց ի՞նչ պիտի ընկնք, ի՞նչ կուգայ մեր
ձեռքէն համբերելէն զատ . . . Սուրբ Գիրքը կը սէ .
որ համբերեսցէ խսպառ նա կեցցէ :

— Այնպէս է :

— Եթէ չհամբերենք՝ բարկանալ պէտք է, եւ
մարդարէն կըսէ . Բարկանայցք եւ մի՛ մեղանչէք :

— Ճիշդ է, պատասխանեց Արիսողոմ աղան,
որուն ականջը բնաւ չէր մտներ քահանային խօս-
քերը, եւ որ քահանային ներկայութենէն նեղու-
թիւն կիմանար . վասն զի, ի՞նչպէս զիտեն ընթեր-
ցողները, կերակուրէն ուրիշ բանի պէտք չունէր :

— Զի ո՛չ հացիւ միայն կեցցէ մարդ այլ բա-
նիւ Տեան :

Քահանայն քթախոտի տուփը ծոցէն հանեց եւ
երկու մատերովը քթախոտ լեցուց քթին ծակերուն
մէջ, եւ յետոյ, տուփը Արիսողոմ աղային երկնցը-
նելով

— Հրամմեցէք օրհնած, ըստաւ :

Արիսողոմ աղան ծնորհակալութեամբ առաւ
տուփն եւ քիչ մը քթախոտ քաշեց :

— Քիչ քաշեցիք Արիսողոմ աղա, կաղաչեմ
անգամ մ'ալ քաշեցէք, քթախոտը վնասակար բան
մը չէ :

Արիսողոմ աղան անդամ մ'ալ քաշեց որպէս
զի խօսքը չերկարի եւ հիւրը մեկնի :

— Ինչո՞ւ աղէկ մը չէք քաշեր Արիսողոմ ա-
ղա, կոկնեց քահանայն, շատկէկ քաշեցէք :

— Յնորհակալ եմ, Տէր հայր, սովորութիւն չունիմ:

— Կը խնդրեմ, մեղաւորիս խօսքը մի՛ կոտրէք, քիչ մ'ալ քաշեցէ՛ք :

— Ա՛լ չես քաշվիր ըստ Արիսողոմ աղան մէս կուսի եւ քիչ մ'ալ քաշեց :

— Դաւիթ մարգարէն կըսէ որ՝ մարդոյ որպէս խոտոյ են աւուրք իւր

— Քթախոտին համա՞ր կըսէ :

— Զէ՛, մեղի համար կըսէ . . . եւ մենք ալ աշխատելու ենք որ այս վաղանցուկ կեանքին մէջ ուրիշներուն բարիք ընենք, աղքատ տնանկնեն խնամենք, եւ երբեմն ալ մեր ննջեցելոց հոգւոյն համար աղօթենք :

— Այսպէս է :

— Պատրաստ գտնըվելու ենք որ կանչվենուս պէս երթանք :

— Իրաւ է :

— Մեղաւորս պիտի համարձակիմ խնդիրք մը ընել ձեր բարեզաշտութեանը եւ կը յուսամ որ չէք մերժեր, վասն զի ձեր բարեզաշտութիւնը եւ ջերամեռանդութիւնը շատ աղէկ կը ճանչնամ մեղաւորս :

— Հրամմեցէ՛ք :

— Տէր Աստուած իւր անսպառ գանձը միշտ բաց պահէ հրամանոցդ պէս ջերմեռամդներուն :

— Յնորհակալ եմ:

— Մէկուն տեղ հազար տայ, հազարին տեղ միլիոն տայ ի շինութիւն Ար. եկեղեցւոյ եւ ի փառս աղդին : Խնդիրքս սա է որ յառաջիկայ կիրակի կուգեմ ձեր ննջեցելոց հոգուն համար պատարագ մատուցանել : Ներեցէ՛ք համարձակութեանս, բայց իմ պարտք է միշտ իմացունել որ ննջեցեալները մոռնալու չէ :

— Իրաւունք ունիս Տէր հայր :

— Արդ եթէ կուզէ՛ք՝ ըսէք որ ես ալ անոր համեմատ կարգադրութիւն մը ընեմ: Զկարծէք թէ ծախքը մէկ մնձ բան մ'է . երկու ոսկիով կը լը-մընայ: Նոյն օրը յատկապէս ծանուցում ալ կը-նենք եկեղեցւոյ մէջ որ վասն հոգւոցն ննջեցելոց Արիսողոմ աղային է նոյն աւուր սուրբ եւ անմահ պատարագը :

— Յնորհակալ կըլլամ:

— Բան մը չէ, մեր պարտքն է :

— Հրամմեցէ՛ք, երկու ոսկին առէ՛ք, ըստ Արիսողոմ աղան, քսակէն երկու ոսկի տալով քա-համային .

— Թող այսօր մնար . . . ինչո՞ւ աճապարե-ցիք, պատասխանեց քահանայն ձեռները բանալով :

— Զէ՛, առէ՛ք :

— Ուսովհետեւ կստիպէ՛ք՝ ես ալ կառնեմ սիրութ չկոտրելու համար: Որհնեալ ըլլաք . Տէր աստուած ձեր առւնը միշտ չէն պահէ, ձեր քսակը միշտ լեցունէ, ինչ որ ունիս սրակող մէջ Տէր Աստ-

ուսած կատարէ . գործերուդ յաջողութիւն տայ եւ
ամեն փորձանքներէ ազատ պահէ :

Գահանայն բարեմաղթութիւնները լմացնելուն
պէս մնայք բարեաւ ըսելով դուրս եւաւ :

— Վերջապէս խալսեցայ , ըսաւ ինքնիրեն Ա-
րիսողոմ աղան , սա մարդուն ձեռքէն . սա ինչ
փորձանքներ են որ կուգան զլուխս այսօր՝ Պօլիս
ոտք կոխելէս ի վեր : Շոգենաւէն հազիւ դուրս ե-
լած էի՝ խմբագիրին մէկը երկու ժամ զլուխս ցաւ-
ցուց . անկից զատկեցայ եւ մինչեւ որ տունը զը-
տայ հաղար նեղութիւն քաշեցի : Տուն եկայ որ
քիչ մը շունչ առնեմ եւ կերակուր ուտեմ . տան
տիկինը զիս անօթի կը պահէ եւ միշտ ներս կու-
գայ կաղաչէ ինձի որ բան մը հոգ չընեմ եւ հան-
գըստութեանս նայիմ : Աս ալ հերիփ չէր եւ ահա
այս մարդը կուգայ՝ բռնի քթախոտ քաշել կուտայ
ինձի եւ Դաւիթ մարգարէէն խօսք բանալով երկու
ոսկիս կառնէ կերթայ , երթայ բարով : Այս ամենը
քաշեցինք անօթի փորանց . բայց սա կերակուրս
ինչո՞ւ համար չեն բերեր . այս գիշեր անօթի՞ պիտի
պահէն զիս . . . սա ի՞նչ խայտառակութիւն է . . . :

Այս հարցումներն կուզդէր Արիսողոմ աղան եւ
ահա կազմ՝ որ արդէն հատած ըլլալով տկար լոյս մը
կուտար՝ կը մարի եւ մութի մէջ կը ձգէ հիւրը :

— Բայց քաշվելու բան չէ աս , կը շարունակէ
խոշոր մարդը , կամ ուրիշ տեղ մը երթախու է եւ
կամ կինը կանչելով քանի մը խօսք ըսելու է : Ես

իմ քաղաքիս մէջ երկու սպասաւոր ունէի որ դէմս
բարեւ կը բռնէին , սեղանը կանուխ կը պատրաս-
տէին եւ իմ գործերս կը տեսնէին . սպասաւորնե-
րով վարժըլած մարդ մը ինչո՞ւ այս նեղութիւնն
քաշէ հիմայ :

— Աս ի՞նչ է , կազմ մարած է . . . հարցուց
Տիկինը սենեակին դուռը բանալով :

— Այո՛ , մարած է , պատասխանեց Արիսողոմ
աղան զսպելով իւր զգացած նեղութիւնն որ աւել-
նալու վրայ էր :

— Դուն հանգիստ եղիր , Արիսողոմ աղա , այդ
բաները նայիլը մեր գործն է :

— Այո՛ , բայց ես անօթի եմ , եւ սպասելու
կարողութիւն չունիմ :

— Ես ի՞նչ ըսի քեզի , դուն սիրտ մի՛ հատցու-
ներ , ամեն բան ինձի ձգէ՛ , ես կը հոգամ :

Տիկինը շուտ մը դրացուհւոյն տունը վազեց
եւ անոր կազն բերելով լուսաւորեց Արիսողոմ ա-
զային խոռըը :

Դ.

Այս լուսաւորութեան վրայ կէս ժամ չանցաւ
եւ Արիսողոմ աղային ներկայացաւ երիտասարդ մը

որ վաճառականի չէր նմաներ, սեղանաւորի ալ չէր նմաներ, արհեստաւորի ալ չէր նմաներ, գործաւորի ալ չէր նմաներ, եւ վերջապէս անանկ բանի մը կը նմանէր որուն նմանը չկայ: Հազիւ երեսուն երկու տարեկան կը թուէր: Կապոյտ աչերով դեղին մազերով զարդարված ըլլալով ունէր նաեւ երկու մատմօրուք որ մայրաքաղաքիս մէջ կամ սրոյ նշան է եւ կամ չքաւորութեան: Հագուստներն այնքան հին էին որ հնախոյցները զանոնք գնելու համար մեծագանակ գումար մը կուտային: Սակայն եթէ հագուստի մասին վանողական էր՝ դէմքի մասին քաշողական զօրութիւն ունէր այս անձը:

— Ծառայ եմ մեծապատուութեանդ մեծապատի Տէր, պօուաց այս երիտասարդն սենեակէն ներս մտնելով եւ մօտենալով Աբիսողոմ աղային:

— Ի՞նչ կայ, ի՞նչ կուղէք հարցուց Աբիսողոմ աղան վախնալով:

— Վսեմափայլ Տէր, ձեր գալուստն լսելով փութացի հոս գալ իմ խորին մեծարանացս հաւասարին ձեր ոտքերուն տակը դնել:

— Ոտքերո՞ւս տակը ։ շատ աղէկ դի՛ր ըստ Աբիսողոմ աղան որ կը կարծէր թէ մուճակ բերած էր իրեն:

— Շնորհակալ եմ, բարձրապատիւ Տէր, ըստ երիտասարդը, զլուխը բացաւ եւ սեղանին վրայ եւ լաւ կանգնեցաւ:

Աբիսողոմ աղան այս տեսարանին առջեւ բոլո-

րովին շուարած՝ անհամբեր տեսնել կուզէր թէ ի՞նչ պիտի ընէր այս պարոնը սեղանին վրայ:

Երիտասարդն ծոցէն թուղթ մը հանեց եւ աչերն Աբիսողոմ աղային տնկելով բոլոր ձայնովը պօռաց.

— Տեարք եւ տիկնայք . . .

Աբիսողոմ աղան ահարկու ձայնէն վախնալով նստած տեղէն երկու կանգուն վեր ցատկեց եւ չկննալով ինքզինքը զապել պօռաց.

— Ո՞վ է աս մարդը, յիմարանոցէն վախնած իսե՞նդ է թէ յիմարանոց երթալու յիմար:

— Հայ աղդն, շարունակեց երիտասարդը ձայնքիչ մը իջեցնելով, այսօր այնպիսի հանդէս մը կը կատարէ որ մեր հայրենեաց ամենէն քաջ դիւցազնին նուիրված է . . . :

— Միտքդ ի՞նչ է եղբայր . . .

— Կար ժամանակ մը ուր խաւարը լուսոյ դէմ կը կոռուէր, տղիտութիւնը զիտութեան դէմ, անցեալն ապանին դէմ, հրամայականը սահմանականին դէմ, սուրը զրիչի դէմ, ատելութիւնը սիրոյ դէմ, կրակը ջուրին դէմ, միաը բանջարեղէնին դէմ. Իսկ հիմայ անցան այն ժամանակները. անոնք անցեալ են մենք ապառնի, անոնք խաւար են մենք լոյս, անոնք տգէտ են մենք զիտուն, անոնք սուր են մենք զրիչ, անոնք ատելութիւն են մենք սէր, անոնք կրակ են մենք ջուր, անոնք միա են մենք բանջարեղէն, անոնք վարունգ են մենք ինձոր,

անոնք փուշ են մենք վարդ . անցան անցան այն գարերը ուր մարդկութիւնը տվյալութեան օրորոցին մէջ մէջ մը աս զին մէջ մը անդին կերթար կու գար . . .

— Միտքդ ի՞նչ է եղայր , ես քեզի բան մը չըրի , ի՞նչ կուզես ինձմէ , զնա քեզի բարկացնողին զրուցէ այդ խօսքերը . . .

— Այո՛ , մարդկութիւնը կը չարչարէր , կը նախատվէր անդութ բռնաւորներու ձեռքէն եւ չէր գիտեր որու երթալ եւ որու բողոքել :

— Տէր ողորմեա՛ . . . Տէր ողորմեա՛ , ըստ ի՞նքնիրեն Աբիսողոմ աղա , քաշելիք ունինք եղեր . . . ես կրնամ հիմայ զինքը սեղանէն վար առնել բայց կը վախնամ որ ծոյէն ատրճամնակ մը կը հանէ եւ կը զարնէ ինձի , վամն զի խիստ բարկութեամբ կը խօսի :

— Իսկ երբ զիտութիւնն եկաւ , շարունակեց ատենաբանը , եւ վանեց տգիտութիւնն ի՞նչպէս լոյսն՝ խաւարը , սէրն՝ ատելութիւնը , գրիչն՝ սուրը , ապագայն՝ անցեալը , այն ատեն , ա՞ն , այն ատեն . . . այո՛ , այն ատեն , այո՛ , կըսեմ , այն ատեն միայն հասկցվեցաւ որ մարդկութիւն , ազգ եւ հայրենիք բառերը բառարանները լեցնելու համար շինված բաներ չէին , այլ ամեն մարդու մտքին մէջ , որտեն մէջ , հոգւոյն մէջ երկաթեայ տառերով եւ անջինջ կերպով զբոշմելու բառեր էին . . .

— Եղբա՛յր , կաղաչեմ , վար իջի՛ր եւ այնպէս զրուցէ ցաւդ . . .

Ատենաբանը կայնած տեղը այնպէս կը դողար որ Աբիսողոմ աղային սիրտը կը հատնէր թէ կաղը գետինը պիտի իյնար :

Ուստի չուզելով այլ եւս համբերել պօռաց ինքնակոչ ատենաբանին երեսն ի վեր .

— Վա՛ր ի՞նիր սըկէ :

— Կաղաչեմ , մի սաստեր զիս :

— Վար իջիր , ապա թէ ոչ . . .

— Մի կոտրեր իմ սիրտս որ ազգին համար կը բարախէ :

— Ինչ ըսելիք որ ունիս եկուր քովս մարդու պէս նասէ՝ եւ ըսէ , հոն տեղուանքը ենել ի՞նչ պիտի ըլլայ :

— Կաղաչեմ , թո՛ղ տուր վերջացնեմ , ահ , չևս գիտեր թէ ո՞րչափ կը յուզվիմ երբ ճառ կարդամ :

— Վար իջիր :

Ատենաբանը բեմէն կիշնայ եւ կերթայ աթոռի մը վրայ կը նասի :

— Հիմա՛ զրուցէ ինձի , միտքդ ի՞նչ է , կըսէ Աբիսողոմ աղա բարկութեամբ :

— Կաղաչեմ , մի՛ բարկանար :

— Ի՞նչ կուզես , զրուցէ՛ , չուտ , հիմայ :

— Բարկութեամբ մի՛ վարվիր հետա , ուաքդ պագնեմ , սիրտս լեցված է , հիմա կսկսիմ լալ :

Եւ ատենաբանը կսկսի լալ :

— Լալու ի՞նչ կայ եղբայրս :

— Ծառադ կը վաղիաքի զրականութեամբ ազ-

զին ծառայել, բայց այս ազգը շատ ապերախտու-
թեամբ կը վարվի իւր գրագէտներուն դէմ։
— Ատոր մէջ ես ի՞նչ յանցանք ունիմ։
— Դուք յանցանք չունիք եւ թերեւս իրա-
ւունք ունիք . . . ոտանաւորներ ունիմ գրած Հայւ
ըենիքի վրայ, սքանչելի կտորներ, պատուական
տողեր որոնց մէջ երեւակայութիւնը, աւինը,
խանդն, հուրնու բոցը սաւառնաթեւ կը սլանան։
— Շատ աղէկ, ատոր համար լալու է։
— Մեր աղն անոնց յարգն ու պատիւը չը-
ճանչնար, զանոնք տղայական րաներ կը կարծէ եւ
թող կուտայ որ զանոնք գրով անօթի մնայ։
— Ես ի՞նչ ընեմ։
— Կաղաչեմ, քաղցրութեամբ վարվէ՛ հետո։
— Ի՞նչ ըրած ունիմ քեզի։
— Զեզի պիտի աղաչէի որ . . .
— Ի՞նչ, չո՞ւտ ըսէ . . .
— Մի պոռար, երեսս ի վար, հոգիւ սիրես,
հիմայ կակսիմ լալ . . .
Նորէն սկսաւ լալ գրագէտը։
— Տէր Աստուած, գուն համբերութիւն տուր
ինձի, բսաւ Աբիսողոմ աղան մէկուսի։
— Խնդիրքս սա էր որ կուզէի տպել տալ քիչ
մը առաջ կարդացած ճառս . . .
— Գնա տպել տո՞ւր, քու ձեռքէդ բռնող կայ։
— Պիտի խնդրէի ձեր Մեծապատութենէն
որ տպագրութեան ստակը դուք տայիք։

— Ինչու . . . ինչ պատճառ կայ որ քու ճա-
սիդ համար ես զրամ տամ։ Լովա՞ծ բան է որ մէկը
իրեն շահուն համար գիրք տպէ եւ ծախքն Արե-
սողոմը տայ . . .
— Կը խնդրեմ, սիրտս արդէն խոցված է,
դուք ալ նոր վէրք մը մի՛ բանաք հոս։
— Ինչու վէրք պիտի բանամ եղեր, գնա՞ բա-
նըդ, եղբայր, փորձանք եղար զիխուս։
— Գիտէ՞ք որքան ծանր է գրագէտի մը ա-
սանկ խօսքեր լսելը . . .
— Զեմ զիտեր, եւ զիխնալ չեմ ուզեր։
— Բանաստեղծի մը սիրտը շատ փափուկ է,
ամենաթեթեւ խօսքէ մը կը վիրաւորվի։ Այս նիւ-
թին վրայ ոտանաւոր մը գրած ունիմ, կարդամ.
մտիկ ըրէք։
— Ոտանաւոր մտիկ ընելու ժամանակ չու-
նիմ։
— Կաղաչեմ, ոտանաւորիս հետ խստութեամբ
մի վարվիր, այն ոտանաւորին համար զոր դուք
չ'էք ուզեր մտիկ ընել երկու ամիս աշխատած եմ
ես. եւ երբ անոր նախատիլլը տեմնեմ՝ արժանա-
պատութիւնս կը վիրաւորվի։ Կաղաչեմ, ոտա-
նաւորիս համար գէշ մի՛ զրուցէք . . . Կը խընդ-
րեմ, թոյլ տուէք ինձ կարդալ զայն անդամ մը . . .
— Ես ոտանաւոր մտիկ ընելու չեկայ հոս։
— Շատ լաւ . . . ողբերգութիւն մը գրած եմ, ա-
նոր վրայէն անցնինք։

— Զեմ ուզեր . ես անօթի եմ հիմա կերակուր պիտի ուտեմ :

— Շատ լաւ , ուտելիքի վրայ ատենաբանութիւն մը ընեմ :

— Ժամանակ չունիմ մտիկ ընելու :

— Կաղաչեմ , այդ խօսքը ուրիշ անգամ մի՛ ըսեր , ատկէ աւելի ծանր խօսք չկայ հեղինակի մը համար որ իւր մէկ աշխատափութիւնն ուրիշ կարդալու փափաք կը յացնէ : Կը խնդրեմ , բարձրապատիւ Տէր , քաղցրութեամբ վարվեցէք հեղինակներու հետ :

— Գլխուս վրա՞յ նստեցունեմ քեզի :

— Ուաքդ պագնեմ , մի ծաղրէք զիս , ինչո՞ւ ձեր գլխուն վրայ նստեցունէք :

— Ի՞նչ ընեմ հապա , քսակս քեզի՞ տամ հեղինակներու հետ քաղցրութեամբ վարված ըլլալու համար :

— Ո՛չ , միայն ճառիս տպագրութեան ծախքը :

— Քանի՞ ոսկիով կը լմնայ գործդ :

— Չորս ոսկիով կը լմնայ , բան մը չէ , իմ Միկինասս պիտի ըլլաս , ես ալ քու անունդ ոտանաւորով մը գրքոյին ճակատը պիտի դնեմ :

— Ճակա՞տը դնես պիտի :

— Ա.յո՛ :

— Ինչո՞ւ համար :

— Որպէս զի ամեն մարդ գիտնայ թէ ձեր ըստակովը տպլած է այն գիրքը :

— Շատ լաւ , պատավիմանեց Աբիսողոմ աղան եւ քսակէն չորս ոսկի հանեց տուաւ : Հեղինակն հազար յարգանք մատուցանելով դուրս եւաւ :

Աբիսողոմ աղան ետեւէն կանչեց զինքը եւ հարցուց .

— Զկրնար ըլլալ որ գլքին ճակատը սպասաւորներու ալ անունները դնես եւ իմացունես Աղդին որ Աբիսողոմ աղան կովեր , ոչխարներ , էշեր եւ ազարակներ ունի իւր քաղաքին մէջ :

— Ա.տ ձեր ըսածները հովուերդութեան ձիւզին կը վերաբերին :

— Զեմ հասկնար :

— Ասոնց վրայ ոտանաւոր կը գրվի , եթէ կը փափաքիք՝ ոտանաւոր մը չինեմ :

— Ի՞նչ ընեմ ոտանաւորը :

— Լրագրի մը մէջ տպել կուտաք :

— Կը տպի՞ն :

— Ինչո՞ւ չպիտի տպեն . եթէ կէս ոսկի տաւու ըլլաք՝ քառասուն անգամ կը տպեն :

— Շատ աղէկ . ատ ըսածդ գրէ :

— Գլխուս վրայ :

— Բայց աղուոր բան մը ըլլայ :

— Շատ լաւ :

— Այնպէս որ տեսնողը հաւնի :

— Հարկաւ :

— Վաղը առտու կը բերէք :

— Վաղը առտո՞ւ . . . ի՞նչ կըսէք . . . մէկ

ամիսէն հաղիւ կրնամ պատրաստել :

— Այ՞ո՛ ամիսէն :

— Հազիւ . ոտանաւոր կարդալը դիւրին է բայց գրելը գուռար : Գեղեցիկ ոտանաւորի մը համար քիչէն քիչ երկու ամիս պէտք է :

— Ի՞նչ կը անք . . . :

— Այո՛ , բայց ես կաշխատիմ ամիսէ մը լմնցուանել :

— Աս ի՞նչ գուռար բան է եղեր :

— Ի՞նչ կարծեցիք հապա , երկու ամիս պիտի սպասեմ որ մուսաս գայ եւ ներշնչէ ինձի որպէս զի գրեմ . առանց մուսայի ոտանաւոր չգրվիր :

— Եթէ այդ մուսայն գալու չըլլայ . . . :

— Անպատճառ կուգայ :

— Զկրնա՞ր ըլլալ որ նամակ մը գրես եւ աղաչս իրեն որ չուտ մը գայ եւ դունալ երկու ամիս չսպասես :

— Անիկայ ինքնիրեն կուգայ նամակի պէտք չունի , մեծապատիւ Տէր :

— Ո՞ւր կը նստի . . . շատ հեռո՞ւն է :

— Այո՛ , շատ հեռու է , բայց կուգայ :

— Ցամաքէ՞ն թէ ծովէն :

— Զէ , մեծապատիւ Տէր , չէ:

— Ո՞վ է ուրեմն աս գետնին տակը անցնելու մարդը . . . ուսկից պիտի գայ . . . ըսէ որ ճանաբար մը մտմտանք ու բերել տանք . . . եթէ մէկ երկու ոսկի տանք՝ այս շաբաթ կուգա՞յ :

— Այո՛ , երկու ոսկի տալուդ պէս գործը կը դիւարանայ եւ մուսայս այս շաբաթ վազելով կուգայ , պատասխանեց անմուսայ բանաստեղծը , ոսկի բառը լսելուն պէս :

— Գրէ՛ ուրեմն իրեն , իմ կողմէս ալ յատուկ բարեւներ ըրէ՛ , եւ ըսէ որ Աբխազոմ աղան քեզ տեմնել կուզէ :

— Գլխուս վրայ : Մնայք բարեաւ Տէր , շնորհակալ եմ ձեզմէ . ծառայ եմ ձեր մեծապատութեանը , եւ կաղաչեմ որ ընդունիք . . . :

— Ո՛չ , ըսաւ Աբխազոմ աղա բարկութեամբ , ա՛լ երկար ըրիր , ահա ինչ որ ըսիր ընդունեցի , եւ դեռ լուշ կուզես որ ընդունիմ . . . :

— Խորին յարգանացս հաւաստիքը , Տէր . . . որով մնամ ձեր մեծապատութեան ամենախոնարհ ծառայ :

— Շատ աղէկ ,
Մեկնեցաւ բանաստեղծն , երկու ոսկիով բերել տալ խոստանալով մուսայն զոր ոմանք աւելի աժան գնով բերել կուտան : Մուսայի մ'օրականն հիւմնի մ'օրականէն աւելի չէ այժմ :

Աբխազոմ աղա , ինչպէս զիսեցին ընթերցողներն , կը մոռնար իւր անօթութիւնն ամեն անգամ որ մէկն անոր խօսք կուտար անունը լրագրի մէջ անցունելու եւ կամ եկեղեցւոյ մէջ ծանուցում ըսնելու . ինչպէս նաեւ իւր քասակին բերանը կը բանար եւ դրամով կը վարձատրէր ամեն անոնք որ

իրեն կը խոստանային անունն ժողովրդեան մէջ տարածելու : Փառասիրութիւնն ալ տեսակ մը անօթութիւն է զոր դրամով կշացունեն մարդերը : Լրագիրներու մէջ զրվելու փառասիրութիւնն՝ զոր ոմանք մոլութիւն կը համարին եւ ոմանք առաքինութեան կարգը գասել կը փափաքին , եւ որ մեր ժողովրդեան ամեն դասերուն մէջ կը գտնուի այսօր , տիրած էր նաեւ Արքողոմ աղային վրայ՝ որ բանաստեղծին մեկնելին ետքը փոխանակ իւր անօթութեանը վրայ խորհելու՝ սկսաւ ոտանաւորին վրայ միտք հոգնեցունել :

— Արդեօք , հարցուց ինքնիրեն , ոտանաւորն ուղածին պէս պիտի ըլլայ . սա մարդուն մուսայն քանի մ'օրէն պիտի գայ . եւ եթէ չգայ՝ անոր տեղն ուրիշ մը բերելու է . . . :

Այս հարցումներն կուղելոր իրեն՝ երբ տան տիկինը ներս մտնելով ըսաւ .

— Կերակուրը պատրաստ է , հրամմեցէք Արիսողոմ աղա :

Ըստ տաճկաց ժամը գիշերուան չորսը զարկած էր :

Ե.

Այն խուցն՝ որուն մէջ Արիսողոմ աղան ապաշխարանք քաշած էր , ունէր իւր դէմն սենեակ

մը որ խոհանոցի քովն էր եւ որ ճաշի յատկացված էր : Աս սենեակը մտաւ Արիսողոմ աղան առաջնորդութեամբ տիկնոջ որ սեղանը պատրաստած էր վերջապէս :

Արիսողոմ աղան ճաշի սենեակը մտնելով բարեւեց Մանուկ աղան որ սեղանին չուրջը աթոռներ շարելու դրազած էր :

— Սանկ հրամմեցէք , Արիսողոմ աղա , ըսաւ մանուկ աղա սեղանին վերի կողմը ցոյց տալով իւր հիւրին :

— Հրամմանքնիդ նստեցէք , ես ալ կը նստիմ , պատասխանեց հիւրն նստելով իրեն ցոյց տրված տեղը :

— Նիրեցէք կերակուրն այսչափ ուշացնելնուս համար , ուրիշ իրիկուններ ձեր ուղած ժաման կինաք ուտել . այս գիշեր քանի մը պատճառներ թող չտուին որ սեղանն ժամանակին պատրաստվը . այս պատճառները վերջը կը պատմնմ ձեզի : Ի՞նչպէս էք տեսնենք , Արիսողոմ աղա , հանդիսաւ եք , հարցուց Մանուկ աղան ճայնին աստիճանն իշեցունելով :

— Շատ հանգիստ եմ :

— Շնորհակալ ենք , մեր բարեկամն ի՞նչպէս է Տրապեզն :

— Աղէկ է , յատկապէս բարեւ ըրաւ ձեղի :

— Բերողը տանողն ողջ ըլլայ : Եթէ ձեզի դա-

ծերն ալ երեսի վրայ կը մնան : Իմ գիտցածո՞ւ ամեն
մարդ ձեռքէն եկածին չափ ազգին գործերուն ալ
աշխատելու է : Հատ մ'ալ կը խմէ՞ք Արիսողոմ ա-
ղա . ախորժակ կը բանայ :

— Սովորութիւն չունիմ մէկ գաւաթէն աւելի ✕
խմելու :

— Մեր գաւաթներն պղտիկ են , մանաւանդ
թէ Պօլսոյ օդն ալ կը վերցունէ :

— Հատ լաւ :

Երկու բարեկամները մէյմէկ գաւաթ եւս խը-
մեցին իրարու կենդանութեանը , եւ Մանուկ աղան
սկսաւ ատենարանութեան :

— Այս առտու , ըստու , մեր թաղին ազգային զրօ-
սարանը զացած ժամանակս ձեզմէ աղէկ չըլլայ մեր
բարեկամներէն Մելքոն աղային հանդիպեցայ : Այս
Մելքոն աղան նախ Բարթողիմէոս աղային աղջիկն
առած էր : Բարթողիմէոս աղան ալ ժամանակաւ
մատով կըցցունեն եղեր իրեւ բարի մարդ , հիւ-
րասէր մարդ , ազգասէր եւ բարեպաշտ մարդ , եւ
շուկային մէջ շատ խանութներ ունէր՝ որոնցմէ տա-
րին բաւական եկամուտ կանէր : Քանի մը տարիէն
Մելքոն աղային կինը մնուաւ եւ Մելքոն աղան հա-
մետագործ Նիկողոսին աղջկանը հետ կարգվեցաւ ,
Այս աղջիկն քանի մը եղբայրներ ունի , որոնց մին
Ամբակում աղային քով գրագրութիւն կընէ : Այս
Ամբակում աղան ալ տղայ մը ունէր որ թուղթ
խաղալով հօրը շատ ստակը կերաւ եւ վերջէն Ուու-

ւաթ մը օղի տամա՞ կը տնկէ՞ք , ախորժակ կը բա-
նայ :

— Գաւաթ մը միայն կը խմեմ :

— Հատ լաւ . հրամմեցէք :

Մանուկ աղան երկնցուց գաւաթն Արիսողոմ
աղային որ ի մի ումատ կլլեց զայն , այսինքն օղին ,
գաւաթը չհասկնա՞ք :

— Անուշ ըլլայ , Արիսողոմ աղա :

— Շնորհակալ եմ :

— Ձեր կենդանութեանը :

— Ողջ եղէ՞ք :

— Մանուկ աղան օղին ջրով բարեխառնելէն
ետքը խմեց զայն ի չորս ումատ :

— Տիկինը մինչեւ որ կերակուրներն տաքցու-
նէ եւ բերէ՝ մնաք կրնանք խօսիլ եւ ժամանակ ան-
ցունել , այնպէս չէ՞ Արիսողոմ աղա :

— Այս , պատասխանեց հիւրն այնպիսի եղա-
նակաւ մը՝ որ կը հասկցունէր թէ աւելի լաւ եր
նախ կերակուր ուտեղել եւ ապա խօսիլ :

— Մտիկ ըրեք ուրեմն այսօր մեր գլխուն ե-
կածները : Քանի մը շաբաթէ ի վեր թաղականի մը
ընտրութեան ետեւէ ինկած ենք , Դուք հիմայ ձեր
մաքէն պիտի ըսէք թէ՝ մարդ , թաղականը քուկին
ինչուդ պէտք , Անանկը չէ , Արիսողոմ աղա , աղ-
ին գործը ես չնայիմ , գուն չնայիս , ան չնայի , ո՞վ
նայի ուրեմն . Ինչուս պիտքը շատ գէշ բան է ,
անով ամեն մարդ մէկդի կը քաշվի եւ ազգին գոր-

սաստան փախաւ : Այս տղան Մարգար եպիսկոպոսին քրոջն թոռան եղօրորդին էր : Միւս եղայրը չուկային մէջ ոսկերիչ է . բարձր հասակով, սիրուն մարդ մ'է : Երրորդ եղայրը ատենօք շատ պարապ պարտեցաւ, խեղծութեան մէջ ինկաւ, անօթութենէ պիտի մեռնէր, վերջէն թաղական անդամ ընարվեցաւ եւ մէկ երկու տարիէն ինքղինքը ժողովեց : Չերկացնեմ խօսքս, Մելքոն աղան՝ այդ նիւկոյս աղային աղջիկն առնելէն ետքը քանի մը տարիներ շատ հանգիստ կեանք վարեց . բայց վերջէն բախտը դարձաւ, ճախորդութիւն ճախորդութեան վրայ եկաւ եւ ունեցածը չունեցածը բոլորովին կորանցուց : Օր մը առնեմ զինքը հոս բերեմ եւ տեսնէք թէ ինչ բարի մարդ է : Եղբայր մ'ալ ունի որ վարպետ ժամագործ մ'է, ատենօք Պէօյիւք Տէրէ կը նստէր, վերջը քանի մը տարիներ իւսկիւտար նստաւ, ետքէն քում քարուն երթալով, հոնալ չլրցաւ նստիլ եւ հիմայ չեմ գիտեր ուր կը նըստի : Բայց շատ վարպետ ժամագործ է : Թորոս աղան որ եւ ոչ մէկ ժամագործի կը յանձնէ իւր ժամացոյցն, անոր կուտայ որ մաքրէ : Այս թորոս աղան կը ճանչնածք. ուրիշ տեսակ մարդ է . անոր մէկ պատմութիւնը ընեմ քեզի եւ մտիկըրէ որ տեսմես թէ աշխարհիս վրայ ասանկ մարդ կը գտնվի եղերոր . . .

— Բերեմ ապուրը, հարցուց տիկինը սենեացին դոնէն ներս երկնցնելով գլուխը :

— Քիչ մը համբերէ, Տիկին, խօսքս լմնցունեմ վերջը բեր : Այսպէս չէ Արխողոմ աղա, խօսք պէտք է եա՛ : Եթէ մտիկ ընելու ժամանակ չունիք՝ եւ գլուխնիդ կը ցաւցունեմ կոր, ըսէք :

— Աս ի՞նչ խօսք է . . . • բա
Արխողոմ աղան չլրցաւ շարունակել իւր խօսքը զոր ընդդիմէց Մամուկ աղան թորոս աղային պատմութեանն սկսելով :

— Այս թորոս աղան, շարունակեց, մուշտակագործ մ'է, ականջը խօսի, եւ իւր ընտանիքովը հանգիստ կեանք մը կը վարէ : Իւր տանը պէտք եղած պարէնը, կարասիքն եւ հանդերձեղէնն իւր ձեռքովը կառնէ եւ իրմէ զատ եւ ոչ մէկու մը վստահութիւն ունի, ականջը խօսի : Մասվաճառէն միս կառնէ, տուն երթալուն պէս կը կշոէ զայն եւ անպատճառ քանի մը տրամ պակաս կը գտնէ միսը, մսավաճառին կերթայ, հետը կոխի կը բռնվի եւ քանի մը տրամ պակաս տրված միսը կառնէ տուն կը գտնայ : Ասանկ տարօրինակ մարդ մ'է . ականջը խօսի : Օր մը այս թորոս աղան, ականջը խօսի ժամացոյցին փոշիները մաքրել տալու համար ժամագործի մը կերթայ եւ հետը սակարկութեան սկըսելով՝ վերջապէս տաման եւ հինգ դահեկան կը հաւանի տալ, այն պայմանաւ որ ժամագործն իւր առջեւը մաքրէ ժամացոյցը, վասն զի թորոս աղան ականջը խօսի, ինչպէս ըսի եւ ոչ մէկու մը վստահութիւն ունենալով չէր ուզեր իւր ժամացոյցն

ժամագործին յանձնել եւ երթալ, վախճաղով որ ժամացոյցին մէջէն բան մը կրգողցի, կամ ժամագործը դը ղիտմամբ կաւրէ ժամացոյցն մէծ ծախք մը բանալու համար, ինչպէս որ կընեն շատ մը ժամագործներ երբ քանի մը օր անգործ մնան: Ժամագործն իւր պատոյն դէմ անարդանք կը համարի թորոս աղային առաջարկութիւնն եւ կը բարկանայ. Եթէ դուն ըլլայիր ժամագործին տեղ չէի՞ր բարկանար:

— Կը բարկանայի, պատասխանեց Աբիսողոմ աղան որ խելքն ու միտքը ապուրի դրկած ըլլալով բնաւ ականջ չէր կախեր Մանուկ աղային ըրած պատմութեանը:

— Թորոս աղան, ականջը խօսի, կրակ կը կտրի ժամագործին բարկանալուն վրայ, եւ քանի մը ծանր խօսքեր կընէ իրեն, որ ընելու չէր. այն պէս չէ:

— Այնպէս է, պատասխանեց դարձեալ Աբիսողոմ աղա մեքենաբար, միշտ հաւանութեան պատասխաններ տալով իրեն եղած հարցումներուն, որպէս զի խօսքը չերկարի եւ կերակուրը բերեն:

— Ժամագործը կը փռնտէ թորոս աղան, ականջը խօսի, թորոս աղան ալ, ականջը խօսի, խանութէն դուրս ելնել չուղեր. վոնավիին իրեն պըզտիկութիւն համարելով. դուն ալ ըլլա՛ս չես ելլար ա՛:

— Չեմ ելլար ա՛, պատասխանեց Աբիսողոմ

աղան, որ չէր գիտեր թէ ուսկից չէր ելլար եւ ինչո՞ւ չէր ելլար. վասն զի, ինչպէս ըսինք, թորոս աղային ըրած պատմութեան եւ ոչ մէկ բառը իւր ականջը մտած էր. միայն հարցումներու կը պատասխանէր:

— Ծեծկըւուքը կակի. ժամագործն ապտակ մը կը զարնէ թորոս աղային, ականջը խօսի, թորոս աղան, ականջը խօսի, կից մը կուտայ ժամագործին. կարծեմ ովլ ալ ըլլար՝ թորոս աղային տեղը ուրիշ կերպով չպիտի կրնար պատասխանել ժամագործին ապտակին: Ոտքդ պագնեմ, Աբիսողոմ աղա, ըսէ՛, այնպէս չէ:

— Դուք ալ հոս գոմաղէսո՞վ կը շինէք հարցուց մէկին ի մէկ Աբիսողոմ աղան:

— Գոմաղէսո՞վ . . . :

— Այո՛, ուրիշ աեղեր գոմաղէսով կը շինեն եղեր:

— Ժամացոյցը :

— Ո՞ր ժամացոյցը :

— Թորոս աղային ժամացոյցը :

— Թորոս աղան ո՞վէ է :

— Մտիկ չըրի՞ր ուրեմն ըրած պատմութիւնս :

— Երի, կատարեալ մտիկ ըրի, ըսաւ Աբիսողոմ աղան, որ իւր գոմաղէսի հարցումովն հաստատեց թէ միտքն ապուրի, ապուրէն գոմաղէսի, գոմաղէսին Պոլսոյ մէջ ըրինձի ապուրին ինչպէս շինվելուն դնացած էր, եւ բնաւ ունկն չէր դրած Մանուկ աղային խօսքերուն:

Օքիսողոմ աղան շատ իրաւունք ունէր իւր
տան տիրոջը երկարածիգ ճառն մտիկ չընելու,
մանաւանդ անօթի փորով :

Աշխարհիս վրայ կան մարդեր որք կը կարծեն
թէ իրաւունք ունին մէկու մը քթէն բռնել եւ ժա-
մերով անոր գլուխը ցաւցունել : Ուրիշներ ալ կան
որ իրենց խօսքերը մտիկ ընել տալու համար մարդ
կը փնտռեն . եւ եթէ չգտնեն՝ պատրաստ են յօ-
ժարակամ օրական վարձ մ'ալ տալ , ոմանք ալ ամ-
սականով ունկնդիր կը փնտռեն : Շատ անգամ ին-
ձի ալ պատահած է այս փորձանքը , եւ ես մտիկ
ընել ձեւացունելով իմ գործիս վրայ խորհած եմ .
հաւանութեան պատասխաններ տալով ինձի եղած
հարցումներուն . այնուհետ է պատասխանած եմ եթէ
այնուհետ չէ՞ հարցվէր ինձի . որդութենիւնն ալ այս է
պատասխան տուած եմ երբ որդութենիւնն ալ այս չէ՞
հարցումն ուղղվէր ինձի . իրաւունք անձի ըսած եմ
երբ իրաւունք անձի՞ս հարցումն եղած է որպէս զի
խօսքը կարձ կապվի : Գմբախութիւնն հոն է որ
գլուխը ցաւցնողն երբեմն այնպիսի հարցում մը
կընէ որուն պատասխանելը դժուար է , վամ զի
վժիո տալը քեզի կը թողու : Օրինակի համար , լը-
մնցնելէն ետքը ճառն զոր դու բնաւ մտիկ ըրած
չես՝ կը հարցունէ քեզի .

— Մարկոս աղան իրաւունք ունի թէ կիրա-
կոս աղան :

Ի՞նչ պատասխաննելու է . գործին վրայ բնաւ

տեղեկութիւն չունիս . որո՞ւն տալու է իրաւունքը ,
մանաւանդ գիտնալու է թէ իրաւունքն որու պէտք
է տալ որպէս զի գլուխը ցաւցունողին սիրաը չը
ցավի : Ասոր ալ ես զիւրին ճանբան գտած եմ եւ
հետեւեալ պատասխանները կուտամ .

— Գործն անուշութեամբ լմնցնելու է :

— Այո՛ , բայց իրաւունքն որո՞ւ քովն է :

— Ի՞նչ օգուտ . . . գէշ մարդու հետ գլուխ
չենըզիր :

— Այո՛ , բայց կաղաչեմ , ըսէ՛ , երկու քէն ո՞րն
իրաւունք ունի :

— Ինչո՞ւ կստիպես որ ըսեմ , եղբայր , երկու
անդամ երկու շուրջի պէս յայտնի է իրաւունքին ուր
ըլլալը :

Շատերն այս պատասխաններովս գոհացուցած
եմ . բայց սմանք ալ կան որ կարծես գքեզ սատի-
կանութեան պիտի յանձնեն եթէ չըսնս թէ՝ Մարկոսն
իրաւունք ունի իսկ կիրակոսն անիրաւ է : Ասոնց
ալ ձեռքէն խալսելու համար՝ ստիպողական գործ
մունիմ ըսելով առեր քալեր եմ : Իսկ վերջերս
տեսնելով թէ այս ընթացքս կը քաջալերէ շատա-
խօսները , քաղաքավարութիւնը մէկդի դնելով օր
մը անոնցմէ մէկուն ըսի .

— Պարո՞ն , զքեզ երկու ժամ մտիկ ընելու
համար երկու ոսկի կուզեմ . երկու ոսկիէն լումայ
մը պակաս եթէ տաս՝ չեմ ընդունիր :

Մարդը կէս ոսկի տուաւ . իսկ ես ընդունեցի

Եւ օձիքս խալսեցի : Այս օրերս կը լսեմ որ այդ
մարդք քառորդ ոսկիի երկու ունկնդիր եւս վարձած
է : Երանի Մասիսին՝ որ իւր ունկնդիրներուն ստակ
տալու տեղ անոնցմէ ստակ կառնէ :

Արխողոմ աղան ինձի պէս չվարվեցաւ եւ ,
ինչպէս յայտնի է , երբ զոմագէսի հարցապնդումով
զգալ տուաւ ատենաբանին թէ իւր ճառն բնաւ
մտիկ ըրած չէր՝ իւր անքաղաքավարութիւնը ան-
միջապէս դարձանելու համար ըստ .

— Կատարեալ մտիկ ըրի :

Աղէկ ըրաւ : Յայտնի է որ գէշ ըրաւ , եթէ ես
իւր տեղն ըլլայի՝ պարզապէս կըսէի Մանուկ աղա-
յին .

« Մանուկ աղա , ինձի նայէ՛ եղբայրս . երբոր
մէկը խօսիլ կակսի՛ խղճմտանքը մէկդի դնելու չէ :
Ութը ժամէ ի վեր անօթի եմ ես եւ բնաւ պէտք
չունիմ դիմանալ թէ Մարտիրոս աղան որուն տղան
է թէ՝ Գէորգ աղան որու հայրն է , թէ ժամագոր-
ծը թորոս աղային ապտակ հաներ է թէ թորոս ա-
ղան ալ ժամագործին կից տուեր է : »

Այսպէս կը խօսէի բացէ ի բաց ոչ թէ միայն
ընկերութեան մը մէջ զլուխ ցաւցնողին այլ նոյն
խոկ այն վարդապետներուն որ շատ խօսելու նպա-
տակաւ միայն չորս ժամ քարոզ կուտան եւ կը վի-
րաւորվին եթէ ժողովրդին մէկը քարոզի ժամանակ
եկեղեցին զուրս ենէ : Եւ արդէն ըստ եմ օր մը
եպիսկոպոսի մը որ հինգ ժամ քարոզ խօսելէն ետ-

քը եկեղեցիին դուրս ելած էր եւ խուցը կերթար :

— Ո՞ւր կերթար , սրբազն , հարցուցի :

— Շատ քրանած ըլլալով խուցս պիտի երթամ
եւ լաթ պիտի փոխեմ :

— Դուք ո՞ւր կերթար հարցուց ինձի :

— Ես ալ տուն կերթամ լաթ փոխելու համար ,
պատախանեցի իրեն :

Եւ այս օրէն ի վեր եպիսկոպոսն կարճ կը խօսի
քարոզին մէջ :

Արխողոմ աղան չունեցաւ այս համարձակու-
թիւնը եւ խրախոյս տուաւ Մանուկ աղային որ
շարունակէ իւր ճառը տոմագէսական հարցման
պատախանեցին ետքը :

— Դոմագէսը հոս կը գործածենք ապուրի մէջ ,
Քիլավի մէջ , եւ ուրիշ մաեղէն քանի մը կերակուր-
քական մէջ , բայց բնաւ երբէք ժամացոյցի մէջ :

— Ծնորհակալ եմ . ապուրի մէջ կը գործածվի
ըսել է , ես ալ ատ զիտնալ կը փախաքէի :

— Ապուրը դոմագէսով կը սիրէք թէ ոչ :

— Դոմագէսով կը սիրեմ :

— Շատ աղէկ : Դառնանք հիմայ մեր խօսքին
• • • ո՞ւր մնացինք • • • հա՛ , թորոս աղային վը-
րայ էր : Տարօրինակ մարդ մ'է աս թորոս աղան
բայ իսուի , շատ պատմութիւններ ունի . ու-
սկանջը իսուի , զանոնք կը պատմեմ եւ ժամանակ
բիշ գիշեր մ'ալ զանոնք կը պատմեմ եւ ժամանակ
կանցունենք : Երկար չընենք աս առտու հանդիպե-
ցայ Մելքոն աղային . . .

— Բերի որ տաք տաք ուտենք, ըստ տիկինը
ներս մտնելով եւ ապուրը բերելով :

— Այո՛, այո՛, ուտենք, վասն զի շատ անօթի
եմ ըստ Արխողոմ աղան :

— Հրամմեցէք . . .

— Շնորհակալ եմ ըստ Արխողոմ աղան եւ
դգալը բերանը տանելու չմնաց մէկչն ի մէկ վեր
ցատկեց :

— Կարծեմ թէ շատ տաք էր, ներեցէք, Արխ-
ողոմ աղա, ըստ տիկինը :

— Քիչ մը ջուր առ բերանդ Արխողոմ աղա,
աւելցուց Մանուկ աղան :

— Վնաս չունի, վեաս չունի . . .

— Տիկին ինչո՞ւ համար ուշադրութիւն չէք ը-
ներ կերակուրներու տաքութեանը կամ պաղու-
թեանը ըստ էրիկն կնոջ :

— Ա՛լ այս գիշեր մեր պակասութիւններուն
աչք գոցելու է Արխողոմ աղա :

— Վնաս չունի, բան մը չէ :

— Ապուրը մինչեւ որ վաղի՝ այս օրուան դէպ-
քը պատմմ գոնէ ըստ Մանուկ աղան :

— Մանուկ աղա, Արխողոմ աղային գլուխը
մի ցաւցուներ այս գիշեր . թերեւս չախորժիր :

— Փամանակ անցունելու համար պիտի խօս-
եի որ զրօննու եւ չնեղվի :

— Ուրիշ գիշերուան թող . այս գիշեր հոգնած
հոգնած կրնաց քեզի մտիկ ընել :

— Կարծեմ թէ Արխողոմ աղան սիրով մտիկ
կընէ ազգային գործերը եւ բնաւ ձանձրութիւն
չզգար :

— Այո՛, սիրով մտիկ կընեմ, պատասխանեց
հիւրը, բայց Տիկինին ըսածին պէս վաղը զիշերուան
թողունք, վասն զի այսօր շատ հոգնած եմ :

— Շատ լաւ, շատ լաւ . ինչպէս որ կուգէք
այսպէս ըլլայ . բայց մեր թաղին թաղականին գոր-
ծը շատ զուարձալի է : Մելքոն աղան եթէ հոս ըլ-
լար եւ պատմէր՝ ինչպային կը ճաթէինք :

— Ապուրը պաղեցաւ, հրամմեցէք, ըստ Տի-
կինը :

Արխողոմ աղան այս հրաւերն առնելուն պէս
զգալով ապուրին վրայ յարձակեցաւ :

— Օդի մ'ալ կը խմէ՞ք, Արխողոմ աղա :

— Շնորհակալ եմ, չեմ ուզեր :

— Տիկին, Արխողոմ աղային գինի լեցո՞ւր :

— Մանուկ աղա, այս գիշեր այլանդակ խօս-
քեր կընես, ապուրի վրայ գինի կը խմի՞ :

— Ինչո՞ւ չխմիլիր, տեմնենք պիտի հաւնի՞ մեր
գինիին :

— Տիկինը գուրս ելաւ եւ խաշած միս բերելով
սեղանին վրայ դրաւ :

Արխողոմ աղան այնպիսի ախորժակով մը կու-
տէր որ մսի կտորները առանց ծամելու կը կլէր :

— Փառք քեզ Աստուած, այս գիշեր ալ կը-
տացանք, ըստ Արխողոմ աղան փորն քահաւ-

նայի մը պէս լեցնելէն ետքը , եւ երեսը խաչակըն-քեղով ու ցած ձայնով հայր մերն ըսեղով սեղա-նէն ելաւ եւ լուացվելու համար ջուր փնտուեց :

— Կերակուրէն վերջը կը լուացվի՞ք , հարցուց տիկինը հիւրին :

— Եթէ ջուր ըլլար

— Մենք սովորութիւն չունինք , բայց ձեզի քիչ մը ջուր բերեմ եւ լուացվեցէք :

— Արխառողոմ աղա լուացվեցաւ եւ ձեռները չորցնելու ատեն հարցուց տիկինին թէ որ սենեա-կին մէջ պիտի պառկէր :

— Տիկինը ճրագով երկրորդ յարկը սենեակ մը առաջնորդեց հիւրն եւ վար իջաւ :

Այս պառկելու սենեակն փոքր էր եւ անոր ժիշտ չափը առուած կը լանք եթէ ըսենք որ Արխ-առողոմ աղային հասակին երկայնութիւնն ունէր : Անկողինը շինված էր այն միակ պատուհանին առ-ջեւ որ փողոցի վրայ բացուած էր : Աթու մը , քա-ռակուսի պզտիկ սեղան մը , փոքրիկ հայելի մը , ջուրի չի մը եւ դաւաթ մը , սանտր մը , վրձին մը այս սենեակին կարասիքը կը կազմէին :

Արխառողոմ աղա սենեակին ներս մտնելուն պէս ձեռները բացաւ եւ նորէն փառք տուաւ Աստու-ծոյ որ վերջապէս խալսեցաւ փորձանքներէն եւ ա-ռանձին մնաց : Բանտէն արձակող մը չէր կարող աւելի ուրախութիւն զգալ : Փառաբանութիւնն ա-ւարտելուն պէս հանմիցաւ եւ ինքզինքն անկողնոյ մէջ նետեց :

— Յատ լաւ . կաղաչեմ , ըսէք ինձի , խահուէն կաթո՞վ կը խմէք թէ առանց կաթի :

— Կաթ կը խմեմ առանց խահուէի :

— Կաթ բերեմ ուրեմն :

— Այո՞ , կաթ բերէք :

Տիկինը վար գնաց :

— Տեսնենք ո՞վ է սա մարդը , ըսաւ ինքնիրեն խոշոր մարդը , թերեւս աղջիկ ունի կարգելու եւ իմ Պօլիս գալս իմանալով առաւօտուն կանուխ հե-տըս խօսելու եկած է : Բայց ես մինչեւ որ չստու-դեմ աղջկան ինչ բնութեան տէր ըլլալը՝ խօսք չեմ տար . նախ ամեն բան հասկնալու եմ , աղջիկը քննելու եմ , վերջէն հօրս հարցունելու եմ . վա-սըն զի իմ սիրելս բաւական չէ , պէտք է որ հայրս ալ սիրէ իմ կինս . ոչ թէ միայն հայրս , այլ ամեն մարդ հաւանելու է . . .

— Բարեւ , վուեմափայլ տէր , ըսաւ երեսնաս-եայ եւ վառվառւն երիտասարդ մը սենեակ մանելով եւ արագաքայլ Արխառողոմ աղային վաղելով անոր ձեռները սղմէլու համար :

Արխառողոմ աղա տեղէն ելաւ եւ ձեռները յանձ-նեց այդ երիտասարդին որ ուղածին պէս սղմէ եւ թոթուէ զանոնք հազար ու մէկ յարգանքներ մա-տուցանելով :

— Նստեցէք , Արխառողոմ աղա , կաղաչեմ , չը վայլեր որ սոք ենէք , ըսաւ երիտասարդն տիրոջը դարձնելով իրն յանձնը կած ձեռներն եւ կոտըրա-

վիլով և առ գնաց թիւնաթոռի մը վրայ նստաւ :

Արիսողոմ աղան բազմոցին վրայ բազմեցաւ :

— Արդարեւ մեր պարտքն էր երէկ գալ եւ ձեր գալուստը չնորհաւորել, բայց ուշ իմացանք ձեր գալն . ասոր համար յատկապէս ձեր ներողութիւնը կը խնդրէնք, ըստ երիտասարդն ձեռներն իրարու շինուո՞ :

— Այսօր գալով պակասութիւն մ'ըրած չէք ըմար որ ներողութիւն խնդրէք :

— Ձեր քաղաքավարութիւնն է որ աճապէս խօսել կուտայ ձեղի, բայց մենք մեր պակասութիւնը միշտ կը ճանչնանք : Արդարեւ մեծ պակասութիւն մ'է մեր ըրածը, ձեղի պէս երեւելի մարդ մը մայրաքաղաքու դայ եւ պատկերհան մը անմիջապէս բարթակ, պակասութիւններու պակասութիւնն է որ եւ ոչ մէկ կերպով մը կրնայ պակասութիւն ըլլալէ դազրիլ :

— Ամենեւին պակասութիւն մը չէ, եթէ բը նաւ չդայիք դարձեալ պակասութիւն մը չէր համարվէր ինձի համար :

— Շատ վիհանձն էք :

— Ամենեւին վիհանձն չեմ :

— Թող այնպէս ըլլայ, ատոր համար հիմայ վիճարանութեան մանելու հարկ չեմ տեսներ . միայն ինքովնքս ձեր տրամադրութեան տակ կը դը նեմ եւ ձեր հրամաններուն կսպասեմ . եթէ կուզէք հոս քաշել տուէք, եթէ կը փափաքիք մեր դրա-

սենեակը պատուել հաճեցէք եւ հոն հանենք, ինձի համար մի եւ նոյն բանն է, դուք ինչպէս որ կախորժիք՝ այնպէս ընելու պատրաստ եմ :

— Ի՞նչ պիտի քաշել տանք . . . իմ ակուանեւ ըլլա աղէկ են :

— Գիտեմ որ ակուաներդ աղէկ են ինչպէս նաեւ զուք ալ աղէկ էք . ես կը փափաքիմ ձեր լուսանկար պատկերը քաշել :

— Ես մինչեւ հիմայ պատկերս բնաւ քաշել տուած չունիմ եւ քաշել տալու հարկ մ'ալ չեմ տեսներ, վասն զի ամեն օր հայելի կը նայիմ եւ ինք զինքս կը տեսնեմ :

— Եթէ ձեր պատկերը մէկու մը զրկել ուզէք՝ հայելին կրնաք զրկել Արիսողոմ աղա :

— Հայելին ինչո՞ւ զրկեմ, ես կերթամ :

— Շատ աղէկ կը խօսիք, բայց ես մինչեւ որ ձեր պատկերը չնանեմ՝ չեմ կրնար հանգիստ ըլլալ . ինձի համար պղտիկութիւն մ'է ձեր պատկերը չը հանելը, թող որ ձեղի համար ալ այնպէս է :

— Ի՞նչո՞ւ :

— Լոված բա՞ն է որ ձեղի պէս երեւելի մարդ մը Պօլիս գայ եւ պատկերը քաշել չտայ . աշխարհ արարատ ձեր վրայ պիտի ինդացնէք :

— Ի՞նչո՞ւ :

— Պատճառը յայտնի է . մեծ մարդերը բնաւ կանարար մեծ բարեկամներ կունենան, դուք մեծ մարդ մ'էք եւ այսօր կամ վաղը պիտի սկսիք մեծ

մարդերու այցելութիւններն ընդունիլ : Ասոնցմէ
շատերն իրենց պատկերներէն մէյմէկ հատ պիտի
նուիրեն ձեղի, եւ դուք ալ պիտի ստիպվիք ձերի-
նէն մէյմէկ հատ տալ անոնց :

— Եւ եթէ չտամ կը խնդա՞ն իմ վրայ :
— Խնտալն ալ լսօ՞սք է, ընկերութիւններու
մէջ մատի վրայ կառնեն քեզի :

— Զարմանալի բան . . .
— Ղսված բա՞ն է որ ձեզի պէս ազնուական
մը պատկերը հանել չտայ . մնծ ամօթ է . . .

— Մէջ ամօթ . . .
— Այո՛, շատ մնծ ամօթ է, անվարտի պտը-
տիլն այնքան ամօթ չէ որքան իրեն պատկերն չու-
նենալը :

— Ես չէի գիտեր :
— Քաղաքակրթութիւնը եւ լուսաւորութիւնը
պարտք կը դնեն մեր ամենուս վրայ որ մեր պատ-
կերներն ունենանք :

— Լրագիրները պիտի գրե՞ն որ Արխողոմ ա-
ղամ իւր պատկերը քաշել տուած է :

— Լրագիրներու վերաբերեալ խնդիր մը չէ
աս . . .

— Ըսել է թէ Եկեղեցիներու մէջ ծանուցում
ալ չպիտի ըլլայ :

— Ծանուցումի ի՞նչ հարկ կայ, Արխողոմ ա-
ղա, կը ծաղրէք զիս . . .

— Ծաղրէ՞լ, ատոր շատ դէմ եմ . . . ի՞նչ

իրաւունք ունիմ ուրիշ մը ծաղրելու . . .

— Մի՛ բարկանաք . . .

— Զէ, կը բարեկանամ, ես բնաւորութիւն մը
ունիմ որ ամեն բան չփակ կուզեմ :

— Շատ լաւ . ի՞նչ դիրքով համել կուզէք ձեր
պատկերը :

— Միտք չունիմ պատկերս քաշել տալու, վա-
սըն զի անօգուտ բան մը կերեւաց ինձի :

— Ի՞նչ կըսէք, ասկից աւելի օգտակար ի՞նչ
կայ . եթէ ձեր բարեկամներէն մէկուն այցելու-
թիւն մը տալ ուզէք եւ ժամանակ չունենաք՝ ձեր
մէկ պատկերը կը դրկէք կը լմնայ կերթայ . Եթէ
կարգուած էք՝ ձեր ամուսնոյն կը դրկէք որ ձեր
բացակայութեանն ատեն անոր վրայ նայելով
կարօսը կառնէ . եթէ ամուսնացած չէք՝ շատ աղ-
ջիկներ ձեր պատկերը կը տեսնեն եւ ձեր ո՞վ ըլ-
լալը կը հասկնան, որով ընկերութիւններու մէջ ձեր
անունը կը խօսվի : Լուսանկար պատկեր մը այս օր-
ուան օրս հացէն աւելի պէտք է մարդուս . Կաղա-
չեմ որ համոզուիք եւ ժամ առաջ երթանք ձեր
պատկերը քաշենք :

— Աղջիկներն ի՞նչպէս եւ ո՞ւր պիտի տեսնեն
իմ պատկերս . . .

— Զէ՞ որ ձեր բարեկամներուն պիտի տաք,
անոնք ալ իրենց տունը պատկերներու յատուկ
գիրքի մը մէջ պիտի անցունեն եւ ամննուն պիտի
ցուցնեն :

— Յուցներով ի՞նչ պիտի ըլլայ :

— Ի՞նչ կուզէք որ ըլլայ . . . միշտ կը յիշ-
փեք . . .

— Եթէ չիշվիմ ի՞նչ կը կորսնցնեմ, հոգու էր
իմին թէ զիս պիտի յիշեն, կուզեն յիշեն կուզեն
չյիշեն, ես անանկ դարտակ բաներու ստակ չեմ
տար եւ քու խօսքերուդ ալ չեմ հաւատար :

— Ապիկայ պղտիկ հնաէւլն մ'է :

— Ենաէւլն ո՞վ է :

— Տէ՛ր, զիտէք որ արնէնն մը վիրաւորեցիք
ծանրապէս :

— Ե՞ս վիրաւորեցի :

— Այո՛, դուք . . .

— Պատկերս քաշել չտալուս համար զրպար-
տութեան սկսած . . . ես մինչեւ հիմա մէկը վի-
րաւորած չեմ :

— Այսօր զիս վիրաւորեցիք :

— Գնա՛ սատիկանութեան իմաց տուր, պա-
րապ խօսքեր մտիկ ընելու ժամանակ չունիմ,

— Ոստիկանութեան երթալու հարկ չկայ. կը
խնդրեմ որ ձեր բերնէն ելած խօսքը հաշտեցունէք
ձեր քաղաքավարութեանը հետ :

— Ես կռուի մէջ չեմ մտներ, գնա՛ դուն հաշ-
տեցուր եթէ կոիւ ընողներ կան :

Մանուկ աղան Արխողոմ աղային նախաճաշը
կը բերէ եւ եռոտանի սեղամնի վրայ դնելէն վերջը,

— Հրամմեցէք, ձեր կաթը խմեցէք, կըսէ :

Արխողոմ աղան աթոռ մը կառնէ, սեղանին
առջեւ կը նստի եւ կակսի կաթը խմելու :

— Ի՞նչ որոշեցիք նայինք, Արխողոմ աղային
պատկերը կէ՞ս մէջքէն պիտի քաշէք թէ ոտքի կը-
րայ, կը հարցունէ Մանուկ աղան :

— Ոչ կէս մէջքէն ոչ ալ ոտքի վրայ, կը ստ-
տախանէ Արխողոմ աղան :

— Աթոռի մը վրայ նստած ամբո՞ղջ պիտի քա-
շէք :

— Ոչ :

— Պառկա՞ծ պիտի հանեք :

— Ոչ :

— Քողընտի՞ :

— Ոչ :

— Ի՞նչպէս որոշեցիք ուրեմն ո :

— Որոշեցինք որ մեր պատկերը բնաւ քաշել
չտանք :

— Ատ չըլլար. ատիկայ մեծ պղտիկութիւնն է
Արխողոմ աղա. հիմա պղտիկներէն բռնէ միշեւ
մեծերը գնա՛, ամենն ալ տարին քանի մը անգամ
պատկերնին քաշել կուտան. երկու ամսու տղայ-
ներն անգամ իրենցն ունին, միայն իրենց մօրը ար-
գանդին մէջ զանուողները չունին իրենց պատկե-
րը. եթէ անոր ալ զիւրին մէկ ճամբան գտնեն՝ ա-
նոնցն ալ պիտի հանեն :

— Ես չկրցի համոզել Արխողոմ աղան որ կար-
ծեց թէ զինքը խաբելու համար եկած եմ հոս, ը-
սաւ պատկերհանը :

— Զէ , չէ , մեր պատկերհանն անանկ մարդ
չէ , աւելցուց Մանուկ աղան :

— Ըսի թէ Աբիսողոմ աղային պէս մեծ եւ ե-
րեւելի մարդ մը իրեն պատկերն անպատճառ ունե-
նալու է :

— Այո , ունենալու է , եւ քանի մը տեսակ :
Օրինակի համար . տամներկու հատ պղափկ , տամներ-
կու հատ միջին , տամներկու հատ մեծ , տամներ-
կու հատ ոտքի վրայ , տամներկու հատ աթոռի մը
վրայ բազմած , տամներկու հատ քովընտի նստած ,
տամներկու հատ շիտակ նստած , տամներկու հատ
ոտք ոտքի վրայ դրած , տամներկու հատ ձեռք
ձեռքի վրայ , տամներկու հատ գլուխը ձեռքին
կոթնած , տամներկու հատ ձեռքը սեղանի մը վը-
րայ դրած , տամներկու հատ պառկած , տամներ-
կու հատ ձեռքը գաւազան բռնած , տամներկու հատ
խնդումերես , տամներկու հատ տխուր դէմքով ,
տամներկու հատ ալ ոչ խնդումերես եւ ոչ տխուր
դէմքով : Այո' , Աբիսողոմ աղա , աս ըսածներէս
հատ մը եթէ պակաս ըլլայ՝ ձեր պատույն վնաս
կուգայ :

— Իրա՞ւ կըսէք , հարցուց Աբիսողոմ աղա :

— Սուտ խօսելու ընաւ պարտականութիւն
չունիմ . եթէ ասոնք չունենաս՝ քու վրադ աղէկ
աչքով չեն նայիր , բոլոր մեծ մարդերն ասոնք ու-
նին :

— Մեծ մարդերն ունին . աղէկ դիտե՞ս :

— Այո , ունին :

— Պղտիկներն ալ ունին ըսիր հապա :

— Պղտիկներն այսչափ չունին , անոնք կամ
երեք հատ եւ կամ շատ շատ վեց հատ հանել կու-
տան :

— Բնաւ մտքէս չէր անցներ որ պատկերին
այսչափ կարեւորութիւն կը տրվի հոս :

— Այո , կարեւորութիւնը հիմայ միայն պատ-
կերներուն կը տրվի , եւ որքան աղէկ քաշված ըլ-
լան՝ այնքան աւելի կարեւորութիւն կառնեն :

— Գանի որ ամեն մարդ իւր պատկերն ունի ,
իմ մեծ մարդ ըլլալս խչէն պիտի հասկցվի . միայն
մեծ մարդերը քաշել տալու էին որ այն տաեն . . .

— Բայց մեծ մարդերունը ուրիշ տեսակ է ,
խոշոր դիրքով եւ փայլուն թուղթի վրայ կը հա-
նեն :

— Չկնամը ըլլալ որ սպասաւորներս ալ առջեւս
բարեւ բռնած հանենք :

— Շատ աղէկ կըլլայ :

— Իրա՞ւ կըսէք :

— Այո' :

— Օրինակի համար ես ագարակներ ալ ունիմ,
որոց մէջ շատ մը կովեր , ոչխարներ , ձիեր , սա-
գեր , բագեր կան , անոնք ալ կարելի չէ պատկե-
րին մէկ կողմը դնել :

— Ատոնք կարելի չէ , բայց սպասաւորներդ
կընաս առնել , այնպէս չէ պարոն Դերենիկ :

— Այս , այնպէս է , պատասխանեց պատկերահանը :

— Զի՞նա՞ր ըլլալ որ , հարցուց նորէն Արխուղամ աղան , պատկերին տակը գրվի որ այս մարդն ագարակներ , ձիեր , կովեր , էշեր ունի :

— Աս չգրվիր , կրնայ զրվիլ բայց մինչեւ այսօր սովորութիւն եղած չէ : Սակայն ի՞նչ հարկ կայ զանոնք գրելու , արդէն ամեն մարդ չուտով կիմանայ :

— Զիու վրայ նստած կրնա՞նք հանել :

— Այս , պատասխանեց Դերենիկը :

— Զի՞ն վազցունելով սակայն :

— Աս դժուար է :

— Շատ լաւ , վաղը կընայինք :

— Եթէ կուզէք՝ մեքենան հոս բերեմ վաղը :

— Այս , այս , հոս բերե՞ք , կրկնեց Մանուկ աղան , վասն զի չվայլեր որ Արխուղոմ աղան ձեր սենեակը գայ : Մեծ մարդերը միշտ իրենց տուներուն մէջ քաշել կուտան պատկերնին :

— Գլխուս վրայ , ըստ Դերենիկն եւ ձեռները շիել սկսելով ոտքի վրայ ելաւ եւ կոտրավիլ սկըստ այնպէս որ խօսք մը ըսել կուզէր եւ կը քաշվէր :

Յայտնի է թէ այն մարդն որ բան մը ըսել կուզէ եւ կը քաշվի , անպատճառ ստակ պիտի ուզէ :

— Վաղը մեքենան հոս բեր , ըստ Արխուղոմ աղան :

— Շատ լաւ , պատասխանեց պատկերհանը միշտ կոտրավիլով եւ ձեռները շփելով :

— Վաղը մեքենան հոս բեր ըսինք ա՛ , կըրկնահց Արխուղոմ աղան տեսնելով որ պատկերհանը չերթար :

— Այս , հասկցայ , մեքենան վաղը հոս պիտի բերենք պատասխանեց նորէն Դերենիկը , բայց սովորութիւն մը ունինք մինք որ . . . հերեցէք սակայն :

— Բաէք :

— Բայց կաղաչեմ , ծանր չգայ ձեզի :

— Ծանր չգար ի՞նձի :

— Սովորութիւն մը ունինք որ եթէ մեքենան մէկու մը տունը տանիլ հարկ ըլլայ՝ կանիիկ գուշ մը կառնենք . . . ոչ թէ վատահութիւն չունենալուս համար այլ սովորութիւն մը յարգելու համար :

— Աս ի՞նչ զէշ սովորութիւն է . . .

— Վերջապէս սովորութիւն մ'է :

— Շատ լաւ . . . երկու ոսկի կը բաւէ :

— Այս , կը բաւէ :

Արխուղոմ աղան երկու ոսկի տուաւ պատկերհանին որ գուսը բանալն եւ աներեւութանալն մէկ ըրաւ :

Է.

Կան մարդեր որ ցցունել կուզեն ինչ որ չունին . կան ալ որ ցցունել չեն ուղեր ինչ որ ունին . կան նաեւ որ ցցունել կուզեն ինչ որ ունին : Արի սողոմ աղան վերջիններէն էր, կը փափաքէր որ բոլոյի աշխարհ իմանայ ադարակներ ունենալը եւ իւ փափաքն իրացնելու համար ստակ ալ չէր ինաւէր : Այսպէս, երբ ըսին իրեն թէ մեծ մարդերն իրենց պատկերներն ունին՝ հաւանեցաւ որ ինք ալ իրենն ունենայ . բայց կասկածելով թէ խարված ըլլայ եւ պարապ տեղը ստակէ ելլայ՝ Դերենիկին մեկնելէն անմիջապէս ետքը հարցուց Մանուկ աղային :

— Եթէ պատկերս քաշել չտամ՝ զիս մարդու տեղ չեն դներ :

— Քաւ լիցի, բայց քանի որ ձեր ստափճանի մարդերը իրենց պատկերները հանել տուած են, ձեղի ալ կը վայէ որ անոնց պէս ընէք : Երբ մէկն ձեր պատկերն ունենալ փափաքի եւ դուք պատասխանէք թէ՛ պատկերս քաշել տուած չեմ . . .

— Ի՞նչ կըլլայ :

— Բան մը ըլլապ ։ ։ ։ բայց ։ ։ ։

— Բայց ի՞նչ ։ ։ ։ ադարակներս կառնեն ձեռքէս ։ ։ ։

— Ամենեւին :

— Ոչխարներս, կովերս կը յափշտակե՞ն :

— Բնաւ ։ ։ ։ բայց ։ ։ ։ խաւարեալ մարդու տեղ կը դնեն ձեղի, չեն ըներ այն պատիւն զոր կուտան մեծ մարդերու :

— Հասկցայ. ի՞նչպէս հանել տալու եմ ուրեմն պատկերս որ տարակոյս չմնայ թէ պղտիկ մարդ չեմ, վասն զի ըսիք թէ պղտիկներն ալ իրենց պատկերներն հանեն :

— Ձեր պղտիկ մարդ չըլլալը հասկցնելու համար մեծ պատկեր հանելու էք, թիկնաթոռի մը վըրայ նստած :

— Նոր հագուստներս հագնելու եմ, այնպէս չէ :

— Այո՛ :

— Ժամացոյցս ալ կախելու եմ հարկաւ :

— Տարակոյս չկայ :

— Սանկ ծխափող քաշելով եւ երկու մարդ ալ դէմս բարեւ բռնելով եւ մէկն ալ ետեւէս ձիս ըլլանելով :

— Այո՛, այո՛ :

— Դեռ ուրիշ ի՞նչ պէտք է փառաւոր երեւալու համար :

— Այսչափ բաւական է :

— Կուզէի որ սղասաւորներէս երկուքն ալ չաշխելով դիմացէս վանտէի եւ անոնք ալ զլուխնին ծուած զուրս ելնէին . վերջապէս սանկ բաներ չը

կրնար ըլլալ . . . կամ թէ մէկը ծեծէի . . . օրինակի համար , մեր ագարակներուն վերակացուին երեսն ի վեր պոռայի . . . «մարդ , քեզի քանի անդամներ հրամայեցի որ մշակներու հետ քաղցրութեամբ փարփս , կովերուս հետ սիրով երթաս , վարուց ցանը ժամանակին ընես , քանի որ ասոնք չըրիր , ևս ալ քեզի կը փնտեմ : » Վերակացուն ալ թաշկինակովն աչերը սրբելով ոտքերուս իյնայ , աղաչէ եւ պազատի ըսելով « զաւակներուս սիրոյն համար ներէ յանցանացս , այսչափ տարիներէ հետէ ձեր հայը կուտեմ , դուք իմ բարերարս էք , ես զձեզ գրկերուս մէջ այնչափ գրկած ու պտտցուցած եմ երբ գեռ պզտիկ էիք . . . « վերջապէս սըլոր նմանաբաներ չեն՞ք կրնար դնել պատկերին մէջ :

— Ատոնց վրայ վաղը կը խորհինք , մնաք հիմա սկսինք մեր երէկուան պատութեան որ կիսատմաց : Մելքոն աղան զիս տեսնելուն պէս . . . :

— Կամ թէ սանկ կրնակի վրայ պառկիմ եւ սպասաւորներս ալ բանալո՞ւ քաշեն . . . :

— Զիս տեսնելուն պէս մօտեցաւ ինձի եւ . . . :

— Նորէլէյով սւելի փառաւոր ըլլա՞ր . . . :

— Մօտեցաւ ինձի եւ ձեռքերս բռնելով ըսաւ . . . եթէ այսօր չաշխատինք՝ մեր չուզած մարդերը թաղական պիտի ընտրվին :

— Սանկ տասը կանգուն երկայնութեամբ նաբբանք մը . . . :

— Անոնք վաղուան գործ են , Աքիտողոմ աղա , թող տուէք որ սա պատմութիւնս լմնցնեմ : Մելքոն աղան թեւէս բռնելուն պէս քաշեց զիս պազին ընթերցատունն ուր երիտասարդներ նստած թուղթ կը խաղացին :

— Ես ալ կըսեմ որ ճաբառաճը եթէ կարձ ըլլայ՝ աւելի աղուոր կերեւայ պատկերին մէջ :

Կեանքիս մէջ հարիւր անդամէն աւելի հանդիպած եմ այս տեսարանին , ուր երկու գերասաններ խօսքն իրարու բերնէն յափշտակելով իւրաքանչիւթը կը փափաքի առաջ իւր խօսքը մտիկ ընել տալ : Այո՛ , հարիւր անդամ ներկայ գտնըված եմ , երկու մագամ ընկերութիւններու մէջ եւ իննասունը ութը անդամ Ազգային երեսիոխանսական ժողովոյ մէջ : Հարիւր մէկերորդ անդամն էր այս , եւ սատանան կը գրգէր զիս ըսելու այս երկուքէն մէկուն չթող տուր զիմացինիդ լմնցնել իւր խօսքն եւ վերջը խօսէ՛ : Բայց որովհետեւ ուրիշ անդամներ այսպէս խօսած ըլլալուս համար մէկուն կամ մէկալին սիրու կոտրած եմ , որոշեցի չէզոքութիւն պահել , թող տալ իրենց փոխասացութիւն ընել եւ սպասել տեսնելու համար թէ ինչպէս պիտի վերջանայ այս տեսարանն որ Ազգային երեսիոխանսական ժողովոյ մէջ գրեթէ միշտ կոիւով կը վախճանի :

— Իրաւունք ունիք , պատասխանեց Մանուկ աղան , կարձ ճաբառաճը շատ աղէկ կերեւայ պատկերին մէջ , բայց եւ այնպէս մաքուր եւ շիտակ ըլլա-

լու է թաղական ընտրըվող մարդ մը :

— Դուք աղէկը կը ճանչնա՞ք :

— Իմ ճանչնալս մինակ օգուտ չըներ , քուէ-
արկութեամբ կընտրվի :

— Քուէարկութեա՞մբ :

— Այս , ըստ Սահմանադրութեան քուէարկու-

թիւնը կընտրէ :

— Ի՞նչ կըսէք , թաղեցին քուէ՞ պիտի տայ
հիմա աղէկ ժոբնուհ մը ընտրելու համար :

— Թաղականի վրայ է մեր խօսքը :

— Թաղականն ուսկի՞ց հանեցիր . ժոբնուհի վր-
այ է մեր խօսքը :

— Մի՛ բարկանաք , Արիսողոմ աղա , այսպէս

ըլլայ :

— Ինչո՞ւ բարկանամ պիտի . . . վաղը եր-
թանք հատ մը առնենք :

— Կառնենք :

Այս պահուն սենեակին դուռը բացվեցաւ եւ
կնկան մը գլուխ երեւցաւ :

Այս կինը Շուշան կը կոչվէր եւ իւր արհեստն
ալ սիրոյ միջնորդութիւն էր . այրերուն կին կը
դտնէր , կիներուն այր կը մատակարարէր եւ զանոնք
իրարու հետ ամուսնացնելով իւր աշխատութեան
վարձքը կընդունէր : Երբեմն ալ այրը կինէն կը զա-
տէր եւ դարձեալ իւր աշխատութեան փոխարէնը
կառնէր : Տարիքն եթէ իրեն հարցնես , երեսունը
վեց է , իսկ եթէ հարցնես ինձի , որ միշտ ոռվո-

րութիւն ունիմ կնկան մը խոստովանած տարիքին
վրայ տամն աւելցնել , քառասունը վեց է : Ծաղկի
հիւանդութիւնը իւր նշանները ձգած է անոր երե-
սը : Սեւ եւ երկար դէմք մը որուն կէսը կը կաղ-
մէր ծնոտը , եւ որուն մէջ տեղը երկնցած էր քիթ
մը որ բարձր եւ ծոխ յանդ մ'ունէր , կը կրէր իւր
վրայ երկու փոքրիկ եւ սեւ աչեր որ ամեն վայր-
կենին չորս կողմը կը սլաքտէին : Հաղիւ երկու
մատ լայնութեամբ ճակատ մ'ունէր . ընքուիները
հիւանդութենէ թափած էին :

Տիկին Շուշան գլուխը դոնէն ներս խօթելէն
ետքը դուռը բացաւ եւ ներս մտաւ ըսելով .

— Եթէ դաղտնի խօսք մը ունիք՝ դուրս ել-
նեմ:

— Ոչ , պատասխանեց Մանուկ աղան , թա-
ղականի վրայ կը խօսէինք :

— Գետնին տակը անցնի այն թաղականի խըն-
դիրն , ըսաւ Տիկին Շուշան , եւ ծանրութեամբ գլու-
խըն Արիսողոմ աղային ծոելով գնաց բազմոցի մը
վրայ նստելու :

— Բարի եկաք , Տիկին , ըսաւ Մանուկ ա-
ղան .

— Բարի տեսանք : Դուք ալ բարի էք եկեր
Արիսողոմ աղա , քաղաքնիս ի՞նչպէս դտաք նայինք ,
հաւնեցա՞ք :

— Հաւնեցայ , շատ աղէկ է :

— Այս կողմերը ի՞նչ գործ ունիք , հարցուց

Մանուկ աղա , դարձեալ նշանառուք մը կայ , ի՞նչ
կայ :

— Հրամմեր էք , սա դիմացի տունը եկայ՝ եւ-
անգամ մ'ալ ձեզի հանդիպիմ ըսի : Սա Անթառա-
մին աղջիկը դիմացինիդ տղուն կուզեմ շինել . գոր-
ծըն ալ լմնցածի պէս էր , բայց տիկին Մարթան իւր
աղջիկը տալ ուղելուն համար Անթառամին աղջկա-
աղջիկը խել մը խօսքեր ըսած է մանչուն , ան
նը վրայօք խել մը խօսքեր ըսած է մանչուն , ան
ալ քիչ մը պաղած է : Այսօր եկայ որ զինքը տես-
ում եւ համոզեմ բայց դուրս ելած ըլլալուն՝ վազը
պիտի դամ :

— Աղջիկ մ'ալ մեր Աբիսողոմ աղային չգըտ-
նա՞ս :

Աբիսողոմ աղան ժպանցաւ :

— Տիկին արդէն իմացուց ինձի վարը թէ Ա-
բիսողոմ աղան կարգված չէ եւ ես ալ շխտակը ա-
նոր համար վեր ելայ , պատասխանեց Տիկին Շուշա-
նը ձերմակ թաշկինակովն քիթը սրբելով :

— Անանկ միտք մը ունիմ , ըսաւ Աբիսողոմ
աղան անդէն ելնելով եւ սիստ մը հրամցնելով
տիկին Շուշանին :

— Եթէ անանկ միտք մը ունիք՝ քեզի ալ կըր-
նանք ձեր ուղածին պէս աղջիկ մը գտնել . քսան
տարիէ ի վեր այս գործին մէջն եմ , ամենքն կը
ճանչնամ : Հրամանքնիդ ի՞նչպէս աղջիկ կուզէք ,
անգամ մը ան հասկնալու եմ ես :

Մանուկ աղան ահմնելով որ Աբիսողոմ աղան

տիկին Շուշանի հետ խօսքի բռնուեցաւ , դուրս ե-
լաւ ուրիշ անդամի պարագաներ լով թաղականի պատմու-
թիւնն զոր չէր կրցած աւարտել :

— Աղուոր աղջիկ մը կուզեմ , պատասխանեց
Աբիսողոմ աղա խնդալով :

— Գիտեմ որ աղուոր աղջիկ կուզես . ուզած
աղջիկդ հարուստ ըլլալու է :

— Այո :

— Պարկեշտ :

— Հարկաւ :

— Տամնըվեց տամնեւութ տարեկան :

— Ճիշդ :

— Դաշնակ զարնել գիտնայ :

— Գիտնալու է :

— Աղէկ պարէ :

— Հրամմեր էք :

— Շատ լաւ , ասանկ աղջիկ մը կայ ձեռքիս
տակը , բայց այս տեսակ աղջիկները գործ չեն տես-
ներ տունը . առտուընէ մինչեւ իրիկուն ծունկ
ծունկի վրայ կը գնեն եւ կերպեն , կը պարեն եւ
կամ բոլոր օր կը պարտին . հիմակուընէ ըսեմ վեր-
ջէն ինձի պատճառ չըռնես . աղէկներն ալ կան
բայց գտնելը շատ գդուար է : Քու ըսած աղջիկ-
ներուդ մէջ անանկներ ալ կան որ իրենց ուզած
մէկը կը սիրեն եւ շատ անդամ անոր հետ գեղ մը
կը փախչին եւ դուն ալ կսպասես որ կինդ պայ :

— Ի՞նչ կըսէք : Եթէ այնպէս է չեմ ուզեր :

— Բայց կան ալ որ վրադ կը խենդենան .
 — Եթէ այսպէս է՝ կուզեմ :
 — Բայց կան ալ որ ամիս մը իրենց սիրածին
 հետ կապրին եւ քու անունի բնաւ չեն տար .
 — Եթէ այսպէս է՝ չեմ ուզեր :
 — Բայց կան ալ որ վայրկեան մը քովէդ չեն
 բաժնըվիր :
 — Եթէ այսպէս է՝ կուզեմ :
 — Ասոնք ըսելուս համար ինձի բան մի՛ ըսեր .
 վասն զի կան անանկներ ալ որ թող կուտան իրենց
 կինը ուրիշի մը հետ սիրահարութիւն ընել եւ աղջ-
 կան հօրմէն քիչ մը դրամ առնելով աչք գոցել :
 — Իրա՞ւ կըսէք, անանկ էրիկ մարդ կը գըտ-
 նըվի՞ աշխարհիս վրայ :
 — Մազէս շատ :
 — Եւ այն տեռակ էրիկ մարդերու եւ կիներու
 երեսը ո՞վ կընայի :
 — Ամեն մարդ . կինը կարդարացնեն ըսելով
 թէ՝ սատանայէ խարված է, էրիկն ալ կը սրբացը-
 նեն ըսելով թէ՝ խեղճը չգիտեր իւր կնոջ բոնած
 ընթացքը :
 — Ե, հիմայ կը ճամփիմ . . . չեմ ուզեր չեմ
 ուզեր, թող մնայ, իմ քաղաքու կը կարգվիմ :
 — Բայց եւ այնպէս անանկներ ալ կան որ քե-
 զի համար իրենց հոգին անդամ կուտան :
 — Անանկ մէկն եթէ գտնեմ՝ կը կարգվիմ :
 — Ես ալ անանկ մէկը պիտի գտնեմ քեզի .

իմ հարցունելու սա է որ ձեր ինչ տեսակ աղջիկ ու-
 զելը հասկնամ :
 Ես ալ իրաւունք կուտամ տիկին Շուշանին .
 վամն զի ամեն օր այնպիսի ամուսնութիւններ կը
 տեսնենք որք մարդուս զարմանք կուտան : Ատեն մը
 հետաքրքրութեան համար կարգված մարդու մը սի-
 րոյ կրկնատոմարը գրեցի, եւ տարեզվխուն հաշուէ-
 կըշիոը հանելով տեսայ որ այդ մարդը մնանկացած
 էր բարոյականութեան մէջ : Բարեւս կարեցի իրմէ
 եւ սակայն մեծ զարմանքով տեսայ որ այդ մարդը
 մեծ պատիւ կը գտնէ ընկերութիւններու մէջ եւ
 իրբեւ բարոյականի տէր անձ մը ամեն կողմէ յար-
 գանք կընդունի : Հետաքրքրութիւնս աւելցաւ,
 հաշուէկի նորին աչքէ անցուցի եւ դիտեցի որ
 կինն զոր ես այդ մարդուն ընկեր նշանակած էի
 Մայր հաշույն մէջ, ուրամատւի կողմ անցած է
 էրկանը տետրակին մէջ : Եթէ օր մը սիրոյ տոմա-
 րակալութիւն մը հրատարակեմ՝ մեծ յուզգունք
 պիտի պատճառեմ հաշուազէտներու մէջ . վասն զի
 ես շատ էրիկ մարդիկ զիտեմ որոնք կինն՝ իրենց
 սիրոյ հաշույն մէջ ընդհանուր ծախտէ կողմ կանցու-
 նեն . շատերը կարուիտի հաշույն տակ կը գրեն . ո-
 մանք ընդհանուր սպառնուի կարգը կանցունեն . ո-
 մանք քննուի նուղիներու եւ ոմանք ընդհանուի նուղինե-
 րու հաշույն մէջ կը նշանակեն : Խիստ քիչ են այն
 նախանձելի ամուսնութիւններն որոնց մէջ կինը
 էրկանը ընկեր կարձանագրվի սիրոյ տետրակին մէջ :

— Կարգվիլը շատ անուշ բան է , յարեց սիրոյ միջնորդն , քեզի յարմար աղջիկ մը գտա՞ր , ամեն օր արքայութեան մէջ ես

— Ես ալ ասոր համար է որ կարգվիլ կուզեմ:

— Կինդ բնաւորութեանդ չյարմարեցա՞ւ , ամեն օր դժոխքի մէջ ես , կրակներու մէջ կերիս :

— Ես ալ ասոր համար է որ կարգվելու կը վախնամ :

— Նայեցէ՞ք , ձեզի բան մը ըսեմ աղա , հրամանքնիդ հարկաւ մեծ տեղէ մը աղջիկ կուզեք առնել , վասն զի դուք ալ մեծ մարդ մ'էք :

— Այո՛ , այո՛ , մեծ տեղէ կուզեմ :

— Ես ալ քեզի մեծ տեղէ մը աղջիկ կը զըտնեմ , բայց հրամանքնիդ ֆրանսերէն գիտէ՞ք :

— Մեծ տեղէ աղջիկ առնելու համար անպատճառ ֆրանսերէ՞ն գիտնալու է :

— Այո՛ , վասն զի մեծ տեղի աղջիկներն ֆրանսերէն կը խօսին , եւ երբ կին մը իւր էրկանը չզիտցած լեզով ուրիշի մը հետ կը խօսի՝ տակէն նախանձ կելնէ :

— Ես ալ կը սորվիմ ֆրանսերէն :

— Բաց ի ասկից երջանկութիւնը շատ քիչ կը դանվի այն ամուսնութեան մէջ ուր կնիկն էրիկէն աւելի բան գիտէ :

— Այսպէս է , ես ալ այն կարծիքէն եմ :

— Հրամանքնիդ եւրոպական եղանակներէն բան մը կը հասկնա՞ք :

— Ամենեւին բան մը չեմ հասկնար եւ մանաւանդ թէ կը ձանձրանամ :

— Ինչ պիտի ընես ուրեմն եթէ կինդ ժամերով դաշնակի առջեւն անցնի եւ այդ նուազարանի վրայ եւրոպական խաղեր զարնէ :

— Թող' չեմ տար , ես ձանձրոյթ կիմանամ :

— Ան հածոյք կզգայ :

— Կին մը ինչ իրաւունք ունի իւր էրկանը կուս ցաւցունելու :

— Էրիկ մը ինչ իրաւունք ունի իւր կինն զրարձութենէ զրկելու :

— Եթէ գործը մինչեւ աս տեղուանքը պիտի դայ , չեմ կարգվիր :

— Զկարգվիլ չըլլար , միայն թէ պիտի ստիպվա կնկանդ ճաշակին յարմարելու համար դաշնակ սորվիլ :

— Ես կրնա՞մ սովորիլ :

— Ինչո՞ւ չէ , մանաւանդ թէ աւելի դիւրին է քեզի դաշնակ զարնել սորվիլ քան թէ կնկանդ դաշնակ զարնելը մոռնալը :

— Եթէ այսպէս է՝ ասոր ալ ճամբան գտանք ըսել է :

— Ասոնք ըսելուս պատճառն ան է որ ես հոգիս աւցունել չեմ ուզեր , ամեն բան առաջուց կրսեմ որ վերջէն ինձի պատճառ չըսնեն : Իմ ձեռքիս տակ ամէն դասէ աղջիկ կայ . բարձր դասէն , միշին դասէն եւ ստորին դասէն . այս երեք դասէն ալ ծա-

Խու ապրանք ունիմ, հրամանքնիդ ձեր քսակին
հետ խորհրդակցեցէք եւ ինձի ըսէք սա դասէն կու-
զեմ: Յայտնի է որ բարձր դասը շատ սուղ է, մի-
ջնն նուազ սուղ եւ ստորինն աժան:

— Ես շատ աժան չեմ ուզեր:

— Շատ լաւ, աղջիկը ճերմա՞կ գոյն ունենայ
թէ քիչ մը թուխ:

— Ճերմակ կուզեմ:

— Աչքերը մե՞ւ թէ կապոյտ:

— Եկու տես որ սեւն ալ կը սիրեմ կապոյտն
ալ . . . :

— Կամ մին պիտի ըլլայ կամ միւսը. վասն զի
չկրնար ըլլալ անանկ աղջիկ մը որուն մէկ աչքը
կապոյտ ըլլայ եւ միւսը սեւ:

— Կապոյտ ըլլայ թո՞ղ:

— Շատ լաւ: Հասակն եւ մազերը . . . :

— Երկար, երկար:

— Մէջքը . . . :

— Մէջքը բարակ ըլլայ, բայց ակար չեմ ո՞ւ-
րեր, կուզեմ որ քալած ժամանակը միւսերը շարժին:

— Կը հասկնամ, այսչափը հերիք է. ճիշդ ու-
զածիդ պէս աղջիկ մը կայ որ շատ ալ պարկեշտ է
եւ իրեն էրկանը համար հոգի տալ կերեւայ:

— Ես ալ անանկ մէկը կուզեմ:

— Թերեւս վաղը քու անունդ իրեն ըսելուս
պէս վրադ սէր կապէ: Պատկերդ տուր որ իրեն
անգամ մը ցցունեմ:

— Պատկերս վաղը հանել պիտի տամ:

— Վա՞ղը . . . վաղը հանել տալու որ ըլլաք
ութը օրէն կառնէք եւ ութ օր սպասէնք,

— Ինչո՞ւ սպասենք, վաղը կերթանք, մէծ
տեղէն է աղջիկը:

— Այո՞ւ:

— Հայրը հարո՞ւստ է:

— Շատ հարուստ է, բայց հարստութիւնը չը
ցցուներ:

— Շատ խանութներ ունի:

— Քսանի չափ:

— Տուն:

— Քառասունի մօտ:

— Շատ աղէկ, վաղը չէ միւս օր կերթանք
այդ աղջիկը տեսնելու:

— Գլխում վրայ ցերէկին կուգամ եւ մէկտեղ
կերթանք: Մնաք բարով, Աբիսողոմ աղա, սիրտդ
հանգիստ բոնէ, ես քեզ չեմ խաբեր, ուրիշներու
կրակէ շապիկ հագցնողներէն չեմ: Կեցիք բարով.
վաղը չէ միւս օր:

— Տիկին Շուշանը կը մեկնի:

Զ.

Մանուկ աղան որ վարի սենեակն էր եւ խահ-
վէ կը խմէր, Տիկին Շուշանին վար իջնալն տեսնե-

լուն պէս խահվէի գաւաթն թողուց եւ Արիսողոմ
աղային քովը դնաց :

— Այսպէս , ըսաւ , Մելքոն աղան թեւէս քա-
շեց եւ մէկտեղ ընթերցատունը մտանք : Այդ ըն-
թերցատունը ժամանակաւ զինետուն էր , Աստուած
ողորմի հոգուն , կոմիկ աղան կը բռնէր , աղէկ մարդ
մ'էր . հիւանդութիւն մը եկաւ վրան , շատ բժիշկ-
ներ նայեցան , ճար մը չկրցին գտնել եւ խեղճը
մեռաւ . . . :

— Մանուկ աղային կինը՝ լրագիր մը ի ձեռին
ներս մտաւ եւ լրագիրը Արիսողոմ աղային տալով .

— Մեծապատիւ էֆէնտին յատկապէս բարեւ
ըրած է ձեզի , ըսաւ եւ դուրս եղաւ :

Արիսողոմ աղա աճապարանօք բացաւ լրա-
գիրն եւ կարգաց .

« Վանէն հետեւեալը կը դրեն մեզ » : Այս չէ ,
վարինը կարգանք , ըսաւ եւ կարդաց : « Մեր բա-
րեկամներէն մին Մուշէն հետեւեալը զրկած է մեզ
ի հրատարակութիւն » : Աս ալ չէ , միւսը նայինք .
« Քուրէէ ո՛ Օրէանի մէջ հետեւեալ տողերը կը սին-
ուըլին . » միւս երեսը անցնինք : « Թայնի թղթա-
կիցը հետեւեալը հեռագրած է յիշեալ լրագրին » :
Ասոնց մէջ իմ անունս չկայ . . . սա կտորը նա-
յինք . . . « Մայրաքաղաքիս ազնուական դասուն
անդամ մ'ալ աւելցաւ այս օրերս : Երեւելի վաճա-
ռական եւ բազում ազարակներու տէր , ազգասէր ,
լեզուագէտ , ազնուասիրտ եւ վեհանձն Արիսողոմ

էֆէնտի որ մեր ազգայնոց ծանօթ է , երէկ Տրա-
պիզոնի շոգենաւով մայրաքաղաքս եկաւ եւ ուղ-
զակի Բերա ելաւ Ծաղկի փողոց թիւ Զտունը : Ա-
րիսողոմ էֆէնտիի պէս մէկու մը մայրաքաղաքս
գան անշուշտ մեծ ուրախութիւն պիտի պատճառէ
մեր բարեմիտ ազգայնոց » : Արիսողոմ աղան Մել-
քոն աղային դառնալոր տես , ըսաւ , ի՞նչ զրած է
ինձի համար եւ բարձր ձայնով անգամ մ'ալ կար-
գաց :

— Մեծապատիւ էֆէնտին բարեւ կընէ եղեր ,
ըսաւ Տիկինը նորէն ներս մտնելով , բաժանորդագին
պիտի տաք եղեր :

— Հիմա , ըսաւ Արիսողոմ աղան եւ տուաւ
բաժանորդագինն ալիկնոջ որ վազելով վար իջաւ :

— Սա մարդը գէշ չը գրեր կոր հէ , հարցուց
Արիսողոմ աղան :

— Այս՝ գէշ չըգրեր :

— Պատուական լրագիր մ'է :

— Աւելի պատուականը կրնայ ըլլալ :
Տիկինը դուռը բանալով Արիսողոմ աղային նա-
մակ մը եւ խոշոր ծրար մը յանձնեց ըսելով ,

— Մեծապատիւ էֆէնտին մասնաւորապէս կը
բարեւէ զձեզ :

Արիսողոմ աղան նամակը բացաւ եւ հետեւ-
եալը կարդաց .

« Մեծապատիւ էֆէնտի
զեր Մեծապատութեան մայրաքաղաքս գան

իմանալով փութացի ձեր գալուստը չնորհաւորելով
լրագրէս տասն օրինակ զրկել : Քաջայոյս եմ որ
պիտի հաճիք ձեր բաժանորդութեամբը քաջալերել
լրագիրս , որով պիտի խրախուսէք զիս որ իսըմ-
բագրական տաժանելի ասպարէզին մէջ ազդին
ծառայութիւններ ընելու կոչուած եմ:

Սնամ յարգանօք
Խմբագիր - Տնօրէն
• • • • ԼՐԱԳՐՈՅ
(Արուագրութեան)

— Տասը հատն ի՞նչ ընեմ . . . :
— Կշտանալով կը կարդանք . . . :
Տիկինը նորէն ներկայացաւ եւ ծրարով մը նա-
մակ մ'ալ տուաւ Արիսողոմ աղային որ բանալով
սկսաւ կարդալ :

« Մեծապատիւ էֆէնտի :
Զեր հանրածանօթ ազգապիրութիւնը քաջալե-
րութիւն տուաւ ինձ լրագրէս տասնընդ օրինակ
զրկել ձեզ : Քաղցր է ինձ յուսալ որ պիտի բարե-
հածիք զանոնք ընդունիլ եւ պաշտպան կանդնիլ
լրագրութեան որ մեր մէջ ընթերցափրութեան չը
տարածուելուն պատճառաւը գժրաղղաբար գէշ վի-
ճակի մը մէջ կը գտնըվի :

Սնամը յարգանօք
Խմբագիր - Տնօրէն
• • • • ԼՐԱԳՐՈՅ
(Արուագրութեան)

Արիսողոմ աղան նամակը ծալելու վրայ էր
տիկինը ներս մտաւ :

— Մեծապատիւ էֆէնտին սիրոյ բարեներ կը-
նէ եղեր ձեզի , ըստ եւ նամակով մը գիրքեր ներ-
կայացուց Արիսողոմ աղային որ նամակը բացաւ
եւ սկսաւ կարդալ .

« Մեծապատիւ էֆէնտի

Իմ մտքին ծնունդն եղող քերթուածները հրա-
տարակած ըլլալով արժան դատեցի անոնցմէ քա-
ռասուն օրինակ ձեզ զրկել : Կը յուսամ որ չնորհ
կընէք զանոնք ընդունելու եւ կերպով մը քաջալե-
րութիւն տալու ինձ որպէս զի միւս քերթուած-
ներս ալ քիչ օրէն հրատարակութեան տամ :

Խնդրելով որ ընդունիք իմ խորին մեծարա-
նաց հաւասարիքը , մնամ ձերդ մեծապատուութեան
խոնարին ծառայ (Արուագրութեան) »

Արիսողոմ աղան նամակը գոյեց եւ քովը դը-
րաւ :

Տիկինը գարձեալ ներս մտաւ :

— Մեծապատիւ էֆէնտին բարե՞ւ ըրած է
դարձեալ , հարցուց Արիսողոմ աղան :

— Ո՛չ , բեռնակիրներէն մէկը եկած է եւ կը-
րողէքը կուզէ :

Արիսողոմ աղան քսան դահեկան հանեց տը-
ւաւ :

Տիկինը գուրս ելաւ , գուռը գոյեց :

— Ընթերցատան մէկ անկիւնը քանի մը հոգի

նստած ընտրելի թաղականներու ցուցակը կը պատրաստէին ըստ Մանուկ աղա իւր պատմութեանը թեն ձեռք առնելով : Անոնք մեր կողմէն չեն եւ կաշխատէին որ իրենց ուզած կաշտուկիր մարդեւը թաղական ընտրեն :

— Տղուն մէկը եկաւ սա գիրքերը ձգեց գնաց ըստ տիկինը նորէն մանելով, Մեծապատիւ էֆէն-տին շատ բարեւ կընէ եղեր եւ այսօր կամ վաղի պիտի դայ եղեր զձեզ տեսնելու :

Տիկինը գրքերը սեղանի մը վրայ դրաւ ։
— Ի՞նչ ընեմ այսչափ գիրքերը, գրաւ պիտի ըլլամ ես : Չեմ ուզեր, ալ ասկից վեր ։
թէ բերող ըլլայ՝ մի՛ ընդունիր, Աբիսողոմ աղ հոս չէ ըսէ՛ եւ ճանրէ՛ :

— Ալ ալ չըլլար, դուն խմբագիրները չես ճանչար, անոնց մէջ կը գտնուին այնպիսիներ որ իմանան թէ իրենց ընկերներէն մէկուն լրաց առած ես եւ իրենցը չես առեր՝ վրադ կը յարգիրն առ չափած խօսքեր կընեն :

— Եթէ այնպէս է ընդունէ՛ որչափ լրաց դիր որ բերեն . Ի՞նչ ընենք, բռնվեցանք անգամ մը . եթէ գիրք բերեն մի՛ ընդունիր :

Տիկինը գլուխը ծուելով դուրս ելաւ :
— Թէպէտ եւ այդ մարդիկն իրենց ուզածները թաղական ընտրելու կաշխատէին, բայց իրենց մէջ ալ անմիաբանութիւն կար . ակնավաճառն իւր առաջին յաճախորդը կուզէր թաղական ընտրել, հառաջին յաճախորդը

յադործն կուզէր թաղական ընտրել այն մարդն ուրուն տունը օրը տասը հաց կուտար . դերձակն թաղական տեսնել կը փափաքէր այն երիտասարդն որուն վրայ շաբաթը երկու անգամ հագուստ կը ձեւէր եւ կը կարէր . համետագործը քուէ տալ կուզէր այն հարուստին որուն մէկ երկու համետ կը շինէր տարին . խմբագիրն իւր բրոր բաժանորդները թաղական խորհրդոյ մէջ տեսնել կուզէր . փաստաբանը իրեն շատ դատ յանձնողին քուէ կուտար . բըմիշին իւր ամենէն ծանր հիւանդին եւ գինեպանն ալ ամենէն շատ օղի եւ գինի խմողին կուզէր յանձնել թաղին գործերը : Ահա այսպէս իրենց մէջ . . .

Մանուկ աղան դարձեալ չկրցաւ շարունակել իւր պատմութիւնը, վասն զի ուրիշ հիւր մը ներս մանելով ընդհատեց անոր խօսքը :

Այս հիւրը մաքուր հազված երիտասարդ մ'էր, իւր կըր եւ ճերմակ դէմքը շրջանակված էր դեղինով խառն սեւ մօրուքէ մը որ շատ չէր վայլէր : Պատկերներ կան որ առանց շրջանակի աւելի դեղցիկ կերեւան . թէպէտ եւ կան ալ որ գեղեցիկ երեւալու համար շրջանակի կը կարօտին : — Եթէ բնութիւնը չարգիկեր կիներու շրջանակի մէջ անցունել իրենց դէմքերն՝ այսօր որչափ կիներ մօրուք պիտի ունենային : — Այս երիտասարդը ներս մանելուն պէս հանեց իւր սեւ եւ երկար գլխարկն եւ բարեւեց սենեակին մէջ գտնըվող երկու բարեկամները :

Մանուկ աղան անմիջապէս դուրս ելաւ բարս
Կութեամբ՝ մոմուալով .

— Այս տարիքն եկած եմ եւ ասանկ բան
գլուխս եկած չէր . թող չեն տար որ երկու խօսք
ընեմ, հազիւ թէ բերանս կը բանամ, մէջ կը կուգայ,
կսկսի խօսիւ եւ իմ խօսքս բերնիս մէջ կը մնայ :

— Աբիսողոմ աղա հրամանքնի՞դ էք, հարցուց
հիւրն բազմոցի վրայ նստելէն ետքը :

— Այս, ես եմ :

— Շնորհակալ եմ որ Աբիսողոմ աղան դուք
էք . ձեր գալուստը լրագրի մէջ կարդացի եւ շատ
ուրախացայ որ ազգերնուս մէջ ձեզի պէս աղնի
սիրո կրող ազգասէրներ պակաս չեն, վասն զի այն
աղդն որ ազգասէր չունի իւր մէջ՝ ազգ չէ :

— Այս :

— Փոխազարձաբար այն ազգասէրն ալ որ ազգ
չունի՝ ազգասէր չէ :

— Շիտակ է :

— Այս երկուքն իրարու հետ այնպիսի սերտ
կապակցութիւն մ'ունին որ իրարմէ բաժնելուդ
պէս՝ երկուքն ալ կը կորսըվին :

— Այնպէս է :

— Ազգ մը որ իւր աշխատաւորները չքաջա-
լերեր, աւելցուց հիւրն միշտ ծանր եւ լքջադոյն ե-
ղանակաւ մը, ազգերու կարդ անցնելու բնաւ ի-
րաւունք չունի :

— Հատ աղէկ կը խօսիք :

— Եւ երբ աշխատաւոր մը վարձքը չընդու-
նիր իւր ազգէն՝ բնականարար կը վճատի եւ երբեմն
կը խորհի երթալ ինքվինք ծովը նետել :

— Ատ տղայութիւն է :

— Ներեցէք, Արիսողոմ աղա, եթէ մեր այս
առաջին տեսութեանը քիչ մը համարձակ կը խօսիմ
ձեզի հետ :

— Հոդ չէ :

— Ծառադ վեց տարի Եւրոպա մնացած եմ
եւ բժշկութիւն սորված եմ :

— Աղէկ արուեստ :

— Գիշերները քունս ծախելով կարդացած ու
գրած եմ որպէս զի քաղաքս դառնամ եւ ազգիս
ծառայութիւն ընեմ :

— Մարդ ալ իւր ազգին ծառայութիւն ընելու
է :

— Երկու տարի է որ հոս կը գանըվիմ եւ մին-
չեւ այսօր հազիւ չորս հիւանդ նայած եմ . հասկը-
ցիր թէ ի՞նչպէս կը քաջալերվին հոս բժիշկները :

— Ցաւալի բան այս տեղացիները հիւանդ
ըլլարու սովորութիւն չունին :

— Ունին, բայց հոս հիւանդները ազգային
զգացում չունին, Հայաստանի վրայ գաղափար չու-
նին :

— Ի՞նչ կըսէք :

— Այս, երբ հայ մը հիւանդ ըլլայ՝ օտար աղ-
դէ բժիշկ մը կը բերէ իւր տունը առանց գիտնալու-

թէ հայու ցաւն հայը կարող է միայն բժշկել, առանց համոզվելու թէ օտարը չէ կարող հայու ցաւուն դարման ըլլալ : Այսօրուան օրս երկու հազարէն աւելի հայ բժիշկ կայ, ասոնց մէջէն հինգ զարէն աւելի հայ բժիշկ կայ, ասոնց մէջէն հինգ զարէն աւելի հատը, մասնաւանդ երկու երեք հատը պատուական կեանք կանցունէ եւ անդին մնացածը ամեն օր բերանը բաց կսպասէ որ հիւանդ մը ներկայանայ իրեն եւ ստակ առնէ :

— Գէշ վիճակ :

— Ի՞նչ ընեն ազգային բժիժկներն երբ ազգային հիւանդներն օտարներու կը դիմեն . . . ո՞հ, օտարասիրութիւն, օտարասիրութիւն, գոչեց սրժիշկն աչերն երկինք վերցնելով, ե՞րբ պիտի երթաս մեր քովին :

— Օտարասիրութիւնը աղէկ բան չէ :

— Մանաւանդ թէ բժիշկները քաջալերելու չափ հիւանդութիւն ալ չկայ մեր ազգին մէջ . եւ այն ազգին մէջ որ հիւանդութիւնը տարածված չէ պարապ բան է եւրոպայի բժիշկներուն չափ ճարտարապ բան յուսաւ . ինչպէս նաեւ այն ազգն բժիշկներ յուսաւ . ինչպէս նաեւ այն ազգն որու մէջ ընթերցասիրութիւնն տարածված չէ իւրաւունք չունի տաղանդաւոր եւ հանճարեղ հեղինակներ ունենալու . տաղանդն եւ հանճարն առանց քաջալերութեան կը մեռնին :

— Շատ իրաւունք ունիք :

— Չէք կարող երեւակայել, Աբխոզոմ աղա, թէ որչափ յուսահատած եմ, հազար անդամ զղջա-

ցած եմ, երկու հազար անդամ անէծք կարդացած եմ բժիշկ ըլլալուս համար, ուր էր թէ բժիշկ ըլլալու տեղ հիւանդ ըլլայի եւ . . . մեռնէի . մեր ազգին մէջ հիւանդութիւնը բժշկութենէն աղէկ է, վասն զի տղիտութիւնն գիտութենէն աւելի կը քաջալերվի . . . թեթեւութիւնը ծանրութենէն աւելի յարգ կը գտնէ, մոլիներն առաքինիներէն աւելի պատիւ կը վայելեն. ծմարիտ Աստուած, ուխտ ըրած եմ որ եթէ օր մը երեւելի ազգավիններէն հիւանդ մը նայիմ՝ անոր անունը լրագիրներու մէջ բարձրացունեմ :

Այս խօսքին վրայ Աբխոզոմ աղա արթնցաւ, այսինքն փառասիրութիւնն արթնցաւ : Ի՞նչ անուշ բան է թերութիւններ հաւաքել միամիտ մարդերու վրային : Խորամանկներն երբեմն վարպետութեամբ այնքան կը կեղծեն իրենց թերութիւններն որ անոնց հաւաքինները կը չուարեցնեն. վասն զի անոնք երբեմն միամիտ եւ երբեմն խորամանկ կը ձեւանան, ժամ մը տղէտ, ժամ մը գիտուն, մերթ անաչառ, մերթ աչառու, մերթ կեղծաւոր, մերթ անկեղծ, եւ երբ ազգային նշանաւոր, հանճարեղ եւ հերանոյշ Ծերենցը ասոնցմէ մին նկարագրելով անբնական անձ մը ներկայացնէ՝ ամեն կողմէ կը բարըվի թէ Ծերենցն տակաւին Մանուկենց է անձեր ստեղծելու արհեստին մէջ, թէ մի եւ նոյն անձին վրայ Ագամն եւ Նեռն, ստանան եւ հրեշտակն միջին եւ Հոմերոսն, Քարականն եւ իգականն միջին :

անդամայն կը ներկայացնէ : Ի՞նչ յանցանք ունի ձեր-
մակերես Ծերենցն երբ իւր ներկայացնելիք անձերն
խորամանկ են : — Ներեցէք, Արիսողոմ աղա եւ
Տէր բժիշկ եթէ ձեր խօսակցութիւնն ընդմիջեցի .
ի բնէ քիչ մը անհամբեր եմ . երբ խօսքին կարգը
գայ՝ չեմ կարող ինքզինքո բռնել , որչափ ալ այս
բնաւորութեանս պատիժը կրած ըլլամ եւ կրեմ —
Այո՛, Ծերենցն կը ներկայացնէ անձերն ոչ թէ ինչ-
պէս որ են այլ ինչպէս որ կերեւին . Ծերենցն այս
մասին որչափ ալ երկնցնէ իւր մազերն՝ իրաւունք
ունի , վասն զի ունինք հեղինակներ որք Ծերենցէն
աւելի երկար մաղ ունին եւ կը ներկայացնեն ի-
րենց անձերն ոչ թէ ինչպէս որ են , այլ ինչպէս որ
կուզեն իրենք որ ըլլան անոնք : Ասոր համար է որ
կին-հեղինակներն երբ Հայկ կամ Վարդան կամ Ար-
տաշէսներկայացնել ուղեն՝ վիքթօր Հիւկօյի խօսքերը
կամ Մոլթքէի կարծիքները կը դնեն ամոնց բերնին մէջ:
Ասոնք կը կարծեն թէ երբ Արամը իւր ժամանակին յա-
տուկ պարզութեանը մէջ ներկայացնեն՝ կը կորումնեն
իրենց տաղանդն , եթէ ունին , կամ կը վաստեն ի-
րենց հանձարին զոր ունենալ կը կարծեն , կամ ,
վերջապէս կը զրկվին այն համբաւէն զոր վաստիլ
կերպեն : Ո՞վ ըսած է այս ողբերգակներուն թէ
աւելի գտուար է մէկուն պատկերն ճշդութեամբ
նկարելն քան թէ երեւակայութեամբ անբնական
պատկեր մը գծելն . ո՞վ պօռացած է ասոնց ական-
ջըն ի վայր թէ նկարիչ մը պատկերներ ստեղծելու

ակսելէ առաջ՝ պատկերներ ընդօրինակելու է : — Ոչ
ոք : Եւ ո՞վ կը յանդգնի այս փափուկ ժամանակին
մէջ ուրիշի մը գործն անաշառաբար քննադատելու :
Մեր քննադատները , քիչ բացառութեամբ , ակնոց
ակնոցի վրայ կը դնեն գործի մը մէջ գեղեցիկ կը-
տորներ վնատուելու համար . վնատուելու համար եւ ոչ
թէ տեսնելու համար , վասն զի տեսնըված բանը
չփնտուվիր : Ասոնք բնաւ տարրերութիւն չունին
գրագննիչներէն որք ուեւ է հրատարակութեան մը
մէջ միայն տգեղ կտորներ կը վնատեն : Զեմ տե-
սած քննադատ մը որ տգեղ հրատարակութեան մը
կոկորդէն բռնէ , սղմէ եւ սպաննէ զայն : Սպան-
նելու չէ , գործ մը գեղեցկացնելու աշխատելու է
կրսեն , անոր գեղեցիկ կողմները ցոյց տալով միշտ
եւ տգեղ կէտերը հեռուանց ցցունելով խիստ քիչ
անդամ : Ո՛չ , պարոն քննադատներ , ո՛չ , իրաւունք
չունիք , սպաննեցէք տգեղ գործերն եւ վստահ ե-
ղէք որ պիտի գեղեցկանան անոնք : Մարդեր կան
որ կը գեղեցկանան՝ երբ մեռնին : Ես որ այսչափ
խստութեամբ կը խօսիմ ուրիշներու երկերուն
վրայօք՝ կը կարծէք թէ քաղցրութեամբ կը վարդիմ
հուրացիններուս անձերուն հետ՝ որոնց բերնէն ելած
խօսքերն միայն բառ առ բառ կը գրեմ հոս , առանց
իմ կողմէս կէտ մ'աւելցնելու յանդգնութիւնն ու-
նենալու : Բնաւ երբէք , մանաւանդ թէ կզգամ որ
իմ անձերս ալ ունին շատ թերութիւններ զրոս օր
մը պիտի հարուածեմ : Նոյն իսկ մեծ թերութիւն

մ'է որ պատմիչ մը իւր պատմութեան թելը կտրէ
եւ իւր ընթերցողներն երկու ժամ խնդիրէն դուրս
խօսքերով զբաղեցնէ : Բայց ի՞նչ ընեմ, այս թե-
րութիւնս իմ առաւելութիւնս է . վասն զի այս
թերութեանս չնորհիւ է որ կրցած եմ քանի մը ըն-
թերցողներու տէր ըլլալ, թերութիւն որ թերու-
թիւններ ուղղելու պաշտօնն ունի : Այսչափ բա-
ցարութիւն ալ թերութեանս համար : Դասնանք
ուրեմն մեր պատմութեան :

Արիսողոմ աղան ինչպէս ըսինք, ականջները
տնկեց երբ իմացաւ որ բժիշկն եթէ հիւանդ մը
գտնէ անոր անունն լրագիրներու մէջ պիտի հրա-
տարակէ . ուստի անմիջապէս տկարութիւն ունե-
նալ ուղեց :

— Աղէկ եղաւ որ, ըսաւ բժիշկին, այսօր հոս
եկաք, վասն զի քանի մ'օրէ ի վեր վրաս գէշու-
թիւն մը կայ :

- ի՞նչ կղղաք, հարցուց բժիշկը :
- Գէշութիւն մը կղղամ :
- Ո՞ր կողմէ :
- Ո՞ր կողմս :
- Այո՛ :
- Ամեն կողմս :
- Ախորժակդ ի՞նչպէս է :
- Աղէկ է :
- Կերածդ շուտ մը կը մարսես :
- Կը մարսեմ :

— Գիշերները հանդիսա կը քնանա՞ս :
— Շատ հանդիսա, բայց վրաս գէշութիւն մը
կղղամ :

- Գլուխդ երեմն կը ցաւի՞ :
- Այո՛ :
- Վրադ սանկ թուլութեան պէս բան մը . . .
- Ճիշդ :
- Երբեմն գողալ մը սանկ . . .
- Այո՛, այո՛, գողալ մը սանկ . . . (Քէսու-է)
- կեանքիս մէջ գողացած չունիմ :
- Դողալէն վերջը տաքութիւն մը . . .
- Տաքութիւն մը :
- Տաքութիւն վերջը քրտինք մը . . .
- Գրամինք մը :
- Առաւները լեզուիդ վրայ լեղիութիւն մը :
- Այո՛, լեղուխ վրայ լեղիութիւն մը :
- Հասկցայ . բան մը չէ կանցնի, ինքոնքդ
մսեցուցած ես :

— Ինձի ալ այսպէս կուգայ որ ինքզինքս մը-
սեցուցած եմ :

— Շատ բժիշկներ կան որ այս հիւանդութիւ-
նը չեն հասկնար, սխալ զեղեր կուտան ուրիշ հի-
ւանդութիւն կը հրաւիրեն :

- Ուրախ եմ որ դուք աղէկ հասկցաք, դեղ
մը սուէք որ շուտ մը անցնի :
- Բժիշկը ծոցէն հանեց ներմակալը կամ ուղրոնը
-երկուքէն որն որ ուղէք՝ կրնաք գործածել . ազատ

Էք նաեւ ոչ մին գործածելու եւ ոչ միւմն-թուղթ
մը քաշեց անոր մէջէն եւ մատիսով քանի մը բառ
գծելէն ետքը թուղթին վրայ՝ Արխողոմ աղային
տուաւ զայն ըսելով .

— Ասիկայ կարմիր ջուր մ'է . ժամը մէկ ան-
դամ կը խմէք անկից խահվէի գաւաթով . թէպէտ
եւ քիչ մը լեղի է բայց ազդու է :

— Շատ աղէկ :

— Մոռցայ հարցնելու թէ բնութիւնդ ի՞նչպէս
է :

— Բնութիւնս . . . շիտակը խարդախ մար-
գերէն չեմ ախորմիր , ամենուն հետ աղէկ կը վար-
վիմ . . . :

— Ամեն առաջու դո՞ւրս կելլաք , հարցուց թը-
ժիշկն խօսքին ձեւը փոխելու ստիպվելով :

— Հոս գալէս ի վեր երկու առաջու դուրս չը-
կրցի ելնել :

— Իրա՞ւ կըսէք :

— Սուտ խօսելու ի՞նչ պարտք ունիմ :

— Ուրեմն դեղ մ'ալ դրեմ :

— Բժիշկը դեղագիր մ'ալ գրեց եւ Արխողոմ ա-
ղային առաւաւ :

— Նախ այս դեղը պիտի առնես , ըսաւ թը-
ժիշկն որպէս զի վաղը առաջու դուրս ելնես եւ
վերջը միւս ջուրը պիտի խմես :

— Եթէ այս դեղէն խմեմ՝ վաղը առաջու ան-
պատճառ դուրս կընա՞մ ելնել :

— Այո՛ , անպատճառ :

— Աս ի՞նչ աղուոր դեղ է . . . հապա թէ որ
դարձեալ հիւրեր գան եւ զիս խօսքի բռնեն :

— Հիւրերդ ի՞նչ վեաս ունին :

— Ի՞նչպէս վեաս չունին , երկու առաջու է որ
դուրս ելնել կուզեմ եւ թող չեն տար , կուգան
երկու ժամ գլուխ կը ցացունեն : Բայց վաղը առ-
տու անպատճառ պիտի ելնեմ , վասն զի պատկերս
քաշել պիտի տամ :

— Բժիշկը դարձեալ հարցման ձեւը փոխեց հար-
ցնելով .

— Փորդ ի՞նչպէս է :

— Ամենուն փորին պէս փոր է :

— Պի՞նդ է :

— Ո՞վ գիտէ . . . իրաւ որ օր մը օրանց հե-
տաքրքրութիւն ունեցած չեմ հասկնալու համար
թէ պի՞նդ է թէ ոչ , ո՞վ պիտի նայի անանկ բա-
ներու :

— Արխողոմ աղա , ամեն օր մեծ գործ կընէ՞ս ,
հարցուց վերջապէս բժիշկը ճարը հասնելով :

— Այո , այո , ամեն օր մեծ գործ կը տեսնեմ :

Ո՞վ մեծագործութիւն . . . :

Ո՞վ մեծախօսութիւն . . . :

— Շատ լաւ , պատասխանեց բժիշկն , ես վա-
զը առաջու նորէն կուգամ ձեղ տեսնելու :

— Կըլլայ :

— Մնաք բարով , հոգ մի ընէք , ձեր տկարու-
թիւնը քանի մը գեղով կանցնի :

— Ծնողհակալ եմ։
Բժիշկն գլխարկն առնելով մեկնելու վրայ էր
երբ Արխողոմ աղան ըստ անոր։
— Գրելիքդ չմոռնաս ։
Բժիշկը խորհիլ սկսաւ թէ ինչ էր գրելիքը եւ
շուտ մը յիշելով պատասխանեց։
— Այս, այս, միտքս է, լրագրի մը մէջ պիտի
գրեմ ձեր անունը : Մնաք բարով։
— Երթաք բարով։

Բժիշկը մեկնելուն պէս Արխողոմ աղան ըստ
ինքնիրեն։

— Վախցայ որ բժիշկը կըսէ թէ և դուն հիւանդութիւն մը չունիս » եւ շինծու հիւանդ ըլլալը յայտնի կըլլայ . բայց պարապ տեղը վախցած եմ, վասն զի անփկայ ոչ թէ միայն չհասկցաւ հիւանդ չըլլալս այլ ըստ նաեւ թէ քանի մը դեղով կանցնի հիւանդութիւնդ : Ե՞ն, պարոն բժիշկներ, դուք բան մ'ալ չէք հասկնար, եւ մամս իրաւունք ունէր բնաւ բժիշկ չկանչելու : Ես բան մը չունիմ Տէր բժիշկ, շարունակեց, անունս լրագրի մէջ գրել տալու համար հիւանդ եղայ . . .

Այս վերջին խոստովանութիւնը քիչ մը խենդութիւն երեւցաւ Արխողոմ աղային որ խզմը-տանքը հանդարտեցնելու համար ըստ ինքնիրեն .

— Լսողն ալ պիտի կարծէ թէ հիւանդ չեմ եւ շինծու հիւանդ եղած եմ, քանի մ'օր ի վեր է որ անհանգստութիւն մ'ունիմ, ոչ կրնամ ուտել եւ ոչ

քնանալ, հաղ մ'ալ ունիմ որ գիշերները չքնացներ վլա :

Ո՞վ փառասիրութիւն, իրա՞ւ է որ դուն երբեմն խելացիները խենդ եւ խենդերը խելացի կընես . . .

ԹԱ.

Արխողոմ աղան բերանը քիչ մը բան գնելու համար վար իջաւ . բայց երբ տեսաւ որ քանի մը հողիներ նոր եկած էին զինքը տեմնելու՝ անոնց ձեռքէն խալինելու համար տունէն դուրս ելաւ . եթէ այսպէս չընէր եւ ամեն այցելութիւններն ընդունելու ըլլար՝ ժամանակ պիտի չունենար ոչ ուտելու ոչ քնանալու եւ ոչ արթնալու :

Արխողոմ աղան դեռ Պօլիս չեկած՝ իմացած էր թէ Բերա Գաղղիական ճաշարան մը կար եւ երեւելի մարդերը հոն կերթային ճաշելու . ուստի տունէն դուրս ենելուն պէս միտքը դրաւ յիշեալ ճաշարանն երթալու :

Հաղիւ թէ քանի մը քաղլ առաւ՝ յիսուն տարեկան նիւար եւ պատուած հագուստներով մէկը զէմն ելաւ .

— Կարծեմ Արխողոմ աղա հրամանքնիդ եք :

— Այս, ես եմ :

Քանի մը վայրկեան ձեզի հետ տեսնը կը փափաքէի :

— Եյ :

— Նոր եղանակով նոր դասագիրքեր հանած եմ, անոնցմէ հարիւրի չափ ձեզի տալ կուզէի. ներեցէք համարձակութեանո. ինչ ընենք, այս համարձակութիւնը մեզի տուողն ազգն է որ չը քաջալերեր իւր դասատուներն եւ թող կօւտայ որ անոնք խեղճ վիճակի մէջ ապրին. ահ, եթէ այսօր դասագիրքերը չկարենամ քշել տպարանապետը բանոը պիտի դնէ զիս. դեռ տպագրութեան եւ թուղթի ծախքը վճարած չեմ իրեն եւ ամեն օր կսպառնայ ինձի :

— Դասագիրքն ի՞նչ պիտի ընեմ ես.

— Ձեր բարեկամներուն կուտաք. կաղաչեմ, խնդիրքս մի՛ մերժեր. վեցական դահեկանէն վեց հարիւր դահեկան կընէ եւ այդ գումարն ալ ձեզի համար մեծ բան մը չէ :

— Դաղղիական ճաշարանն ո՞ր կողմէն կերթըլի :

— Ասկից կերթցվի, սիրով կառաջնորդեմ ձեզի հոն :

— Շնորհակալ կը լլամ :

— Կը քալենք եւ կը խօսինք : Դասատուներն աղդին ծառայները համարուած են եւ ամենուն երեսէն ինկած, մինչդեռ անոնք աղդին տէրերն են: Աղդ մը անոնցմով առաջ կերթայ : բայց ի՞նչ

օդուտ, մեր մէջ քաջալերութիւն չկայ : Դասատու մը այսօր դպրոցի մը պաշտօնի կը կոչվի եւ քանի մ'օրէն կը ճանրվի, վասն զի հոգաբարձուներէն մէկուն գեանէն բարեւ չէ տուեր : Եթէ քանի մը ամիս պաշտօն վարէ եւ ամսական ուղէ՝ կը վորնտվի ամսական ուղած ըլլալուն համար, եւ միշտ սա խօսքերը կը լսէ . «Ազգին ստակովը կապրիք, ազգին վրայ բեռ եղած էք, զայցէ՛ք, կորսրվեցէ՛ք» : Ահ, Աքիսողոմ աղա, չէք գիտեր թէ ինչ կը քաշեն Պօլսոյ դասատուները . ինեղճութեան զէնիթը բարձրացած են . չեմ կարծեր որ ասոնք իմանալէն ետքը դասագիրքէս հարիւր օրինակ չառնէք :

— Այդ ճաշարանն ասկից շատ հեռու է :

— Չէ, մօտեցանք : Միայն դասատուները չեն որ այս վիճակի մէջ են . խմբագիրները, հեղինակները, տպարանապետները, գրավաճառներն, վերջապէս անոնք որ գիրքով կը բաղին՝ թշուռառութեամբ կը բաղին Յառաջադիմութիւն կը պօռանք եւ ետ ետ կերթանք եւ լրյա կը պօռանք եւ դէպի ի խաւար կերթանք, աջ կը կոչենք եւ դէպի ի ձախ կերթանք . ապագայ կը սենք եւ դէպի ի անցեալ կը վագենք . ոհ, մեծ մեծ խօսքեր, իսկ մեծ գործ . . .

Ո՞հ մեծագործութիւն . . .

Ո՞հ մեծախօսութիւն . . .

— Կերակուրներն ինչպէս են այն ճաշարաննեն:

— Աղէկ են . Հարիւր դասագիրքը տունը դրոկեմթէ . . . :

— Պատաւիանը քանի մ'օրէն կուտամ ։ ։ ։
Երկու բանակիցներն խօսելով հասան ճաշա-
ռանին առջեւ ։

— Հրամեցէ՛ք, մտէ՛ք, Արխողոմ աղա :
Արխողոմ աղա կը մանէ ճաշարան եւ չորս կող-
մը հայելիներէ ուրիշ բան չտեսնելով

— Այսալ եկանք, կըսէ, հոս հայելի կը ծախեն ։
— Չէ, չէ ։
Երկու բարեկամներն կը նստին սեղանի մ'առ-
ջեւ ։

Մանչուկը կը բերէ կերակուրներու ցուցակը :
Արխողոմ աղա թուղթը կառնէ, վրան կը նաօթ,
կը դարձունէ, ետեւի կողմն ալ կը նայի եւ սեղա-
նին վրայ կը դնէ ։

— Ի՞նչ պիտի ուտէք, կը հարցունէ դասա-
տուն ։

— Միսոլ կերակուր կուտեմ ես ։
Դասատուն մանչուկը կը կանչէ եւ կերակուր
կապսպէ թէ Արխողոմ աղային համար եւ թէ ի-
րեն համար ։

— Ոհա այսպէս, Արխողոմ աղա, դասատու-
ներուն այս վիճակը լսելով չե՞ս ցաւիր ։

— Չցաւիլն ալ խօսք է ։
— Կը վայլէ՝ աղգի մը այսպէս մուրացկանի պէս
պարեցնել իւր վարժապետները ։

Չը վայլեր ։
— Եթէ կուզէք՝ գիրքերն այս գիշեր տունը ձգեմ

— Հիմակու հիմայ թո՛ղ մնայ, ուրիշ օր մը կը
խօսինք ատոր վրայ ։

Մանչուկը կերակուրները կը բերէ ։ Արխողոմ
աղան երեսը խաչակինքելով՝ երկու պատառ կընէ եւ
կը կլէ իրեն բերված խորոված միսը ։ ետքը բա-
րեկամն դառնալով կըսէ ։

— Կտոր մը միտով մա՞րդ կը կշտանայ ։ զրու-
ցէ սա անպիտանին որ քիչ մը շատկէկ բերէ ։

Մանչուկը կը կանչի եւ բէլշէ կապսպրիփ ։

Այս միջոցին միջահասակ եւ գիրուկ երիտա-
սարդ մը կը մանէ ճաշարան ի ձեռին ունենալով
ծրար մը եւ ուղղակի Արխողոմ աղային առջեւ կու-
ցայ ։

— Կարծեմ, կըսէ, Արխողոմ աղան տեսնեւ
լու պատիւը կը վայելեմ ։

Արխողոմ աղա բան մը չհասկնալով նոր եկո-
ղին երեսը կը նայի անբարըառ ։ Գովի բարեկամն
ալ ձայն չհաներ ։

— Կարծեմ, կը կրկնէ, այն մեծ մարդուն առ-
ջեւը գոնվելու բարեկախոտոթիւնն ունիմ որ մայ-
րաքաղաքս եկած է մեկնասա անուանսիւը համար ։

Արխողոմ աղան որ այս ձեւերուն տեղեակ
չէր՝ գոալը կառնէ եւ կսկսի ուտել բէլշէն զոր նոր
բերած էր մանչուկը ։ Սեղանակիցն ալ նոր գրա-
գէտի մը գալն իր գործոյն արգելք համարելով չու-
ղեր անոր պատասխանել ։

— Կարծեմ, կերեքինէ, այդ աղնիւ անձին
8

Քովը գտնվելու բախտը կը վայելեմ որուն անունը
քանի մը օր առաջ լրադրի մը մէջ կարգացի :

Արիսողոմ աղան որ բէլ-լով կղրաղէր՝ դար-
ձեալ պատասխան չտար եւ նոր եկողը կստիպուի
պարզել իւր խոսքն ըսելով .

— Արիսողոմ աղան հրամանքնիդ էք կար-
ծեմ :

— Այո՛, ես եմ :

Նոր եկողն աթոռ մը կառնէ եւ կը նստի :

Մանչուկը կուգայ հարցնելու վերջէն եկողին
թէ ի՞նչ կուղէ ուտել :

— Եղի մէջ հաւկիթ, կը պատասխանէ ձեռ-
քի ծրարը քովի աթոռին վրայ դնելով :

Արիսողոմ աղան բէլ-խն ալ կը հատցունէ եւ
կասկարացի ձուկ կապսպէք :

— Ե՞ն, Արիսողոմ աղա, կըսէ նորեկը, մեծ
պատիւ, մեծ բախտ կը համարիմ բնձի ձեզի պէս
բարեսիրտ անձի մը սեղանակից գտնըլիս : Ծա-
ռադ, աղգային գրադէտներուն ամենէն յետինն եմ,
զրեթէ քիչ մ'ալ բանաստեղծ եմ . քանի մը ողբեր-
գութիւններ զբած եմ եւ կուղեմ որ անոնց իւ-
րաքանչիւրէն քանական օրինակ ձեզի նուեր ը-
նեմ . . .

— Օ՛օօ, Արիսողոմ աղա, կըսէ երրորդ մը
խնդում երեսով Արիսողոմաղային մօտենալով, բա-
րի եկած էք :

— Բարի տեսանք :

— Ես աղգային փաստաբաններէն եմ եւ ձեր
գալն լսելով փութացի իմ խոնարհ յարգանքներս
ձեզի մատուցանել եւ միանգամայն յայտնել թէ ձեր
դատերն ինձի յանձնէք :

— Ես դատ չունիմ :

— Եթէ դատ չունիք՝ ինչո՞ւ ուրեմն եկաք հոս,

— Ուրիշ գործի մը համար :

— Անկարելի է որ ձեզի պէս մարդ մը դատ
չունենայ. ոչ միայն անկարելի է այլ անպատճու-
թիւն ալ է. ձեզի պէս մէկը հարիւրներով դատեր
ունենալու է եւ ձեր չնորհիւ քանի մը փաստաբան-
ներ ապրելու են: Եթէ զուք դատ չունենաք՝ ան-
դին աղքածը պիտի ունենայ:

— Մէկու մը հետ դատ չունիմ :

— Զարմանալի բան. մէկու մը դէմ դատ բա-
նալու ալ միաժք չունիք:

— Բնաւ, դատ բանալու պատճառ մը չունիմ :

— Դատ բանալու համար անպատճառ պատ-
ճառ մ'ունենալու է. մէկու մը դէմ դատ կը բա-
նաք կը լմնայ կերթայ:

— Ե, ի՞նչ կը շահիմ :

— Դուն չես շահիր, բայց փաստաբանդ կը
շահի, քեզի համար աղօթք կընէ: Մեծ մարդերն
հիմայ այդպէս կընեն. փաստաբաններն ապրեցնե-
լու համար իրենց զէմն ենողներուն դէմ պատոյ
դատ կը բանան:

— Ես անանկ խայտառակութիւններ չեմ սի-

րեր :

— Ես կատակ ըրի, Արիսողոմ աղա . բայց կա-
տակը մէկդի գնենք եւ լըջօրէն խօրինք, ըստ
փաստաբանը ծանր կերպարանք մ'առնելով. լսե-
ցի որ շոգենաւուն մէջ մէկու մը հետ քիչ մը ա-
ռեր տուեր էք եւ այն մէկը ձեր պատույն գէմ
ծանր խօսքեր ըրեր է :

— Ամենեւին :

— Թէ դուք ալ անոր քանի մը խօսք ըրեր
էք . . .

— Բնաւ :

— Թէ վերջը ծեծկըւուքի ելեր էք . . .

— Անանկ բան մը բնաւ եղած չէ :

— Թէ դուք անոր գլխուն դարկեր էք . . .

— Սուտ է :

— Թէ անիկայ ալ ձեզի ապտակ մը տուեր է . . .

— Բոլորովին սուտ :

— Թէ երրորդ մը մէջ մտեր է . . .

— Երկրորդ չկայ որ երրորդ ըլլայ :

— Թէ քու թեւէդ քաշեր է . . .

— Ախալ :

— Թէ անոր ալ ձեռքը բոներ է . . .

— Սուտ :

— Թէ ասանկով զձեզ բաժներ է . . .

— Բնաւ տեղը չկայ :

— Թէ դուք այս բաժանումէն գո՞ չըլլալով
դատ բանալ ուզեր էք :

— Որչափ սուտ :

— Թէ վարպետ փաստաբան մը վիճակի էք . . .

— Ամենն ալ սուտ :

— Թէ զիս կանչել տալ ուզեր էք . . .

— Ամենեւին :

— Որպէս զի ձեր դատը պաշտպանեմ. եւ ես
ասոր համար եկայ :

— Ատանկ բան մը չկայ :

Այս խօսակցութեան միջոցին երկու երեք հո-
գի եւս կուգան ամենն ալ Արիսողոմ աղային կամ
զիրք նուիրելու կամ լրագրի մը բաժանորդ գրե-
լու գիտաւորութեամբ եւ այս ամենը պատուական
ձաշ մ'ալ կընեն իրենց առաջարկութիւնները ներ-
կայացնելով :

Արիսողոմ աղան հազար անէծք կարդալով ձա-
շարան եկած ըլլալուն վրայ՝ մանչուկը կը կանչէ
եւ հաշիւը կուզէ :

Մանչուկն անմիջապէս կը բերէ հաշիւն որու-
գումարն էր քառասուն ֆրանք զոր տաճկերէն զը-
րամի կըթարգմանեն եւ կըսին Արիսողոմ աղային
հարիւր եօթանասուն եւ վեց գահեկան :

— Հարիւր եօթանասուն եւ վեց գահեկան . . .
ես այնչափ բան չկերայ :

— Այս, զուք չէերաք, բայց ձեզի եկող հիւ-
րերն ալ կերան, ըստ փաստաբանն որու կը վե-

բարերէր այս դատին պաշտպանութիւնը :

— Երաւ որ մեծ պղտիկութիւն եղաւ որ Ա-
բիսողոմ ազան վճարէ մեր ձաշը , ըստ մին :

— Այո , ես ալ շատ ամօթով մնացի , մեր
պարտականութիւնն էր անոր կերակուր հրամցնելն ,
կրկնեց երկրորդ մը :

— Ներեցէք մեր անքաղաքավարութեանն , ը-
ստ չորրորդ մը , ուրիշ անգամ մենք ձեզի կը հը-
րաւիրենք ձաշի :

Աբիսողոմ աղան առանց պատասխանելու ըս-
տակները համբեց եւ ձաշարանէն գուրս նետեց ին-
քըզինքը որոշելով որ մէյ մ'ալ ձաշարան չմտնէ :

Ժ.

Հետեւինք ուրեմն Աբիսողոմ աղային՝ որմէ
վայրկեան մը չրաժնըվացանք մինչեւ հոս եւ ըած-
նըվեիք ալ չունինք մինչեւ պատմութեանս վախ-
ճանը ; Աղնիւ ընթերցողն մինչեւ հոս տեսնելով գը-
րեթէ միօրինակ տեսարաններ , որք բնաւ յարա-
բերութիւն չունին իրարու հետ , քանի մը անգամ
մոքէն անցուց անշուշտ թէ ինչու միայն Աբիսո-
ղոմ աղային օձիքը ըստեր կերթանք եւ միւս ան-

ձերն՝ անգամ մը ներկայացնելէն ետքը , բոլորովին
կը մոռնանք : Այս պակասութիւնը , եթէ երեք
պակասութիւն է , մեր վրայ գրելու չէ այլ նիւթին
բնութեանը : Ամեն նիւթ բնութիւն մ'ունի : Նիւթ
կայ որուն բնութիւնն է լալ նիւթ կայ որուն բնու-
թիւնն էխնդալ . նիւթ կայ որուն բնութիւնն է հա-
մոզել . նիւթ կայ որուն բնութիւնն է յուզել . դարձեալ
նիւթ կայ որուն բնութիւնն է արձակ ինչպէս նա-
և կայ որուն բնութիւնն է ոտանաւոր . վերջա-
պէս նիւթ կայ որուն բնութիւնն է կրկնութիւն . . .
Խրաքանչիւր նիւթ իրեն յատուկ ընդհանուր բն-
ութեանէն զատ ունի նաեւ մասնաւոր բնութիւն-
ներ : Եւ որովհետեւ մենք հոս ձարսասանութեան
դաս տալու պաշտօն չունինք , համառօտիւ մեր
միտքը բացատրենք եւ անցնինք . Մոլիէրի Մէշնն-
քն ալ կատակերգութիւնն է լէ ֆաշէն ալ , բայց
ասոնց իրաքանչիւրն իրարմէ այնքան տարեեր
մասնաւոր բնութիւններ ունին որ Մոլիէր չէր կա-
րող լէ ֆաշէի տեսարաններով Մէշննքն մը շինել
ոչ ալ Մէշննքն տեսարաններով լէ ֆաշէն գրել :
Կարծեմ կրկնութիւնն է ըսել թէ ես ալ ուրիշ վե-
պերու տեսարաններով չէի կարող գրել Մէշննքն
Մուրացիւններու որոնց բնութիւնն է աներեւոյթ ըլ-
լալ , Աբիսողոմ աղային անգամ մը ներկայանալէն
ետքը : Կը խոստովանիմ որ եթէ սոյն նիւթը Ովրա-
տիս առնէր՝ երգիծանք մը կը մինէր եւ եթէ Մո-
վեր ձեռք անցունէր՝ կատակերգութիւն մը կը յօ-

ըինէր . բայց մենք՝ որ ապրելու պէտք ունինք , ստիպված ենք ժամանակին յարմարիլ , շատ անդամ բանեացնէն բաճկոն եւ երգիծանքէն վեպ վենելով : Այս համառօտ բացատրութենէն ետքը դառնանք Արխողոմ աղային :

Արխողոմ աղան , ինչպէս կը յիշէ ընթերցողն , տուն դարձաւ շարունակելով իւր բարկութիւնն զրո զգացած էր ճաշարանի մէջ ունեցած ինքնահաւելէր սեղանակիցներուն վրայ : Տուն դառնալուն պէս իմաց տրվեցաւ որ քսանի չափ նամակներ զրկված էին իրեն : Վեր ելաւ , նամակները մէկիկ մէկիկ բացաւ , կարդաց , պատռեց եւ գետինեց : Սենեակին մէջ քսանի մը անդամ դառնալէն ետքը յանկարծ կանդ առաւ եւ պօռաց .

— Ասոնք զիս քթէս բոնելով կողոպտել կուզգեն : Սա քաղաքը գալէս ի վեր վայրկեան մը ինք իր գլխուս չմնացի . հաղիւ մէկը կերթայ , միւսը կուգայ , ստակ կուզէ , ես աս տեղ ամենուն ստա՞կ տալու համար ելայ : Ի՞նչ աներես մարդեր են . . . այսչափ աներեսութիւն ո՞չ լսված բան է ոչ ալ տեսնըլած : Եթէ վոնտեմ ըսես՝ ո՞ր մէկը վոնտելու է , ո՞ր մէկուն համելու է , օրականով չորս հինգ հոգի վարձելու է որ ուրիշ գործ չունենան , միայն եկողները վոնտեն . . . Եթէ վոնտելու ելնես՝ այն ատեն ալ ըոլոր քաղաքին մէջ պիտի բամբասեն զիս ըսելով թէ՛ անքաղաքավար մարդ է , թէ՛ ստակ չունի . չեմ ալ ուղեր որ վրաս գէշ խօսվի . . . աս

ինչ փորձանք եկաւ զլուխս Տէր Աստուած . . . բարով խերով ոտք չկոխէի սա քաղաքը : Գլուխ ենելու բան չէ , շուտառվ աղջիկ մը գտնելու է , շուգենաւ մտնելու եւ փախչելու է . ասոնք պիտի սրնանկացնեն մարդը . . . : Քաշվելու բան չէ սա

. . . ճաթելու բան է . աշխատէ , արիւն քրտինք թափէ , քիչ մը ստակ վաստկէ՛ եւ հոս եկուր վարժապետներուն բաներուն ցրուէ , ուր լսված բան է աս . . . :

— Կարծեմ այս իրիկուն բարկացած էք , ըստ Մանուկ աղան սենեակին դուռն կամացուկ մը բանալով եւ ներս մտնելով :

— Բարկութիւնն ալ խօսք է . իմ տեղս եթէ ուրիշ մը ըլլար՝ մինչեւ հիմայ բարկութենէ ճաթած էր :

— Ի՞նչ եղաւ հոգիս :

— Ի՞նչ կուզես որ ըլլայ , վայրկեան մը հանգիստ չեն թողուր , տուն կը նստիմ , վրաս կը թափշիմ ստակ կուզեն . փողոց կենեմ չորս կողմս կը պաշարեն ստակ կուզեն . ճաշարան կերթամ , բուլրափս կը շարին ստակ կուզեն եւ ես ասոնց ձեռքէն խալսելու համար տունէն փողոց , փողոցն ստուն կը վազեմ : Կազաչեմ , ասոնց ձեռքէն խալսելու համար ո՞ր ծակը մտնեմ , ըսէ՛ ինձի :

— Իրաւունք ունիս . ես չեմ հասկնար , ինձի ալ թող տուի՞ս որ սա թաղականին գործը պատմեմ :

— Քսան նամակ դեռ հիմայ պատռեցի :

— Ի՞նչ ըսած էին այդ նամակներու մէջ :

— Ըսած էին թէ հետո գալ կուզեին տանս
մէջ վարժապետութիւն ընելու համար, թէ գիրք
մը ինձի պիտի նույիրեն եղեր եւ ասոր համար քսան
ուսկի տալու եմ եղեր, թէ լրագրի երկու բաժա-
նորդ գրվելու եմ եղեր . թէ . . . ի՞նչ զիանամ, ո՞ր
մէկը համրեմ, ո՞ր մէկն ըսեմ, զիմանալու բան չէ :

— Անոնք ալ աղքատ են խեղճերն, ի՞նչ ընեն :

— Ապրելու համար թո՛ղ ուրիշ գործ մը փրնտ-
ուեն, արհեստ մը սորվին, վերջապէս ընեն ինչ որ
կուզեն, ես ի՞նչ յանցանք ունիմ որ կուզան գլու-
խը կը թափվին եղբայր, ունեցածս չունեցածս
հանեմ անո՞նց տամ :

— Ի՞նչո՞ւ անոնց տաս :

— Մարդու քիչ մ'ալ ամնալու է . . . չճան-
չած մարդուս երթամ եւ բարեւ, Աստուծու բարին,
ինձի ստակ տուր ըսեմ . . . դուն կրնա՞ս ըսել :

— Աստուծ ան օրը չցցուցնէ :

Սենեակին դուռը նորէն բայցվեցաւ եւ քսանը
հինգ տարեկանի մօտ միջանասակ պատանի մը դող-
դոջուն քայլերով ներս մտաւ եւ նամակ մը յանձնեց
Արխողոմ աղային որ նամակը չբանալով հարցուց
բարկութեամբ .

— Ի՞նչ կուզես մարդ :

— Մէջը զրգած է պատասխանեց պատանին
թոթովելով :

— Դուրսը մէջը քեզի ըլլայ, Բնչ կուզես, ը-
սէ :

— Վալլ իրիկուն ներկայացումմը պիտի տամ
իմ հաշոյս համար եւ ձեր աղնուութեան օթեա-
կի մը տուսակ բերի :

— Ես չեմ ուզեր պատասխանեց Արխողոմ ա-
զան, նամակն պատանւոյն երեսը նետելով :

— Բոնութեամբ գործ ալ չըլլար, ըսաւ Մա-
նուկ աղան :

— Տասը տարիէ ի վեր, ըսաւ պատանին, թա-
տերական բերմն վրայ կը քաւեմ . . .

— Թո՛ղ նստէիր, աղուաց Արխողոմ աղան :

— Եւ ազգին ծառայութիւն կընեմ :

— Աղյութիւն ընէիր թո՛ղ, ինչուս պէտք ի-
մին, ատոնք պարապ խօսքեր են :

— Իրաւոննք ունի, ատոնք պարապ խօսքեր
են կրկնեց Մանուկ աղան :

— Տասը տարիէ ի վեր է որ բարոյական զպո-
ցի մէջ ազգին վարժապետութիւն կընեմ:

— Ի՞նչ փոթ ինձի .

— Ի՞նչ փոյթ անոր, արձագանք տուաւ Մա-
նուկ աղան :

— Եւ իրաւունք ունիմ, կարծեմ, ինձի համար
տրվելիք ներկայացման ձեզի պէս աղնիւ մէկն ալ
հրաւիրել :

— Ես պէտք չունիմ :

— Ան պէտք չունի, կրկնեց Մանուկ աղան :

— Եթէ դուք օթեակ մը չէք ընդունիր , որու ուրեմն տամ օթեակի տոմսակներն :

— Ուր ուզես հոն տար , ատ իմ խառնըվելու բանս չէ :

— Ատ իր խառնըվելու բանը չէ տղաս , ըստ Մանուկ աղան :

— Կաղաչեմ մի մերժէք այս տոմսակն , եթէ մերժելու ըլլաք՝ զիս փողոցներու մէջ խայտառակ ընելու պատճառ պիտի տաք :

— Գնա՛ բանդ , ես ձանձրացայ այդ տեսակ խօսքեր մտիկ ընելէ :

— Ան ձանձրացաւ այդ տեսակ խօսքեր մտիկ ընելէ , յարեց Մանուկ աղան :

— Ահ , եթէ ասկից ճեռնունայն ետ դառնամ՝ իմ մահս պիտի տեսնեմ :

— Քեզ մտիկ ընելու ժամանակ չունիմ :

— Քեզ մտիկ ընելու ժամանակ չունի , ըստ Մանուկ աղան :

— Մէկ ոսկիի բանէ , ընդունեցէք զայն , կազաչեմ մեծ յուսով եկած եմ հոս , պարապ ետ մի դարձունէք զիս :

— Դուքս ե՛լ , գնա՛ , Աստուածդդ սիրես , քե՞զ մտիկ պիտի ընմանք հոս :

Սենեակին դուռը նորէն բացվեցաւ եւ մազերու մէջ ճերմակ ինկած՝ յիսունը անցած մարդ մը ներս մտաւ յանկարծ եւ իւր խօսքերն Արիմողում աշային ուղղելով ,

— Զե՞ս խայիր գուն , հարցուց :

— Ինչո՞ւ պիտի խայնիմ , պատասխանեց Արիմողում աղան շուարելով :

— Ինչո՞ւ խեղճ տղան երկու ժամէ ի վեր հոռ կսպասցունես :

— Ո՞վ կսպասցունէ , ո՞վ կուզէ որ սպասէ , կը վրնտեմ չերթար :

— Կը վրնտես , բայց առանց մէկ ոսկի պարտք տալու :

— Ո՞վ պարտք ունի անոր :

— Դուն ունիս . եւ եթէ ան չըսէր ինձի թէ քեզմէ առնելլիքն այս իրիկուն պիտի առնէր եւ ինչ քեզմէ առնելլիքն այս իրիկուն պիտի տար՝ ես չէի տպեր աչդ տոմսակներն եւ ձի պիտի տար՝ ես չէի տպեր աչդ տոմսակներն եւ ներկայացման աղղերը : Երկու ժամէ որ վարը զըս րան առջեւ կսպասեմ որ իջնայ եւ պարտքը տայ եւ դուն հոս կը խաղցունես խեղճ :

— Աս ինչ է , ես անոր պարտք ունենամ . . . ամենեւին . . .

— Ամենեւին , ըստ Մանուկ աղան :

— Ես անպատճառ առնելլիք ունիմ չըսի քեզի պարոն տպարանապետ , ըստ դերասանը , այլ ըսի թէ օթեակի տոմսակ մը պիտի տամ , ոսկի մը պիտի առնեմ :

— Ինչո՞ւ ուրեմն խաբեցիր զիս ստախօս :

— Որպէս զի ծանուցումները ետ չմնան :

— Ես քու խաղալի՞կ եմ :

— Ան քու խաղալի՞կ է , ըստ Մանուկ աղան :

— Ի՞նչու խաղալիկս ըլլաս :
 — Թշուառական, խայտառակ, անամօթ, աներե՛ս . . .
 — Ատոնց ամենն ալ դու ես :
 — Դու ես :
 — Ես չեմ, դու ես :
 — Ես չէ, ուսի վրայ ծեծկըւուք մը կը ծագի գերասանին եւ տպարանապետին մէջ տեղ եւ Արիսողոմու Մանուկ աղաները մեծ դժուարութեամբ կը յաջողին զանոնք իրարմէ բաժնել :
 — Վար իջէք, պօռաց, Արիսողոմ աղան զանոնք զատելէն հոքը, վար իջէք եւ հոն կոռւեցէք :
 — Դուն մեր կուոյն խառնըլլու ինչ իրաւունք ունիս . գուն զիս չես կրնար վոնտել, ես առնելիքը կուզեմ եւ ինձի պարտական եղողն ուր որ գանեմ հոն կրնամ մանել :
 — Դուն վար իջիր, ըսաւ գերասանին Արիսողոմ աղան :
 — Ի՞նչպէս իջնամ, տեսար որ աչքիդ առջեւ ինչեր ըրաւ :
 — Մինչեւ որ ան չիջնայ ես քայլ մը չեմ առներ, կրինեց տպարանապետը :
 — Մինչեւ որ ան չինուանայ ես չեմ կրնար փողոց ելնել, ըսաւ գերասանը :
 — Մենք իջնանք ուրեմն Մանուկ աղա, ըսաւ Արիսողոմ աղան :
 Գերասանը Արիսողոմ աղաին ծունկերուն

իաթթըվելով աղաչեց որ ոսկի մը փոխ տայ գոնէ : Արիսողոմ աղան շատ ընդգիմացաւ բայց յետոյ տեսնելով որ անոնց ձեռքէն ուրիշ կերպով վրկվելու ճար չկայ՝ ակուայները կրծտելով հանեց բարկութեամբ ոսկի մը տուաւ տպարանապետին որ չնորհակալութիւն յայտնելով դուրս ելաւ : Գերասանն ալ ներումն խնդրելով վար իջաւ եւ դնաց :
 — Ասոր Բնչ կըսես Մանուկ աղա :
 — Ըսելիք չմնաց, Արիսողոմ աղա :
 — Հրամանքդ վար իջիր, դուն գոյցէ եւ ապրսլիէ որ չքանան դուռն :
 — Շատ լաւ :
 — Որպէս զի այս զիշեը գոնէ հանգիստ անցունենք եւ մեր ինչ ընելիքին վրայ խորհնոք :
 — Իրաւունք ունիս :
 — Շուտ ըրէք, վասն զի հիմայ մէկիկ մէկիկ կուզան :
 — Հիմայ կերթամ :

Թորոս աղան վար դնաց իրեն տրված հրամանները կատարելու եւ Արիսողոմ աղան գլուխը բարձի մը վրայ դրաւ քիչ մը հանգստանալու համար :

ՓԱ.

Արիսողոմ աղան քանի մը ժամ գնացաւ բազմոցի վրայ, Սակայն զատելով այն ձայներէն դորս կը

բառնար քունին մէջ՝ կը հասկցվէր թէ խմբագիրներն, բանաստեղծներն եւ դասասուներն քունի մէջ ալ հանգիստ չէն թողուր զինքն որ կը պօռար մերթ ընդ մերթ . « գացէ՛ք , կորսրվեցէ՛ք , ստակ չունիմ ա՛լ տալու » : Երեք ժամու չափ այսպէս յուղված մրափելէն ետքը մէկէն ի մէկ աչերը բացաւ ան դոչելով : Կարծես խմբագիր մը անոր կոկորդէն սրիւմելով խղդել կապանար զինքն եթէ չբարեհաճէր իւր թերթին բաժանորդ դրվելու : « Տէր սղորմեա , Տէր Ողորմեա » պօռաց աչերը շփելով , հանգիստ քուն մ'ալ չունինք :

Յետոյ ոտք ելնելով կազը վառեց եւ կանչեց Մանուկ աղան որուն քիչ մը կերակուր ապսպից : Քառորդէ մը բերվեցաւ կերակուրն , որուն յաջորդեց խահվէն որուն ետևէն եկաւ քունը : Հանվեցաւ Արիսողոմ աղան եւ անկողինը մտաւ քնանաւու համար : Հարկ չէ կրկնել թէ նոյն զիշերն հանգարտ քուն մը չունեցաւ : Առաւտուն կանուխ եւ լաւ անկողինէն , երեսը լուաց , հագվեցաւ , տունէն զուրս ելաւ եւ շխտակ Պ. Դերենիկին գործատունը դնաց լուսանկար պատկերը քաշել տալու համար : Գործատունը դեռ բացված չէր եւ Արիսողոմ աղան Բէրայի փողոցներուն մէջ կը շնչէր որպէս զի ժամանակ անցնի եւ գործատունը բացվի : Ժամը չորսին (ըստ տաճկաց) բացվեցաւ գործատունը եւ Արիսողոմ աղան սանդուխէ մը վեր ելնել մտաւ սենեակ մը որ լուսանկար պատկերներով զարդարված էր եւ ուր Պ. Դերենիկ նստած կը կարդար :

— Բարի եկաք , Արիսողոմ աղա , սանկ հրամացէք ըստ Պ. Դերենիկ , սեղանին վրայ նսելով լրագիրն :

Եւ յետոյ զրագրին դառնալով նշանացի հրամայեց անոր որ խահուէ բերեն :

— Ժամ առաջ քաշենք սա պատկերս , որովհետեւ ստիպողական գործեր ունիմ , քանի մը մեծ մարդոց այցելութիւն պիտի ընեմ :

— Շատ լււ :

— Կուղեմ որ պատկերս վառաւոր կերպով քաշուի : Կուղեմ թիկնաթոռի մը վրայ նստիլ , առջեւս ունենալ երկու սպասաւոր , մէկ աղախին այնպէս ըրէք որպէս թէ ագարակի մը մէջ ըլլամ ասդին վարուցան , անդին կրվերէն կաթ կթեն , ասդին ոչխարներն արածեն , ասդին ցանեն , անդին քաղեն , ասդին հերկեն անդին մածուն շինեն , ասդին ձմերուկ փրցունեն , անդին կարադ շինեն , անդին սագերը ծովու մէջ լողան , անդին անտառ ոին մէջ փայտ կտրեն , ասդին սայլերով ցորեան փոխաղբեն , անդին վերջապէս ինչ որ կըլլայ ագարակի մը մէջ տեսնուի պատկերիս մէջ :

— Այդ ամենը կարելի չէ կատարել . միայն թէ քանի մը սպասաւորներ կրնամ կայնեցնել քովդ :

— Ինչո՞ւ ըլլար :

— Որովհետեւ անկարելի է :

— Մեծ մարդոց համար ինչպէս կընէք :

— Անոնք աթոռի վրայ նստած կամ ոտքի վը-

րայ քաշել կուտան իրենց կմնղանագիրը :
 — Ի՞նչպէս ուրեմն կը հասկցուի անոնց մեծ
 մարդ ըլլալը :
 — Պատկերն մեծկակ ու փայլուն կըլլայ :
 — Խմինս ալ անանկ պիտի ըլլայ ուրեմն :
 — Այո՛ :
 — Ոտքի վրայ թէ նստած :
 — Ինչպէս որ կուզէք :
 — Դուք ի՞նչպէս կուզէք, ի՞նչպէս հանեմ նէ
 աղէկ կըլլայ :
 — Զեզի համար ոտքի վրայ կը վայլէ :
 — Շատ աղէկ . սպասաւորներն ալ դէմս :
 — Այո՛ :
 — Ես զանոնք չախելու պէս կըլլամ, անոնք
 ալ առջեւնին կը նային :
 — Աքանչելի :
 — Ծեծելու պէս կըլլամ զանոնք եւ վերջը
 բարկութիւնս իջած կըլլայ :
 — Աղէկ խորհած էք :
 — Հագուստներս ինչպէ՞ս են :
 — Ըստիր :
 — Ուրիշ ժամացոյց մ'ալ ունիմ, անիկայ ալ
 կրնանք մէկ կողմերնիս կախել :
 — Մէկ ժամացոյցը բաւական է, աւելին ա-
 ւելորդ է :
 — Այս հագուստներուս համար յիսուն ոսկի
 տուած եմ. անոնց խումաշին աղէկ եւ ընտիր ըլ-

լախ ի՞նչպէս պիտի հասկցուի պատկերէս :
 — Հոգ մի՛ ընել կը հասկցուի :
 — Ըստո՞ր պիտի ցուցնես :
 — Հանգիստ եղէք :
 — Զկարձուի սակայն թէ երկու ոսկինոց հա-
 դուստ է հագածս :
 — Այդ մասին անհոգ եղէք :
 — Շատ լաւ .
 — Ես կերթամ անդիի սենեակն նախնական
 պատրաստութիւններս ընելու, քանի մը վայրկե-
 նէն հրամանքնիդ ալ հրամմեցէք :
 — Շատ աղէկ :
 — Եթէ կուզէք մինչեւ որ անդիի սրահը մըտ-
 նէք սափրիչ մը կանչել տանք որ գայ մաղերդ ու
 պեխերդ սանտրէ, շտկէ ու շտկուտէ :
 — Աղէկ :
 գործարանի պաշտօնեայններէն մին վաղելով
 կերթայ սափրիչ մը սերելու :
 Քանի մը վայրկենէն կուգայ սափրիչն որ գը-
 լուին ծուերով եւ ետ ետ երթալով յարդանքներ կը
 մատուցանէ Արքսողոմ աղային :
 — Եկուր սա մազերս շտկէ նայինք, կըսէ Ա-
 բխողոմ աղան :
 — Պարտքերնիս է, կը պատասխանէ սափրիչը :
 — Աղէկ մը շտկէ, որովհետեւ պատկերս հա-
 նել պիտի տամ :
 — Գլխուս վրայ : Ա՞ք . . .

— Ես շատ կարեւորութիւն կուտամ գլխուս :
— Ինչո՞ւ չտաք, Վասեմապատիւ Տէր . . .

Ախ . . . Եթէ դուք չտաք ո՞վ տայ Ախ . . . Երանի թէ ես ալ ուրիշ մտմտուք չունենայի եւ . . .

— Շակոտէ նայինք :

— Գիտեմ որ ես յանցաւոր եմ ձեղի բարի Եկարի չգալուս համար, բայց ի՞նչ ընեմ . . . պարագայները թող չտուին որ կարենայի կատարել այդ պարագականութիւնս եւ այսօր երես ունենայի աղաչելու ձեր վասեմութեան որ . . .

— Վերջը կը խօսինք, սա մազերս սանտրէ . . . մարդը կսպասէ ինձի :

— Վնաս չունի, անիկայ կսպասէ : Աղաչելու ձեր վասեմութեան որ, եթէ կարելի է, յիսուն վաթուն ոսկի մը . . . ես ալ աղգային սափրիչ մ'եմ :

— Ի՞նչ ըսել է յիսուն վաթուն ոսկի . . .

— Կը խնդրեմ, մի՛ բարկանաք, յիսուն վաթուն ոսկի փոխատուութիւն մ'ընէիք ինձ, որպէս զի այդ գումարն Բարիկ դրկէի տղուս որ այդ գումարով պարտքերը տար ու բժշկութեան վկայականը առնէր գար ու քանի մը տարիէն վաստկէր ու տոկոսով ձեղի հատուցանէր : Բայց ի՞նչ օգուտ մը ձեղի ընելու, որովհետեւ բարի Եկարի չեկայ ձեղի : Եթէ բարի Եկարի Եկած ըլլայի ձեղի՝ հաձեղի : Եթէ բարի Եկարի Եկած ըլլայի ձեղի՝ հաձեղի :

Եկարի չեկայ ձեղի, դուք ալ իրաւունք ունիք խնդիրքս մերժելու թէ եւ ազգային արհեստաւոր մ'ըլլամ :

— Հիմայ ատանկ խօսքեր մտիկ ընելու ժամանակ չունիմ, ինչ որ պիտի ընես նէ ըրէ . . . աս ի՞նչ տարօրինակ քաղաք է, բարեւ Աստուծու բարին բարա տուր . . . մէկու մը բարեւ տալու չէ . . . Տէր ողորմեա . . . Տէր Աստուծած մեզայ . . . ամեն բան սաշման մ'ունի էֆէնտիմ . . . հասկցայ . . . ժամ առաջ փախչելու է այս քաղաքէն . . .

— Կերեւի թէ էֆէնտին բարկացուցած են ըստու, ներս մանելով տարիքը յիսունին եւ վաթունին մէջ կորսուած քահանայ մը :

— Աս չքաշուիր Տէր Հայր :

— Ողջոյն, օրհնած . թէպէտեւ դուք զիս չէք ճանչնար, բայց հս ձերին ո՞վ ըլլայն շատ աղէկ գիտեմ . . . ի՞նչպէս է, պատուական քէֆէրնիդ աղէկ է :

— Շիտակը աղէկ չէ :

— Աստուծած չընէ . Աստուծով քիչ ատենէն աւելի աղէկ կրլայ : Ձեղի հետ քիչ մը առանձին մընալ կուզէի : (Սափրիզին) Քիչ մը դուրս կելլա՞ք : Ես քեզի համար ալ կը խօսիմ, էֆէնտիէն կը հասկընամ ինդիրքդ եւ ես ալ կը բարեխօսեմ որ ի՞նըպաստ քեզի բան մ'ընէ . էֆէնտի, սափրիչնիս ալ, զիտէք ա, ազգայիններէն է, անոր ալ երակներուն

մէջ Հայկայ արիւնը կեռայ, անտես ընելու չէ զա-
նոնք ալ . . . (Սափրիչը կերրայ) : Զեղի հետ
մասնաւոր եւ առանձին տեսակցութիւն մ'ընել ու-
գելուո պատճառն սա է որ հրամանքնիդ կարգութիւն
կուզէք եղեր . . . եւ ինչո՞ւ շկարգութիք : Իմա-
ցայ նէ՝ շատ ուրախացայ, եւ ինչո՞ւ չուրախանա-
ցի : Զեղիպէսներն կարգուելու են որ ազգերնուս
մէջ հարուստ տղայք շատնան : Աղուոր աղջիկ կը
վինտոէք կոր եղեր . . . եւ ինչո՞ւ չփնտոէք .
Ես ալ ձեր տեղն ըլլայի նէ՝ ես ալ կը վինտոէի :
ստակ ալ կուզէք կոր եղեր քիչ մը . . . ինչո՞ւ
չուզէք, առանց ստակի կարգութին ալ շիտակը ա-
ղէկ բան մը չէ : Արդ ես իմ ձեռքիս տակն ունիմ
անանկ աղջիկներ որ թէ աղուոր են եւ թէ հա-
րուստ :

— Շնորհակալ եմ, օր մը կը նայինք, աշքէ
կանցունենք զանոնք, Նթէ կուզէք քիչ մը սպա-
սեցէք սա պատկերս քաշել տամ ու երթանք : Շի-
տակը խօսելով ես ուրիշ գործ չունիմ հոս, աղջիկ
վինտուելու եկած եմ, քանի մ'օր պիտի մնամ, եթէ
կրցի գտնել՝ կարգուիմ պիտի հետն ու առնեմ պի-
տի երթամ, եթէ չգանեմ' դարձեալ պիտի երթամ,
որովհետեւ հոս հանդիստ չեն թողուր զիս վայր-
կեան մը, ալ ձանձրացայ :

— Կրաւունք ունիք, ժամանակներն ալ գէշ
են էֆէնտիս, դրամական տաղնապ, տաղնապ դրա-
մական, ամնուրեք կը տիրէ, ազգին աղքատները

շատ են : Ինչ որ է, կսպասեմ ձեզի ու ի միասին
կերթանք :

— Սա անպիտանն ալ մազերս շտկելու համար
եկաւ ու . . . այս միջոցին Պ. Դերենիկ ներս կը
մտնէ ու

— Հրամմեցէք, կըսէ, սրահը :

— Բայց մազերս . . .

— Հոդ չէ, ես կը սանտրեմ :

— Բայց պեխերս . . .

— Վնաս չունի, ես կը շտկեմ :

Պ. Դերենիկ Արքաողոմ աղային կառաջնորդէ
լուսանկարի սրահը :

Քահանայն առանձին կը մնայ եւ կոկի մոքո-
վը հետեւեալ խորհրդածութիւններն ընել . բայց
ինչպէս կրնանք մտքով եղած խորհրդածութիւն-
ներն գուշակել : դէմքէն անշուշտ . դէմքերը շատ
անգամ կը խօսին . ինչպէս հարուստներուն նոյն-
պէս նաեւ աղքատներուն լեզուն շատ անգամ ա-
նոնց դէմքին վրայ է : Մէկու մը դէմքը նայելով
կրնանք ըսել :

Այս մարդն իդմէ ստակ ուզելու եկած է կամ
այս մարդն ինծի ոտակ տալու եկած է :

Քահանային դէմքէն ալ կըսէր . օինչ ճանրայ
բոնեմ որ սա ձմեռուան ածուխիս ու վայտիս
ստակն սա մարդէն փրցնեմ : »

Քահանայն այս խորհրդածութեանց մէջ էր, երբ
սափրիչն ներս մտաւ նորէն ու քահանային ըսաւ .

— Տէր Հայր, դործս աւրեցիր, եթէ ներս չը
մտնէիր քանի մ'ոսկի պիտի փրցնէի ես այդ մար-
դէն, տուող է կըսեն կոր, տուող, բոլոր խմբա-
գիրներուն եւ դասատոներուն ստակ տուեր է :

— Եղբայր, անոնք չե՞ն մի որ պատճառ կըլ-
լան կոր որ մեզի պէս աղքատները չեն կընար կոր
օտարականներէ ստակ փրցնել : Ճիւր մը եկա՞ւ մի,
բոլոր խմբագիրներն ու դասատոները վրան կը
թափին կոր . . . անիծեալ գարշելիներ . . . :

— Ի՞նչ պիտի ընենք հիմայ :

— Ես քեզի համար կը բարեխօսեմ, դուն ալ
ինձի համար միջնորդէ, գոնէ մէյմէկ կտոր բան
փրցնենք սա մարդէն :

— Շատ աղէկ :

— Ճիւայ հոս պիտի գայ, ես անոր ականջնի
վար կըսեմ որ այս սափրիչը գոհ ըրէ, որովհետեւ
շատ հարուստ տունեո կը մտնէ կելնէ, եւ կընայ
եթէ ուղէ, գործդ աւրել :

— Գործը ի՞նչ է :

— Հարուստ աղջիկ մը կը վնասոէ կոր :

— Աղէկ : Ես ալ կըսեմ որ քահանայէն դատ
մէկու մը մի՛ վստահիր :

— Շատ աղէկ :

— Աս աղէկ ճանրայ է :

— Միամիտին մէկն է :

— Այս, դիւրահաւանէ, բայց կողոպտեր են մար-
դէ էֆէնտիմ, կողոպտեր են, մննք շատ ուշ հասանք:

Արիսողոմ աղան դուարթ դէմքով կը քառնայ
սենեակն ուր քահանայն սափրիչին հետ կը խօսէր :

— Ներեցէք, Արիսողոմ աղա, կըսէ սափրիչն,
ձեղի այդ խնդիրքն ընելուս համար . սակայն ես
կարծէի թէ կրնայի իմ կողմէս ես ալ ծառայու-
թիւն մ'ընել ձեզ :

— Արիսողոմ աղա, պէտք է գիտնալ որ : կըսէ
քահանայն, մեր սափրիչ էֆէնտին դրեթէ մայրա-
քաղաքիս բոլոր հարուստ տուները կը մտնէ, բոլոր
աղջիկները կը ճանչնայ :

— Ի՞նչ կըսէք :

— Ա, յո՛, ինքն ալ բարի մարդ մ'է, կատարե-
ցէք ինդիրքը, մեզք է :

— Արժանապատիւ հօրէն մի զատուիք եթէ
անանկ միտք մ'ունիք . Տէր հօր ձեռամբ կարգուած
երիտասարդներն միշտ գոհ մնացած են . Ուրախ եմ
որ ձեր գործը Տէր հօր պէս բանիբուն եւ գործուն-
եայ քահանայի մը ձեռքն ինկած է . վստահ եղէք
որ երջանիկ պկտի ըլլաք ձեր ամուսնութեան մէջ :

— Բայց դուք ալ պիտի օդնէք ինձի, տէր
սափրիչ, կը յարէ քահանայն :

— Ես ի՞նչ բանի կարող եմ . . . :

— Զեր աջակցութիւնն ալ պէտք է . . . :

— Կընեմ ինչ որ կարող եմ ընել :

— Շնորհակալ եմ, Արիսողոմ աղան օտարա-
կան չէ, աղջային է, կարգուելու համար եկած է
հոս . մեր պարտքն է օգնել իրեն :

— Հարկաւ : Արիսողոմ աղային հետ ատելու
թիւն մը չունիմ ես , մանաւանդ թէ ինքը շատ
բարի ու առաքինի մարդ մ'է :

— Երեսին խօսիլ չըլլայ , ընտիր մարդ մ'է :
— Պատուական մարդ է :

— Վրան նայիս նէ՝ կըսես որ քիպարութիւնը
վրայէն կը վազէ կոր :

— Ո՞վ կը պնդէ հակառակը , ես անոր թշնա-
մին չեմ :

— Այսինքն թէ որ քեզի ալ հարցուի նէ՝ բա-
րի վկայութիւն տաս :

— Անշուշտ :

— Արիսողոմ աղան ջիյ մարդ չէ , քեզի կը
վարձատրէ վերջը :

— Գլխուս վրայ , գլխուս վրայ : Ախ , սա
տղուս վկայականն առնուէր անգամ մը :

— Հինգ օրէն ետքը , Արիսողոմ աղա , հինգ
օրէն ետքը պատրաստ են պատկերներդ , ըսաւ Պ:
Դերենիկ ներս մտնելով :

— Շատ աղեկ , պատասխանեց Արիսողոմ ա-
ղան ու գործարանէն վար իջաւ ընկերակցութեամբ
քահանային ու սափրիչին :

ԺԲ

Տիկին Շուշան՝ զոր ընթերցողն մոռցած չէ ան-
շուշտ՝ Արիսողոմ աղային տունէն տեղեկացած էր
թէ . . . քահանայն Արիսողոմ աղայն գանելու
համար Պ. Դերենիկի գործատունն գնացած էր :
Ուստի որմն քահանային յափշտակել չտալու համար
հենալով կը վազէր դէպ ի Պ. Դերենիկին գործա-
տունը , ուր կը հասնէր ճիշդ այն վայրկենին յորում
քահանայն սափրիչն վարպետութեամբ ճանբելէ յե-
տոյ Արիսողոմ աղային կը բարոյախօսէր հետեւեալ
կերպով . « Ներեցէ՞ք որ քիչ մ'ուշացայ ճշմարտու-
թիւնն ձեզի յայտնելու սափրիչի մասին : Այս սափ-
րիչը աներես մարդ մ'է , բոլո՞ Պօլիս եկողներուն
օձիքէն կը բռնէ եւ անոնցմէ ստակ կորպելու կաշ-
խատի : Անպիտանին մէկն է , իմ պարտքս է , որ-
պէս խոստովանահայր , զգուշացնել զձեղ այս կար-
գի մարդերէն որք միմիայն քանի մը ուսկի յափշ-
տակելու նպատակաւ կը մօտենան հարուստներուն:
Որքան կատեմ այդ մարները :

— Շնորհակալ եմ ձեր բարեսրատութենին եւ
մարդասիրութենէն :

— Երես մի՛ տաք այդ մարդոց :

— Ոչ :

— Տէր պապա, դու ի՞նչ գործ ունիս Արիսու-
զոմ աղային հետ, կը հարցնէ Տիկին Շուշանն, որ
ինչպէս ըստնք, հեւալով հասած էր :

— Պզտիկ գործ մը :

— Ոչ, բնաւ գործ պիտի չունենաս դուն ա-
նոր հետք. դուք ձեր պարտքը կատարեցէք եւ թող
տուէք որ մննք ալ մերինը կատարենք, ալ խանե-
ցէք քիչ մը : Երթանք Արիսողոմ աղա :

— Ոչ, դուք խանեցէք քիչ մը, մենք Արիսու-
զոմ աղային հետ պզտիկ գործ մ'ունինք . Երթանք
Արիսողոմ աղա :

Եւ քահանայն Արիսողոմ աղային ձախ թեւէն
կը քաշէ :

— Տէր պապայի մը չվայլէր ըրածդ :

— Լոէ :

— Զպիտի լոկմ :

— Թո՛ղ տուէք թեւերս,

— Թող չեմ տար, կը պատասխանէ Տիկին Շու-
շան . իմ իրաւունքս է :

— Ոչ, իմ իրաւունքս է :

— Քանի մը հարիւր դահեկան առնելու համար
կուղես որ խեղճ մարդը թշուառ ընես . դուն աղ-
ջիկ չես ճանչնար :

— Մի պոռար . պիտի թողում որ կողոպտէք
այս աղնիւ մարդն, այնպէս չէ :

— Ինչու կոիւ կընէք, ամօթ չէ . . . ևս չեմ
ուզեր աղջիկ :

— Չըսար, կը պատասխանէ Տիկին Շուշան,
մենք քեզի աղջիկ մը պիտի գտնանք . բայց թէ որ
Տէր պապային ձեռքով աղջիկ փնտուես, գիտցած
եղիը որ պատիւդ մէկ սարկի կըլլայ :

— Ընդհակառակն, քահանայի ձեռամբ աղջիկ
փնտողն է պատուաւորը : Երթանք Արիսողոմ աղա :

— Թող չեմ տար :

— Երթանք Արիսողոմ աղա :

— Թող չեմ տար որ երթայ . ևս անոր աղջիկ-
ներ պատրաստած եմ, աղջիկ տեսի պիտի երթանք :

Այս տեսարան տեղի կունենար Պ. Դերենիկի
գործատոն առջեւ եւ անցնողներէն պզտիկ խումբ
մը հանդիսականի պաշտօն կը վարէր անդ, երբ
Մանուկ աղան ստիպուած Արիսողոմ աղան անպատ-
ճառ գանելու, եկաւ հոն, տեսաւ Արիսողոմ ա-
ղան՝ որուն մէկ թեւէն քահանայն եւ միւս թեւէն
Տիկին Շուշան կը քայլէր եւ մէկդի քաշելով զայն
քանի մը ծանր խօսքեր ուղղեց քահանային եւ Ցի-
կին Շուշանին եւ հեռացաւց զանոնք :

— Ահ, ըստե Մանուկ աղան Արիսողոմ աղայի
գառնալով, յանցանքը ձերն է, ամենուն երես կու-
տաք . ասոնք միմիայն քեզմէ օդտուելու համար կը
մօտենան քովդ :

— Իրա՞ւ կըսէք :

— Ինչու սուտ պիտի զրուցեմ : Կարգուիլ
կուզես, լաւ . ևս զանեմ քեզի աղջիկներ, ընտրէ՛,
եւ ուզածդ առ :

- Աղէկ ըսիր :
 — Պատուաւոր ընտանիքէ աղջիկներ ցուցնել
տամ քեղի :
 — Յուցուր :
 — Միջնորդով աղջիկ փնտուելու ժամանակը
անցած է հիմա :
 — Այդպէ՞ս է :
 — Մինչեւ անգամ ամօթ է ,
 — Ամօթ է նէ չուզեր :
 ✗ — Ես քեզի աղջիկ կը հաւնեցնեմ .
 — Շնորհակալ եմ :
 — Տուր ինձի դուն որկէց յիսուն ոսկի :
 — Առ ի՞նչ ըսել է :
 — Տուր դուն ինձի յիսուն ոսկի :
 — Ինչո՞ւ տամ :
 — Ալլահ , Ալլահ , տուր կրօնմ կոր նէ՝ հար-
կաւ բան մը զիտեմ կոր . տէր ողորմեա , պիտի առ-
նեմ չպիտի փախչիմ եա' :
 — Զպիտի փախչիս , բայց . . .
 — Կը վախնա՞ս կոր ինձի յիսուն ոսկի տա-
լուարդէն այնքան գումար մը պահանջող եմ
ես քեզմէ , ձեզի համար այնքան ծախքեր ըրած
եմ :
 — Այնքան ծախքեր . . . ի՞նչ ծախքեր են
անոնք . . .
 — Մէկիկ մէկիկ չպիտի զբենք ա' , տիկինը գի-
տէ : Բայց թողունք այդ խնդիրը հիմայ :

— Ոչ չթողունք այս խնդիրը . յիսուն ոսկի . . .
քանի՞ որ եղաւ որ . . . :

— Մէկու մը պարտք ունէի , այսօր եկաւ նե-
պ խոթեց զիս եւ եթէ այդ գումարը չվճարեմ ,
տունէն պիտի հանեն մազի : Ասիկայ ինձի համար
ամօթ է քեզի համար ալ պատուաբեր բան մը չէ .
տուր սա յիսուն ոսկին , հաշիւը կը կարգադրենք
վերջը :

— Ի՞նչ խայտառակոթիւն է աս . . .
 — Աղջիկ գտնամ նէ՝ միջնորդչէք չպիտի ու-
ղեմ ես քեզմէ . տուր սա յիսուն ոսկին ,
 — Ինչո՞ւ տամ . . . ի՞նչ ըրի ես քեզի . . .
 — Կը ցաւիմ որ խօսք չէք հասկնար կոր . քե-
զի ինչ կըսեմ կոր նէ ան ըրէ . ինչո՞ւ չես տար կոր
սա յիսուն ոսկին :

— Զեմ տար , տունէդ ալ կենեմ , կերթամ :
 Եւ խօսելով զէպ ի տուն կը քալէին :
 — Ցիսուն ոսկին ալ մեծ բան մ' ըլլար որ չէք
ուզեր կոր տալ : Իրաւ որ ես ձեզմէ չէի յուսար :

— Ցուսացէք :
 — Զեր քիսարութեանը չէի ձգեր որ յիսուն
ոսկիի խօսքն ընէք :
 — Մստուկներս կառնեմ կերթամ ես :
 — Կրնաք երթալ , բայց յիսուն ոսկին տալէն
ետքը :

— Զեմ տար :
 — Կուտաք :

Կը հասնին Ծաղկի փողոց ուր եկած էին նաեւ
քահանայ, սակրիչն ու Տիկին Շուշան :

— Գնացէ՛ք, մէկդի գացէք, երեսնիդ տեսնել
չեմ ուզեր, պոռաց Արիսողոմ աղան տեսնելով զա-
նոնք :

Ցետոյ դուռը զարկաւ, ներս մտաւ եւ սկսաւ
սնտուկները կապել ի զարմացումն տան տիկնոջ :

— Խնչո՞ւ կը ժողուըուիք կոր Արիսողոմ աղան,
հարցուց տան տիկինը :

— Երթամ պիտի, պիտի երթամ, Միտքս փո-
խեցի. չպիտի կարգուիմ :

— Բարկացուցի՞ն ձեզի :

— Ոչ :

— Խնչո՞ւ ուրեմն բարկացած էք :

— Բարկացած չեմ :

— Քուզում Արիսողոմ աղան, Մանուկ աղան
յիսուն ոսկի պիտի ուզեր քեզմէ, ուզե՞ց :

— Ուզեց :

— Մսալմունք մ'է եղեր :

— Մսալմունք է եղեր :

— Այո՞ւ, յիսուն ոսկի չպիտի ըլլայ այլ հարիւր
յիսուն ոսկի: Սա բարութիւնն ըրէ՛ մեզի: Դուն
քիսուն մարդ ես: Մինք ալ քու սայէյէդ պարտ-
քէ կազատինք :

Արիսողոմ աղան սնտուկները կապելն, փողոց
ցատկելն, երեք բեռնակիր բերելն ու սնտուկները
դուրս հանելն մէկ կընէ :

Սակրիչը, քահանայն, Տիկին Շուշան եւ Մա-
նուկ աղան կը հետեւին իրեն մինչեւ . . . հիւրա-
նոցին դուռը: Ուսկից կը մտնէ Արիսողոմ աղան
եւ կը հեռանան իրեն հետեւողները: բաց ի Մա-
նուկ աղային որ կընկերանայ Արիսողոմ աղային
հաշիւները կարգադրելու համար:

Ա. յն օրէն ի վեր Արիսողոմ աղան տեսնող չե-
զաւ, միայն թէ քանի մը շաբաթներ նոյն հիւրա-
նոցին դրան առջեւ կը տեսնուէին խմբագիրք, հե-
ղինակք, բանաստեղծք իրենց թեւին տակը թըլ-
թեայ ծրաբներ ունենալով:

Ա. յսպէս ուրեմն կարգուելու նպատակաւ Պօ-
լիս եկողն աղջիկ մ'խսկ տեսնելու ժամանակ չու-
նեցաւ եւ ինչպէս կըսեն, բուրդ ու բապուճ փա-
խաւ մայրաքաղաքէս: Բայց անջնջելի յիշատակ
մը թողուց զրական մարդոց մտքին մէջ:

Երբ երկու երեք հեղինակք մէկտեղին « ին-
տոր փախուցինք սա Արիսողոմ աղան » կըսեն ու
կը ինդան քիչ մը:

Իսկ երբ դրամական տագնապի մէջ դտնուին
« Աստուած, Արիսողոմ աղան մը խրկէ մեզի » կըսեն
եւ իրենց միաքով ալ կը յաւելուն, « խնդրեցէք զԱ-
րիսողոմ աղան եւ ամենայն ինչ յաւելցի ձեզ » :

Մեծատուններն ալ կը յիշեն Արիսողոմ աղան
երբ զրական մարդ մը անոնց մեկենասութիւնը
ինսպէ:

Արիսողոմ աղան չենք մինք կըսեն,

Իսկ մենք որ ներկայացած չենք Արխողում
աղային, կը հրատարակենք սոյն դործն, ոչ այնքան
մեղադրելու նպատակաւ ազգային խմբագիրներն .
հեղինակներն, բանաստեղծներն եւայլն, որքան ներ-
կայացնելու համար ապագայ սերնդեան՝ ժամանա-
կիս զրական մարդոց ողբալի կացութիւնն, և գրա-
դանութեան մասին ազգային մեծատուններու սար-
սափելի անտարբերութիւնը :

፲፻፭፯



15787

2013

